



歷代名賢列女氏姓譜卷之六十九

湘鄉

蕭智漢雲澤氏

男秉信明甫氏校

下平聲

五歌

何氏

見姓苑

何氏

姬姓唐叔虞裔孫韓王安為秦所滅子孫分散江淮間以韓為何字隨音變遂為何氏

歷代名賢

何並字子廉祖父以吏二千石自平輿徙平陵並為郡吏

至大司空掾事何武武高其志節舉能治劇為長陵令道

氏姓譜

卷六十九

五歌

歌氏

一

不拾遺初邛成太后外家王氏貴而侍中王林卿通輕俠傾京師後坐法免賓客愈盛歸長林上冢因留飲連日並恐其犯法自造門上謁謂林卿曰冢間單外君宜以時歸林卿曰諾先是林卿殺婢壻埋冢舍並具知之以非已時又見其新免故不發舉欲無令留界中而已即且遣吏奉謁傳送林卿素驕慙于賓客並度其為變備兵馬以待之林卿既去北度涇橋令騎奴還至寺門拔刀剗其建鼓並自從吏兵追林卿行數十里林卿迫窘乃令奴剗其冠被其襜褕自代乘車從童騎身變服從間徑馳去會日暮追及收縛冠奴奴曰我非侍中奴耳並心自知已失林卿乃曰王君困自稱奴得脫死邪叱吏斷頭持還縣所剗鼓置都亭下署曰故侍中王林卿坐殺人埋冢舍使奴剗寺門鼓吏民驚駭林卿因亡命眾庶謹諱以為實死成帝太后

以邛成太后愛林卿故聞之涕泣爲言哀帝哀帝問狀而善之遷並隴西太守徙潁川太守代陵陽嚴詡詡本以孝行爲官謂掾史爲師友有過輒閉閣自責終不大言郡中亂王莽遣使徵詡官屬數百人爲設祖道詡據地哭掾史曰明府者徵不宜若此詡曰吾哀潁川士身豈有憂哉我以柔弱徵必選剛猛代代到將有僵仆者故相弔耳詡至拜爲美俗使者是時潁川鍾元爲尚書令領廷尉用事有權弟威爲郡掾臧千金並爲太守故辭鍾廷尉廷尉免冠爲弟請一等之罪願早就髡鉗並曰罪在弟身與君律不在于太守元懼馳遣人呼弟陽翟輕俠趙季李欵多畜賓客以氣力漁食閭里至姦人婦女持吏長短從橫郡中聞並且至皆亡去並下車求勇猛曉文法吏且十人使文吏治三人獄武吏往捕之各有所部救曰三人非負太守乃

氏姓譜

卷六十九

五歌

何氏

二

負王法不得不治鍾威所犯多在赦前驅使入函谷關勿令汙民間不入關乃收之趙李桀惡雖遠去當得其頭以謝百姓鍾威負其兄止雒陽吏格殺之亦得趙李它郡持頭還並皆縣頭及其具獄於市郡中清靜表善好士見紀潁川名次黃霸性清廉妻子不至官舍數年卒疾病召丞掾作先令書曰告子恢吾生素餐日久死雖當得法賻勿受塋爲小椁直容下棺恢如父言王莽擢恢爲關都尉建武中以並孫爲郎

何武字君公蜀郡郫縣人也宣帝時天下和平四夷賓服神爵五鳳之間婁蒙瑞應而益州刺史王襄使辯士王褒頌漢德作中和樂職宣布詩三篇武年十四五與成都楊覆衆等共習歌之是時宣帝循武帝故事求通達茂異士召見武等於宣室上曰此盛德之事吾何足以當之哉以

褒爲待詔武等賜帛罷武詣博士受業治易以射策甲科爲郎與翟方進交志相友光祿勳舉四行遷爲鄴合坐法免歸武兄弟五人皆爲郡吏郡縣敬憚之武弟顯家有市籍租常不入縣數負其課市嗇夫求商捕辱顯家顯怒欲以吏事中商武曰以吾家租賦繇役不爲衆先奉公吏不亦宜乎武卒白太守召商爲卒吏州里聞之皆服焉久之太僕王音舉武賢良方正徵對策拜爲諫大夫遷揚州刺史所舉奏二千石長吏必先露章服罪者爲虧除免之而已不服極法奏之抵罪或至死九江太守戴聖禮經號小戴者也行治多不法前刺史以其大儒優容之及武爲刺史行部錄囚徒有所舉以屬郡聖曰後進生何知乃欲亂人治皆無所決武使從事廉得其罪聖懼自免後爲博士毀武於朝廷武聞之終不揚其惡而聖子賓客爲羣盜得

氏姓譜

卷六十九

五歌

何氏

三

繫廬江聖自以子必死武平心決之卒得不死自是後聖慙服武每奏事至京師聖未嘗不造門謝恩武爲刺史二千石有罪應時舉奏其餘賢與不肖敬之如一是以郡國各重其守相州中清平行部必先卽學官見諸生試其誦論問以得失然後入傳舍出記問墾田頃畝五穀美惡已乃見二千石以爲常初武爲郡吏時事太守何壽壽知武有宰相器以其同姓故厚之後壽爲大司農其兄子爲廬江長史時武奏事在郡壽兄子適在長安壽爲具召武弟顯及故人揚覆衆等酒酣見其兄子曰此子揚州長史材能駑下未嘗省見顯等甚慙退以謂武武曰刺史古之方伯上所委任一州表率也職在進善退惡吏治行有茂異民有隱逸乃當召見不可有所私問顯覆衆強之不得已召見賜卮酒歲中廬江太守舉之其守法見憚如此爲刺

史五歲入爲丞相司直丞相薛宣敬重之出爲清河太守
數歲坐郡中被災害什四以上免久之大司馬曲陽侯王
根薦武徵爲諫大夫遷兗州刺史入爲司隸校尉徙京兆
尹二歲坐舉方正所舉者召見槃辟雅拜有司以爲詭衆
虛僞武坐左遷楚內史遷沛郡太守復入爲廷尉綏和三年
御史大夫孔光左遷廷尉武爲御史大夫成帝欲修辟
雍通三公官卽改御史大夫爲大司空武更爲大司空封
汜鄉侯食邑千戶汜鄉在瑯邪不其哀帝初卽位褒賞大
臣更以南陽舉之博望鄉爲汎鄉侯國增邑千戶武爲人
仁厚好進士樊稱人之善爲楚內史厚兩龔在沛郡厚兩
唐及爲公卿薦之朝廷此人顯於世者何侯力也世以此
多焉然疾朋黨問文吏必於儒者問儒者必於文吏以相
參檢欲除吏先爲科例以防請託其所居亦無赫赫名去

氏姓譜

卷六十九

五歌

何氏

四

後普見思及爲御史大夫司空與丞相方進共奏言往者
諸侯王斷獄治政內史典獄事相總綱紀輔王中尉備盜
賊今王不斷獄與政中尉官罷職并內史郡國守相委任
所以壹統信安百姓也今內史位卑而權重威職相踰不
統尊者難以爲治臣請相如太守內史如都尉以順尊卑
之序平輕重之權制曰可以內史爲中尉初武爲九卿時
奏言宜置三公官又與方進共奏罷刺史更置州牧後皆
復復故惟內史事施行多所舉奏號爲煩碎不稱賢公功
名畧比薛宣其材不及也而經術正直過之武後母在郡
遣吏歸迎會成帝崩吏恐道路有盜賊後母留止左右或
議武事親不篤哀帝亦欲改易大臣遂策免武曰君舉錯
煩苛不合衆心孝聲不聞惡名流行無以率示四方其上
大司空卽綬罷歸就國後五歲諫大夫鮑宣數稱寃之天

子感丞相王嘉之對而高安侯董賢亦薦武武由是復徵
爲御史大夫月餘徙爲前將軍先是新都侯王莽就國數
年上以太皇太后故徵莽還京師莽從弟成都侯王邑爲
侍中矯稱太皇太后指白哀帝爲莽求特進給事中哀帝
復請之事發覺太后爲謝上以太后故不忍誅之左遷邑
爲西河屬國都尉削千戶後有詔舉大常莽私從武求舉
武不敢舉後數月哀帝崩太后卽日引莽入收大司馬董
賢印綬詔有司舉可大司馬者莽故大司馬辭位辟丁傅
衆庶稱以爲賢又太后近親自大司徒孔光以下舉朝皆
舉莽武爲前將軍素與左將軍公孫祿相善二人獨謀以
爲往時孝惠孝昭少主之世外戚呂霍上官持權幾危社
稷今孝成孝哀比世無嗣方當選立親近輔幼主不宜令
異姓大臣持權親疎相錯爲國計便於是武舉公孫祿可

氏姓譜

卷六十九

五歌

何氏

五

大司馬而祿亦舉武太后竟自用莽爲大司馬莽風有司
劾奏武公孫祿互相稱舉皆免武就國後莽寢盛爲宰衡
陰誅不附已者元始三年呂寬等事起時大司空甄豐承
莽風指遣使者乘傳案治黨與連引諸所欲誅上黨鮑宣
南陽彭偉杜公子郡國豪桀坐死者數百人武在見誣中
大理正檻車徵武武自殺衆人多寃武者莽欲厭衆意令
武子况嗣爲侯諡武曰刺侯莽篡位免况爲庶人
何比干字少卿經明行修兼通法律爲汝陰獄吏決曹掾
平活數千人後爲丹陽都尉獄無寃囚准汝號曰何公征
和年三年三月天大陰雨比干在家日中夢貴客車騎滿
門覺以語妻語未已而門有老姬可八十餘頭白求寄避
雨雨甚而衣履不沾漬雨止送出門乃謂比干曰公有陰
德今天錫君策以廣公子孫因出懷中符策狀如簡長九

寸凡九百九十九枚以授比干子孫佩印綬者當如此算
比干年五十八有六男又生三子本始元年自汝陰徙平
陵代爲名族

何敞字文高扶風平陵人也其先家于汝陰六世祖比干
學尚書於晁錯武帝時爲廷尉正後遷丹陽都尉因徙居
平陵敞父寵建武中爲千乘都尉以病免遂隱居不仕敞
性公正自以趣舍不合時務每請召常稱疾不應元和中
辟太尉宋由府由待以殊禮敞議論高常引大體多所匡
正司徒袁安亦深敬重之是時京師及四方累有奇異鳥
獸草木言事者以爲祥瑞敞通經傳能爲天官意甚惡之
乃言於二公由安懼然不敢答居無何而肅宗崩時竇氏
專政外戚奢侈賞賜過制倉帑爲虛敞奏訊由由不能用
時齊薨王子都鄉侯暢奔弔國憂上書未報侍中竇憲遂

氏姓譜

卷六十九

五歌

何氏

六

令人刺殺暢於城門屯衛之中而主名不立敞又說由曰
劉暢宗室肺腑茅土藩臣來弔大憂上書須報親在武衛
致此殘酷奉憲之吏莫適討捕蹤跡不顯主名不立敞備
數股肱職典賊曹故欲親至發所以糾其變而二府以爲
故事三公不與盜賊昔陳平生于征戰之世猶知宰相之
分云外鎮四夷內撫諸侯使卿大夫各得其宜今二府執
事不深惟大義惑于所聞公縱姦慝莫以爲咎惟明公運
獨見之明昭然勿疑敞不勝所見請獨奏案由乃許焉二
府聞敞行皆遣主者隨之於是推舉具得事實京師稱其
正以高第拜侍御史時遂以竇憲爲車騎將軍大發軍擊
匈奴而詔使者爲憲弟篤景並起邸第興造勞役百姓愁
苦敞上疏諫謂宜且罷工匠專憂北邊恤人之困書奏不
省後拜爲尚書復上封事曰夫忠臣憂世犯主嚴顏譏刺

貴臣至以殺身滅家而猶爲之者何邪君臣義重有不得已也臣伏見往事國之危亂家之將凶皆有所由較然易知昔鄭武姜之幸叔段衛莊公之寵州吁愛而不教終至凶戾由是觀之愛子若此猶飢而食之以毒適餓死同患也伏見大將軍竇憲始遭大憂比上書奏欲令典幹國事憲深執謙退固辭盛位懇懇勤勤言詞切至天下聞之莫不悅喜今踰年無幾大禮未終卒然中改兄弟專朝憲秉三軍之重篤景總官衛之權而虐用百姓奢侈僭倂誅戮無罪肆心自快今者論議凶凶咸謂叔段州吁復生于漢臣觀公卿懷持兩端不肯極言者以爲憲等若有匪懈之志則已受吉甫褒申伯之命如憲等陷于辜辜則自取陳平周勃順呂后之權終不以憲等吉凶爲憂也臣敞區區誠欲計策兩安絕其繇繇塞其涓涓上不欲令皇太后損

氏姓譜

卷六十九

五歌

何氏

七

文母之號陛下有誓泉之譏下使憲等得長保其福祐然臧獲之謀上安主父下存主母猶不免於嚴怒臣伏惟累祖蒙恩至臣入世復以愚陋旬年之間歷顯位備機近每念厚德忽然忘生雖知言必夷滅而言死自盡者誠不忍自見其禍而懷默苟全駙馬都尉瓌雖在弱冠有不隱之忠比請退身願抑家權可與參謀聽順其意誠宗廟至計竇氏之福敵數切諫言諸竇罪過憲等深怨之時濟南王康尊貴驕甚憲乃白出敞爲濟南太傅敞至國輔康以道義數引法度諫正之康敬禮焉歲餘遷汝南太守敞疾文俗吏以苛刻求當時名譽故在職以寬和爲政立春日常召督郵還府分遣儒術大吏按行屬縣顯孝悌有義行者及舉寃獄以春秋義斷之是以郡中無怨聲百姓化其恩禮其出居者皆歸養其父母追行喪服推財相讓者二百

詩人置立禮官不任文吏又修理銅陽舊渠百姓賴其利
墾田增三萬餘頃吏人共刻石頌敞功德及竇氏敗有司
奏敞子與夏陽侯瓌厚善坐免官永元十二年復徵二遷
五官中郎將常忿疾中常蔡倫倫深恨之元興元年敞以
祠廟嚴肅微疾不齋後鄧皇后上大傅禹冢敞起隨百官
會倫因奏敞詐病坐抵罪卒于家

何顒字伯求南陽襄鄉人也少游學洛陽顒雖後進而郭
林宗賈偉節等與之相好顯名太學友人虞偉高有父仇
未報而篤病將終顒往候之偉高泣而訴顒感其義爲復
仇以頭覆其墓及陳蕃李膺之敗顒以與蕃膺善遂爲宦
官所限乃變姓名亡匿汝南間所至皆親其豪傑有聲荆
豫之域袁紹慕之私與往來結爲奔走之友是時黨事起
天下多離其難顒常私入洛陽從紹計議其窮困閉扃者

氏姓譜

卷六十九

五歌

何氏

八

爲求援救以濟其患有被掩捕者則廣設權計使得逃隱
全免者甚衆及黨錮解顒辟司空府每三府會議莫不推
顒之長累遷及董卓秉政逼顒以爲長史託疾不就乃與
司空荀爽司徒王允等共謀卓會爽薨顒以它事爲卓所
繫憂憤而卒初顒見曹操歎曰漢家將亡安天下者必此
人也操以是嘉之嘗稱穎川荀彧王佐之器及彧爲尙書
令遣人西迎叔父爽并致伯求之屍而塋之爽冢傍

何休字邵公任城樊人也父豹少府休爲人質朴訥口而
雅有心思精研六經世儒無及者以列卿子詔拜郎中非
其好也辭病而去不仕州郡進退必以禮太傅陳蕃辟之
與參政事蕃敗休坐廢錮乃作春秋公羊解詁覃思不闕
門十有七年又註訓孝經論語風角七分皆經緯典謨不
與守文同說又以春秋駁漢事六百餘條妙得公羊本意

休善歷算與其師博士羊弼追述李育意以難二傳作公羊墨守左氏膏肓穀梁廢疾黨禁解又辟司徒羣公表休道術深明宜侍幃幄倖臣不悅之乃拜議郎屢陳忠言再遷諫議大夫年五十四和光五年卒

何苗南陽宛人進之弟靈帝時爲河南尹中平四年榮陽數千人羣起攻燒郡縣殺中牟縣令詔使苗出擊之苗攻破羣賊平定而還詔遣使者迎于成皋拜苗爲車騎將軍封濟陽侯

何隨鄆縣人初仕蜀爲安漢令蜀亡去官時巴土飢逆吏取民芋以自給隨卽以綿繫其處賞之民視芋見綿相與語曰聞何安漢清廉必此人也

何英鄆縣人學通經緯著漢德春秋十五卷孫汶亦深於學著世務三十篇

何氏譜

卷六十九

五歌

何氏

九

何熙字孟孫陳郡陽夏人也少有大志不拘小節身長八尺五寸體貌魁梧善爲容儀舉孝廉爲謁者贊拜殿中音動左右和帝嘉之歷爲司隸校尉大司農永初二年南單于與烏桓俱反以熙行車騎將軍征之累有功烏桓請降單于復稱臣如舊會熙暴疾卒

何夔字叔龍龍熙曾孫也幼喪父與母兄居以孝友稱長八尺三寸容貌矜嚴避亂淮南後袁術至壽春辟之夔不應然遂爲術所留久之術與橋蕤俱攻圍蕪陽蕪陽爲操固守術以夔彼郡人欲脅令說蕪陽夔謂術謀臣李業曰昔柳下惠聞伐國之謀而有憂色曰吾聞伐國不問仁人斯言何爲至于我哉遂遁匿潯山術知夔終不爲已用乃止術從兄山陽太守遺母夔從姑也是以雖恨夔而不加害

建安二年夔將還鄉里度術必急追乃間行得免明年到本郡頃之操辟爲司空掾屬時有傳袁術軍亂者操問夔曰君以爲信不夔對曰天之所助者順人之所助者信術無信順之實而望天人之助此不可以得志于天下夫失道之主親戚叛之而况于左右乎以夔觀之其亂必矣操曰爲國失賢則亡君不爲術所用亂不亦宜乎操性嚴掾屬公事往往加杖夔嘗畜毒藥誓死無辱是以終不見及出爲城父令遷長廣太守郡濱山海黃巾未平豪傑多背叛袁譚就加以官位長廣縣人管承徒衆三千餘家爲寇害議者欲舉兵攻之夔曰承等非生而樂亂也習于亂不能自還未被德教故不知反善今兵迫之急彼恐夷滅必并力戰攻之旣未易拔雖勝必傷吏民不如徐喻以恩德使容自悔可不煩兵而定乃遣郡丞黃珍往爲陳成敗承

氏姓譜

卷六十九

五歌

何氏

十

等皆請服夔遣吏成宏領校尉長廣縣丞等郊迎奉牛酒詣郡牢平賊從錢衆亦數千夔率郡兵與張遼共討定之東牟人王營衆三千餘家齊昌陽縣爲亂夔遣吏王欽等授以計畧使離散之旬月皆平定是時操始制新科下州郡又收租稅綿絹夔以郡初立近以師旅之後不可卒繩以法乃上言曰自喪亂以來民人失所今雖小安然服教日淺所下新科皆以明罰救法齊一大化也所領六縣疆域初定加以饑饉若一切齊以科禁恐或有不從教者有不從教者不得不誅則非觀民設教隨時之意也先王辨九服之賦以殊遠近制三典之刑以平治亂愚以爲此郡宜依遠域新邦之典其民間小事使長吏臨時隨宜上不背正法下以順百姓之心比及三年民安其業然後齊之以法則無所不至矣操從其言徵還參丞相軍事海賊郭

祖寇暴樂安濟南界州郡苦之操以夔前在長廣有威信
拜樂安太守到官數月諸城悉平入爲丞相東曹掾夔言
於操曰自軍興以來制度草創用人未詳其本是以各引
其類時忘道德夔聞以賢制爵則民慎德以庸制祿則民
興功以爲自今所用必先核之鄉閭使長幼順叙無相踰
越顯忠直之賞明公實之報則賢不肖之分居然別矣又
可修保舉故不以實之令使有司別受其負在朝之臣時
受教與曹並選者各任其責上以觀朝臣之節下以塞爭
競之源以督羣下以率萬民如是則天下幸甚操稱善魏
國旣建拜尚書僕射丕爲太子以涼茂爲太傅夔爲少傅
特命二傅與尚書東曹並選太子諸侯官屬茂卒以夔代
茂每月朔太傅入見太子太子正法服而禮焉他日無會
儀夔遷太僕太子欲與辭宿戒供夔無往意乃與書請之

氏姓譜

卷六十九

五歌

何氏

十一

夔以國有常制遂不往其履正如此然於節儉之世最爲
豪汰丕踐阼封成陽亭侯邑三百戶疾病屢乞遜位詔報
曰蓋禮賢親舊帝王之常務也以規則君有輔弼之勳焉
以賢則君有醇固之茂焉夫有陰德者必有陽報今君疾
雖未瘳神明聽之矣君其卽安以順朕意薨諡曰靖侯子
曾嗣咸熙中爲司徒

何晏

字平叔宛人進之孫尚魏公主美姿容少以秀才知
名曹爽尋引爲散騎侍郎遷侍中尚書賜爵列侯晏與夏
侯元等競爲清談天下士大夫慕之遂成風流

何曾

字穎考少襲爵好學博聞與同郡袁侃齊名魏明帝
初爲平原侯曾爲文學及卽位累遷散騎侍郎汲郡典農
中郎將給事黃門侍郎上疏曰臣聞爲國者以清靜爲基

而百姓以良吏爲本今海內虛耗事役衆多誠宜恤養黎元悅以使人郡守之權旣輕猶專任千里比之於古則列國之君也上當奉宣朝恩以致惠和下當興利而除其害得其人則可安非其人則爲患故漢宣稱曰百姓所以安其田里而無歎息愁恨之心者政平訟理也與我共此者其惟良二千石乎此誠可謂知政之本也方今國家大舉新有發調軍師遠征上下劬勞夫百姓可與樂成難與慮始愚惑之人能厭目前之小勤而忘爲亂之大禍者是以郡守益不可不得其人才雖難備猶宜粗有威恩爲百姓所信憚者臣聞諸郡守有年老或疾病皆委政丞掾不恤庶事或體性疎怠不以政理爲意在官積年惠澤不加於人然于考課之限罪亦不至黜免故得經延歲月而無斥罷之期臣愚以爲可密詣主者使隱核參訪郡守其有老

氏姓譜

卷六十九

五歌

何氏

三

病不隱親人物及宰牧少恩好修人事煩擾百姓者皆可徵還爲更選代項之遷散騎常侍及宣帝將伐遼東會上疏魏帝帝不從出補河內太守在任有威嚴之稱徵拜侍中母憂去官嘉平中爲司隸校尉撫軍校事尹模憑寵沐威姦利盈積朝野畏憚莫敢言者曾奏劾之朝廷稱焉時曹爽專權宣帝稱疾曾亦謝病爽誅乃起視事魏帝之廢也曾預其謀焉時步兵校尉阮籍負才放誕居喪無禮曾面質籍于文帝座曰卿縱情背禮賤俗之人今忠賢執政綜核名實若卿之曹不可長也因言于帝曰公方以孝治天下而聽阮籍以重哀飲酒食肉于公座宜擯四裔無令汙染華夏帝曰此子羸病若此君不能爲吾忍邪曾重引據辭理甚切帝雖不從時人敬憚之母邱儉誅子旬妻荀應坐死其族兄顓族父虞並景帝姻通其表魏帝以句其

命詔聽離婚荀所生女芝爲潁川太守劉子元妻亦坐死以懷妊繫獄荀辭詣曾乞恩曰芝繫在廷尉顧影知命計曰備法乞沒爲官婢以贖芝命曾哀之騰辭上議朝廷僉以爲當遂改法曾在司隸積年遷尚書正元年中爲鎮北將軍都督河北諸軍事假節將之鎮文帝使武帝齊王攸辭送數十里曾盛爲賓主備太牢之饌侍從吏騶莫不醉飽帝旣出又過其子劭曾先敕劭曰客必過汝汝當豫嚴劭不冠帶停帝良久曾深以譴劭曾見崇重如此遷征北將軍進封潁昌鄉侯咸熙初拜司徒改封朗陵侯文帝爲晉王曾與高柔鄭冲俱爲三公將入見曾獨致拜盡敬二人猶揖而已武帝襲王位以曾爲晉丞相加侍中與裴秀王沈等勸進踐阼拜太尉進爵爲公食邑千八百戶泰始初詔曰蓋謨明弼諧王躬是保所以宣崇大訓克咸四海

氏姓譜

卷六十九

五歌 何氏

三

也侍中太尉何曾立德高峻執心忠亮博物洽聞明識宏達翼佐先皇勲庸顯著朕纂洪業首相王室迪惟前人施於朕躬實佐命興化光贊政道夫三司之任雖左右王事若乃予違汝弼匡獎不逮則存乎保傅故將明衮職未如用父厥辟之重其以曾爲太保侍中如故久之以本官領司徒曾固讓不許遣散騎常侍諭旨乃視事進位太傅曾以老年屢乞遜位詔曰太傅明朗高亮執心宏毅可謂舊德老成國之宗臣者也而高尚其事屢辭祿位朕以寡德憑賴保佑省覽章表實用憮然雖欲成人之美豈得遂其雅志而忘翼佐之益哉又司徒所掌務煩不可久勞者艾其進太宰侍中如故朝會劍履乘輿上殿如漢相國蕭何用千秋魏太傅鍾繇故事賜錢百萬絹五百匹及八尺牀帳簟褥自副置長史掾屬祭酒及員吏一依舊制所給親

兵官騎如前王者依次按禮典務使優備後每召見敕以常所飲食服物自隨令二子侍從咸寧四年薨時年八十帝於朝堂素服舉哀賜東園秘器朝服一具衣一襲錢三十萬布百匹將塋下禮官議諡博士秦秀諡爲繆醜帝不從策諡曰孝太康末子劭自表改諡爲元曾性至孝閨門整肅自少及長無聲樂嬖幸之好年老之後與妻相見皆正衣冠相待如賓已南向妻北面再拜上酒酬酢旣畢便出一歲如此者不過再三焉初司隸校尉傅元著論稱曾及荀顛曰以文王之道事其親者其穎昌何侯乎其荀侯乎古稱曾閔今曰荀何內盡其心以事其親外崇禮讓以接天下孝子百世之宗仁人天下之命有能行孝之道君子之表儀也詩曰高山仰止景行行止令德不遵二夫子之景行者非樂中正之道也又曰荀何君子之宗也又曰

氏姓譜

卷六十九

五歌

何氏

古

穎昌侯之事親其盡孝子之道乎存盡其和事盡其敬亡盡其哀予於穎昌侯見之矣又曰見其親之黨如見其親六十而豫慕予於穎昌侯見之矣然性奢豪務在華侈帷帳車服窮極綺麗厨膳滋味過於王者每燕見不食太官所設帝輒命取其食蒸餅上不垢作十字不食食日萬錢猶曰無下箸處人以小紙爲書敕記室勿報劉毅等數劾奏曾侈怵無度帝以其重臣一無所問都官從事劉享嘗奏曾華侈以銅鈎獸綉車塋牛蹄角後曾辟享爲掾或勸勿應享謂至公之體不以私恨遂應辟曾常因小事加享杖罰其外寬內忌亦此類也時司空賈充權擬人主曾卑充而附之及充與庾純因酒相競曾議黨充而抑純以此爲正直所非二子遵劭劭嗣

何充字次道廬江灣人魏光祿大夫禎之曾孫也祖憚豫

州刺史父獻安豐太守充風韻淹雅文義見稱初辟大將軍王敦掾轉主簿敦兄含時爲廬江郡貪汙狼籍敦嘗于座中稱曰家兄在郡定佳廬江人士咸稱之充正色曰充卽廬江人所聞異於此敦默然傍人皆爲之不安充晏然自若由是忤敦左遷東海王文學尋屬敦敗累遷中書侍郎充卽王導妻之姊子充妻明穆皇后之妹也故少與導善早歷顯官嘗詣導導以塵尾指床呼充共坐曰北是君坐也導繕揚州解舍顧而言曰正爲次道耳明帝亦友昵之成帝卽位遷給事黃門侍郎蘇峻作亂京都傾覆導從駕在石頭充東奔義軍其後導奔白石充亦得還賊平封都鄉侯拜散騎常侍出爲東陽太守仍除建威將軍會稽丙史在郡甚有德政薦徵士虞喜拔郡人謝奉魏顛等以爲佐吏後以墓被發去郡詔徵侍中不拜改葬畢除建威

氏姓譜

卷六十九

五歌

何氏

五

將軍丹陽尹王導庾亮竝言于帝曰向充器局方槩有萬天之望必能總錄朝端爲老臣之副臣死之日願引充內侍則外譽維緝社稷無虞矣由是加吏部尙書進號冠軍將軍又領會稽王師及導薨轉護軍將軍與中書監庾冰叅錄尙書事詔充冰各以甲杖五十人至止車門尋遷尙書令加左將軍充以內外統任宜相糾正若使事綜一人於課對爲嫌乃上疏固讓許之徙中書令加散騎常侍領軍如故又領州大中正以州有先達宿德固讓不拜庾冰兄弟以舅氏輔王室權侔人主慮易世之後戚屬轉疎將爲外物所攻謀立康帝卽帝母弟也每說帝以國有強敵須長君帝從之充建議曰父子相傳先王舊典忽妄改易懼非長計故武王不授聖弟卽其義也昔漢景亦欲傳祚梁王朝臣咸以爲虧亂典制據而弗聽令琅邪踐阼如孺

子何社稷宗廟其將危乎冰等不從既而康帝立帝臨軒
冰充侍坐帝曰朕嗣鴻業二君之力也充對曰陛下龍飛
臣冰之力也若如臣議不親升平之世帝有慙色建元初
出爲驃騎將軍都督徐州揚州之晉陵諸軍事假節領徐
州刺史鎮京口以避諸庾頃之庾翼將北伐庾冰出鎮江
州充入朝言于帝曰臣冰舅氏之重宜居宰相不應遠出
朝議不從於是徵充入爲都督揚豫徐州之琅邪諸軍事
假節領揚州刺史將軍如故先是翼悉發江荆二州編戶
奴以充兵役士庶嗷然充復欲發揚州奴以均其謗後以
中興時已發三吳今不宜復發而止俄而帝疾篤冰翼意
在簡文帝而充建議立皇太子奏可及帝崩充奉遺旨便
立太子是爲穆帝冰翼甚恨之獻后臨朝詔曰驃騎任重
可以甲杖百人入殿又加中書監錄尚書事充自陳既錄

氏姓譜

卷六十九

五歌 何氏

六

尚書不宜復監中書許之復加侍中羽林騎十人冰翼等
尋卒充專輔幼主翼臨終表以後任委息爰之於時論者
並以諸庾世在西藩人情所歸宜依翼所請以安物情充
曰不然荆楚國之西門戶口百萬北帶強胡西隣勁蜀經
畧險阻周旋萬里得賢則中原可定勢弱則社稷同憂所
謂陸抗存則吳存抗亡則吳亡者豈可以白面年少猥當
此任哉桓溫英畧過人有文武識度西夏之任無出溫者
議者又曰庾爰之肯避溫乎如令阻兵恥懼不淺充曰溫
足能制之諸君勿憂乃使溫西爰之果不敢爭充以衛將
軍褚裒皇太后父宜綜朝政上疏薦裒參錄尚書裒以地
逼固求外出充每曰桓溫褚裒爲方伯殷浩居門下我可
無勞矣充居宰相雖無澄正改革之能而強力有器局臨
朝正色以社稷爲己任凡所選用皆以功臣爲先不以私

恩樹親戚談者以此重之然性好釋典崇修佛寺供給沙門以百數糜費巨億而不吝也於時郟愔及弟曇奉天師道而充與弟準崇信釋氏謝萬譏之云二郟諂于道二何佞于佛充能飲酒雅爲劉愔所貴愔每云見次道飲令人欲傾家釀言其能溫克也永和二年卒時年五十五贈司空諡曰文穆無子弟子放嗣卒又無子又以兄孫松嗣位至驃騎諮議參軍

何準字幼道穆章皇后父也高尚寡欲弱冠知名州府交辟並不就兄充爲驃騎將軍勸其令仕準曰第五之名何減驃騎準兄弟中第五故有此言充居宰輔之重權傾一時而準散帶衡門不及人事惟誦佛經修營塔廟而已徵拜散騎郎不起年四十七卒升平元年追贈金紫光祿大夫封晉興縣侯子愔以父素行高潔表讓不受三子放愔

氏姓譜

卷六十九

五歌

何氏

七

澄放繼充愔官至南康太守早卒愔子元度西陽太守次叔度太常卿尚書澄字季元起家秘書郎轉丞清正有器望累遷秘書監太常中護軍孝武帝深愛之以爲冠軍將軍吳國內史太元末琅邪王出居外第妙選師傅徵拜尚書領琅邪王師安帝卽位遷尚書左僕射典選王師如故時澄脚疾固讓特聽不朝坐家視事又領本州大中正及桓元執政以疾奏免卒于家安帝反正追贈金紫光祿大夫長子籍早卒次子融元熙中爲大司農

何無忌東海鄉人也少有大志忠亮任氣人有不稱其心者輒形于言色州辟從事轉太學博士鎮北將軍劉牢之卽其舅也時鎮京口每有大事嘗與參議之會稽世子元顯子彥章封東海王以無忌爲國中尉加廣武將軍及桓元害彥章于市無忌入市慟哭而出時人義焉隨牢之南

征桓元牢之將降於元也無忌屢諫辭旨甚切牢之不從及元篡位無忌與元吏部郎曹靖之有舊請蒞小縣靖之白元元不許無忌乃還京口初劉裕嘗爲劉牢之參軍與無忌素相親結至是因密共圖元劉毅家在京口與無忌素善言及興復之事無忌曰桓氏強盛其可圖乎毅曰天下自有強弱雖強易弱正患事主得難耳無忌曰天下草澤之中非無英雄也毅曰所見惟有劉下邳無忌笑而不答還以告裕因共要毅與相推結遂共舉義兵襲京口無忌僞著傳詔服稱赦使城中無敢動者初桓元聞裕等及無忌之起兵也甚懼其黨曰劉裕烏合之衆勢必無成願不以爲慮元曰劉裕勇冠三軍當今無敵劉毅家無捨石之儲樛蒲一擲百萬何無忌劉牢之之甥酷似其舅共舉大事何謂無成其見憚如此及元敗走武陵王道承制以

氏姓譜

卷六十九

五歌

何氏

文

無忌爲輔國將軍琅邪內史以會稽王道子所部精兵悉配之南追桓元與振武將軍劉道規俱受冠軍將軍劉毅節度元留其龍驤將軍何澹之前將軍郭銓江州刺史郭昶之守湓口無忌等次桑落州澹之等率軍來戰澹之常所乘舫旌旗甚盛無忌曰賊帥必不居此欲詐我耳宜亟攻之衆咸曰澹之不在其中其徒得之無益無忌謂道規曰今衆寡不敵戰無全勝澹之雖不居此舫取則易獲因縱兵騰之可以一鼓而敗也道規從之遂獲賊舫因傳呼曰已得何澹之矣賊中驚擾無忌之衆亦謂爲然道規乘勝徑進無忌又鼓譟赴之澹之遂潰進據尋陽遣使奉送宗廟主祀及武康公主琅邪王妃還京都又與毅道規破走元于崢嶸洲無忌進據巴陵元從兄謙從子振乘間陷江陵無忌道規進攻謙于馬頭攻桓蔚于龍泉皆破之既

而爲桓振所敗退還尋陽無忌與毅道規復進討振剋夏
口三城遂平巴陵進次馬頭桓謙請割荆江三州奉送天
子無忌不許進軍破江陵謙等敗走無忌侍衛安帝還京
師以無忌督豫州揚州淮南廬江安豐歷陽堂邑五郡軍
事右將軍豫州刺史加節甲杖五十人入殿未之職遷會
稽內史督江東五郡軍事持節將軍如故給鼓吹一部義
熙二年遷都督江荆二州江夏隨義陽綏安豫州西陽新
蔡汝南潁川八郡軍事江州刺史將軍持節如故以興復
之功封安城郡開國公食邑三千戶增督司州之宏農揚
州之松滋加散騎侍郎進鎮南將軍盧循遣別帥徐道覆
順流而下舟艦皆重樓無忌將率衆距之長史鄧潛之諫
曰今以神武之師抗彼逆衆迴山壓卵未足爲譬然國家
之計在此一舉聞其舟艦大盛勢若上流蜂蠆之毒邾魯

氏姓譜

卷六十九

五歌 何氏

九

成鑿宜決破南唐守二城以待之其必不敢捨我遠下蕃
力俟其疲老然後擊之若棄萬全之長策而決成敗於一
戰如其失利悔無及矣無忌不從遂以舟師拒之既及賊
令強弩數百登西岸小山以邀射之而薄于山側俄而西
風暴急無忌所乘小艦被飄東岸賊乘風以大艦逼之衆
遂奔敗無忌尙厲聲曰取我蘇武節來節至乃躬執以督
戰賊衆雲集登艦者數十人無忌辭色無撓遂握節死之
詔曰無忌秉哲履正忠亮明允亡身殉國則契協英謨經
綸屯昧則重氛載廓及敷政方夏實播風惠妖寇構亂侵
擾邦畿投袂致討志清王畧而事出慮外臨危彌厲握節
隕難誠貫古賢朕用傷慟于厥懷其贈侍中司空本官如
故諡曰忠肅子邕嗣初桓元尅京邑劉裕東征無忌密至
裕軍所潛謀舉義勸裕于山陰起兵裕以元大逆未彰恐

在遠舉事赴濟爲難若元遂竊天位然後于京口圖之事
未晚也無忌乃還及義師之舉參贊大勳皆以算畧攻取
爲效而此舉敗于輕脫朝野痛之

何琦字萬倫司空充之從兄也祖父龕後將軍父阜淮南
內史琦年十四喪父哀毀過禮性沉敏有識度好古博學
居于宣城陽穀縣事母孜孜朝夕色養嘗患甘鮮乃贍乃
爲郡主簿察孝廉除郎中以選補宣城涇縣令司徒王導
引爲參軍不就及丁母憂居喪泣血杖而後起停柩在殯
爲隣火所逼烟焰已交家乏僮使計無從出乃匍匐撫棺
號哭俄而風止火息堂屋一間免燒其精誠所感如此服
闋乃慨然嘆曰所以出身仕者非謂有尺寸之能以效智
力實利微祿私展供養一旦泯然無復恃怙豈可復以朽
鈍之質塵蹟清朝哉於是養志衡門不交人事耽翫典籍

氏姓譜

卷六十九

五歌

何氏

二十

以琴書自娛不營產業節儉寡欲豐約與鄉隣共之鄉里
遭亂姊沒人家琦惟有一婢便爲購贖然不爲小嫌凡有
贈遺亦不苟讓但于已有餘輒復隨而散之任心而行率
意而動不占卜無所事司空陸玩太尉桓溫並辟命皆不
就詔徵博士又不起簡文帝時爲撫軍欽其名行召爲參
軍固辭以疾公車再徵通直散騎侍郎散騎常侍不行由
是君子仰德莫能屈也桓溫嘗登琦縣界山喟然嘆曰此
山南有人焉何公真止足者也琦善養性老而不衰布褐
蔬食恒以述作爲事著三國評論凡所撰錄百許篇皆行
于世年八十二卒

何嵩字太基寬宏愛士博觀墳籍尤善史漢少歷清官領
著作郎

何攀字惠興蜀郡郫人也仕州爲主簿王濬爲益州辟爲

別駕潛謀伐吳遣攀奉表詣臺口陳事機詔再引見乃令
張華與攀籌量進討之宜潛兼遣攀過羊祜面陳伐吳之
策攀善于將命帝善之詔攀參濬軍事及孫皓降于濬攀
又爲濬輔國司馬封關內侯轉滎陽令上便宜十事甚得
名稱除廷尉平時廷尉卿諸葛冲以攀蜀士輕之及其斷
獄冲始嘆服遷宣城太守不行轉散騎侍郎尋以豫誅楊
駿功封西城侯邑萬戶絹萬匹兄子達關中侯攀固讓所
封戶及絹之半餘所受者分給中外宗親遷朔軍校尉頃
之出爲東羌校尉徵爲揚州刺史在任三年遷大司農轉
兖州刺史加鷹揚將軍固讓不就及趙王倫篡位遣使召
攀又稱疾篤倫怒將誅之攀不得已扶疾赴召卒于洛陽
時年五十八攀居心平允蒞官整肅愛好人物敬儒貴才
爲梁益二州中正引疏遺滯巴西陳壽闇父等皆西州名

氏姓譜

卷六十九

五歌

何氏

三

士竝被鄉閭所稱清議十餘年攀申明曲直咸免寃濫攀
雖居顯職家甚貧素無妾媵伎樂惟以周窮濟乏爲事子
璋嗣亦有父風

何楷吳郡城南有何山以楷嘗讀書於此後又爲吳郡太
守因以其姓名山

何劭字敬祖少與武帝同年有總角之好帝爲王太子以
劭爲中庶子及卽位轉散騎常侍甚見親待劭雅有姿望
遠客朝見必以劭侍直每諸方貢獻帝輒賜之而觀其占
謝焉咸寧初有司奏劭及兄遵等受故鬲令袁毅貨雖經
赦宥宜皆禁止事下廷尉詔曰太保與毅有累世之交遵
等所取差薄一皆置之遷侍中尙書惠帝卽位初建東宮
太子年幼欲令親萬機故盛選六傅以劭爲太子太師通
省尙書事後轉特進累遷尙書左僕射劭博學善屬文陳

說近代事若指諸掌永康初遷司徒趙王倫篡位以劾爲
太宰及三王交爭劾以軒冕而游其間無怨之者而驕奢
簡貴亦有父風衣裘服翫新故巨積食必盡四方珍異一
日之供以錢二萬爲限時論以爲太官御膳無以加之然
優游自足不貪權勢嘗語鄉人王詮曰僕雖名位過幸少
無可書之事惟與夏侯長容諫授博士可傳史冊耳所撰
荀粲王弼傳及諸奏議文章並行于世永寧元年薨贈司
徒諡曰康子岐嗣劾初亡袁粲弔岐岐辭以疾粲獨哭而
出曰今年決下婢子品王詮謂之曰知死弔死何必見生
岐前多罪爾時不下何公勅亡便下岐品人謂忠正畏強
易弔粲乃止

南北

何子平廬江濡人也曾祖楷晉侍中祖友會稽王道子驃

氏姓譜

卷六十九

五歌

何氏

三

駢諮議參軍父子先建安太守子平世居會稽少有志行
見稱于鄉曲事母至孝揚州辟從事史月俸得白米輒貨
市粟麥人或問曰所利無幾何足爲煩子平曰尊老在東
不辦常得生米何心獨饗白粲有贈鮮肴者若不可寄致
其家則不肯受母本側庶籍注失實年未及養而籍年已
滿便去職歸家時鎮軍將軍顛覬之爲州上綱謂曰尊上
年實未八十親故所知州中差有微祿當啟相留子平曰
公家正取信黃籍籍年旣至便應扶持私庭何容以實年
未滿苟冒榮利且歸養之願又切微情覬之又勸令以母
老求縣子平曰實未及養何假以希祿覬之益重之旣歸
家竭身運力以給供養元嘉三十年元凶弒逆安東將軍
隨王誕入討以爲行參軍子平以凶逆滅理普天同奮故
廢已受職事寧自解又除奉朝請不就末除吳郡海虞令

縣祿惟以養母一身而妻子不犯一毫人或疑其儉薄子平曰希祿本在養親不在爲已問者慙而退曰喪去官哀毀踰禮每至哭踊頓絕方蘇值大明末東土飢荒繼以師旅八年不得營塹晝夜號絕擗踊不闕俄頃叫慕之音常如袒括之日冬不衣絮暑不避清涼日以數合米爲粥不進鹽菜所居屋敗不蔽雨曰兒子伯興採伐茅竹欲爲葺治子平不肯曰我情事未申天地一罪人耳屋何宜覆蔡興宗爲會稽太守甚加旌賞泰始六年爲營冢葶子平居喪毀甚困瘠踰久及至免喪支體殆不相屬幼持操檢敦厲名行雖處閭室如接大賓學義堅明處之以默安貧守善不求榮進好退之士彌以貴之昇明元年卒年六十

何尚之字彥德廬江潯人也曾祖準高尚不應徵辟祖恢南康太守父叔度恭謹有行業姨適浦郡劉璩與叔度母

氏姓譜

卷六十九

五歌

何氏

三

情愛甚篤叔度母早卒奉姨若所生姨亡朔望必往致哀并設祭奠食並珍新躬自臨視若朔望應有公事則先遣送祭皆手自料簡流涕對之公事畢卽往致哀以此爲常至三年服竟義熙五年吳興武康縣民王延祖爲劫父睦以告官新制凡劫身斬刑家人棄市睦旣自告於法有疑時叔度爲尙書議曰設法止姦本于情理非一人爲劫闔門應刑所以罪及同產欲開其相告以出爲惡之身睦父子之至容可悉共逃亡而割其天屬還相縛送解臬求全于情可憫並合從原從之後爲金紫光祿大夫吳郡太守太保王宏每稱其清身潔己元嘉八年卒尚之少時頗輕薄好樗蒲旣長折節蹈道以操立見稱爲陳郡謝混所知與之游處家貧起爲臨津令宋武帝領征南將軍補府主簿從征長安以公事免還都因患勞疾積年飲婦人乳乃

得差以從征之勞賜爵都鄉侯少帝卽位爲廬陵王義真車騎諮議參軍義真與司徒徐羨之尙書令傅亮等不協每有不平之言尙之諫戒不納義真被廢入爲中書侍郎文帝卽位出爲臨川內史入爲黃門侍郎尙書吏部郎左衛將軍父憂去職服闋復爲左衛領太子中庶子尙之雅好文義從容賞會甚爲文帝所知元嘉十三年彭城王義康欲以司徒左長史劉斌爲丹陽尹上不許乃以尙之爲之立宅南郭外立學聚生徒東海徐秀廬江何曇黃回穎川荀子華太原孫宗昌王延秀魯郡孔惠宣並慕道來遊謂之南學王球常云尙之西河之風不墜尙之亦云球正始之風尙在尙之女適劉湛子黯而湛與尙之意好不篤湛欲領丹陽乃徙尙之爲祠部尙書領國子祭酒尙之甚不平湛誅遷吏部尙書時左衛將軍范曄任參機密尙之

氏姓譜

卷六十九

五歌

何氏

四

察其意趣異常白文帝宜出爲廣州若在內豐成不得不加以鈇鉞屢誅大臣有虧皇化上曰始誅劉湛等方欲起昇後進暉事跡未彰使豫相黜斥萬方將謂卿等不能容才以我爲信受讒說但使共知如此不憂致大變也暉後謀反伏誅上嘉其先見二十三年遷尙書右僕射是歲造元武湖上欲于湖中立方丈蓬萊瀛洲三神山尙之固諫乃止時又造華林園並盛夏役人工尙之又諫上不許曰小人常日暴背此不足爲勞時上行幸還多侵夕尙之又表諫上優詔納之先是患貨重鑄四銖錢民間頗盜鑄多剪鑿古錢以取銅上患之二十四年錄尙書江夏王義恭建議以一大錢當兩以防剪鑿議者多同尙之議曰凡創制改法宜從民情未有違衆矯物而可久也泉布廢興驟議前代赤仄白金俄而罷息六貨憤亂民泣于市良由事

不畫一難用遵行自非急病權時宜守久長之業若今制
遂行富人貲貨自倍貧者彌增其困懼非所以欲均之意
中領軍沈演之以爲若以大錢當兩則國傳難朽之寶家
贏一倍之利不俟加憲巧源自絕上從演之議遂以一錢
當兩行之經時公私非便乃罷二十八年轉尚書令領太
子詹事二十九年致仕於方山著退居賦以明所守而議
者咸謂尚之不能固志文帝與江夏王義恭詔曰羊孟尚
不得告謝尚之任遇有殊便當未宜申許尚之復攝職羊
卽羊元保孟卽孟顛尚之旣還任事上待之愈隆時復遣
軍北伐資給戎旅悉以委之元凶弒立進位司空領尚書
令時三方興義將佐家在都者顛子劭悉欲誅之尚之誘
說百端並得全免孝武卽位復爲尚書令丞相南郡王義
宣車騎將軍臧質反義宣司馬竺超民臧質長史陸展兄

氏姓譜

卷六十九

五歌

何氏

二五

弟並應從誅尚之上言於法爲重趙民坐者由此得原時
欲分荊州置郢州議其所居江夏王義恭蕭思話以爲宜
在巴陵尚之議曰夏口在荊江之中正對沔口通接雍梁
實爲津要於事爲允上從其議荆揚二州戶口居江南之
半江左以來揚州爲根本委荊州以閩外至是並分欲以
削臣下之權而荆揚並因此虛耗尚之建言復合二州上
不許大明二年以爲左光祿開府儀同三司侍中如故尚
之在家常著鹿皮帽及拜開府天子臨軒百僚陪位沈慶
之於殿廷戲之曰今日何不著鹿皮冠慶之累辭爵命朝
廷教勸甚篤尚之謂曰主上虛懷側席詎宜固辭慶之曰
沈公不效何公去而復還也尚之有愧色尚之愛尚文義
老而不休與太常顏延之議論往反傳于世立身簡約車
服率素妻亡不娶又無姬妾秉衡當朝畏遠權柄親故一

無薦舉既以此致怨亦以此見稱復以本官領中書令四年疾篤詔遣侍中沈懷文黃門侍郎王釗問疾薨于位時年七十九追贈司空諡曰簡穆公子偃尙之弟悠之義興太守侍中大常與琅邪王徽相善悠之卒徽與偃書曰吾與義興直恨相知之晚每惟君子知我若夫嘉我小善矜余不能爲賢叔耳悠之弟愉之新安太守愉之弟昱之都官尙書悠之子顒之尙文帝第四女臨海惠公主明帝世官至通直常侍

何承天東海鄒人也從祖倫爲晉右衛將軍承天五歲失父母徐氏廣之姊也聰明博學少承天幼漸訓義儒史百家莫不該覽叔父盼爲益陽令隨盼之官隆安四年南蠻校尉柏偉命爲參軍時殷仲堪桓元等互舉兵以向朝廷承天懼禍難未已解職還益陽宋武起義初撫軍將軍劉

氏姓譜

卷六十九

五歌

何氏

云

毅鎮姑熟版爲行參軍毅嘗出行而鄢陵縣吏陳滿射鳥箭誤中直帥雖不傷人處法棄市承天議曰獄貴情斷疑則從輕昔有驚漢文帝乘輿馬者張釋之劾以犯蹕罪止罰金何者明其無心于驚馬也故不以乘輿之重加以異制今滿意在射鳥非有心于中人按律過誤傷人三歲刑況不傷乎微罰可也宋臺建爲尙書祠部郎與傅亮共撰朝儀謝晦鎮江陵請爲南蠻長史晦進號衛將軍轉諮議參軍領記室元嘉三年晦將見討其弟黃門郎瞻密信報之晦問承天曰若果爾卿令我云何承天曰大小旣殊逆順又異境外求全上計也以腹心領兵戍於義陽將軍率衆于夏口一戰若敗卽趨義陽以出北境其次也晦良久曰荆楚用武之國且當決戰走不晚也及晦下承天留府不從到彥之至馬頭承天自詣歸罪見宥後兼尙書左丞

吳興餘杭民薄道舉爲劫制同籍暮親補兵道舉從弟代公道生等並爲大功親非應在補謫之例法以代公等母存爲暮親則子宜隨母補兵承天議曰尋劫制同籍暮親補兵大功不在例婦人三從旣嫁從夫夫死從子今道舉爲劫若其叔尙存制應補謫妻子營居固其宜也但爲劫之時叔父已沒代公道生並是從弟大功之親不合補謫今若以叔母爲暮親令代公隨母補兵旣違大功不謫之制又失婦人三從之道由主者守暮親之文不辨男女之異謂代公等母子並宜見原承天爲性剛愎不能屈意朝右頗以所長侮同列不爲僕射殷景仁所平出爲衡陽內史昔在西方與士人多不協在郡又不公清爲州司所糾被收繫獄值赦免十六年除著作佐郎撰國史承天年已老而諸佐郎並名家年少穎川荀伯子謝之常呼爲姪

氏姓譜

卷六十九

五歌

何氏

一七

母承天曰卿當云鳳凰將九子姪母何言邪尋轉太子率更令著作如故時再陽溧陽丁况等久喪不葬承天議曰禮所云還葬當謂荒儉一時故許其稱財而不求備丁况三家數十年中葬輒無棺槨實由淺情薄恩同于禽獸者耳竊以爲丁寶等同伍積年未嘗勸之以義繩之以法十六年冬旣無新料又未申明舊制有何嚴切愆然相料或由隣曲分爭以興此言如聞在東諸處比例旣多江西淮北尤爲不少若但謫此三人殆無整肅開其一端則互相恐動臣愚謂况等三家且可勿問因此附定制旨若民人葬不如法同伍當卽糾言三年服除之後不得追相告列十九年立國子學以本官領國子博士皇太子講孝經承天與中庶子顏延之同爲執經項之遷御史中丞魏軍南伐文帝訪羣臣捍禦之畧承天上安邊論凡陳四事其一

稜遠就近以實內地其二浚復城隍以增阻防其三募偶
車牛以飾戎械其四計丁課仗勿使有闕承天素好奕棊
頗用廢事又善彈箏文帝賜以局子及銀裝箏承天奉表
陳謝上答曰局子之賜何必非張武之金邪承天博見古
今爲一時所重張永嘗開元武湖遇古冢冢上得一銅斗
有柄文帝以訪朝士承天曰此亡新威斗王莽三公亡皆
賜之一在冢外一在冢內時三台居江左者惟甄邯爲大
司徒必邯之墓俄而承又啟冢更得一斗復有一石銘大
司徒甄邯之墓時帝每有疑議必先訪之信命相望于道
承天性褊促嘗對主者厲聲曰天何言哉四時行焉百物
生焉文帝知之應遣先戒曰善伺候顏色如其不悅無須
冬陳二十四年承天遷廷尉未拜上欲以爲吏部郎已受
密旨承天宣漏之坐免官卒于家年七十八先是禮論有

氏姓譜

卷六十九

五歌

何氏

六

八百卷承天刪減并合以類相從凡爲三百卷并前傳雜
論所纂文及文集並傳于世又考定元嘉歷改漏刻用二
十五箭皆從之

何偃字仲宏廬江灑人司空尚之中子也州辟議曹從事
舉秀才除中軍參軍臨川王義慶平西府主簿召爲太子
洗馬不拜元嘉十九年爲丹陽丞除廬陵王友太子中舍
人中書郎太子中庶子時義陽王昶任東宮使偃行義陽
國事二十九年宋文帝欲更北伐訪之羣臣偃議曰內幹
胡法宗宣詔逮問北伐伏計賊審有殘禍犬羊易亂殲殄
非難誠如天旨今雖廟算無遺而士未精習緣鎮戍充實
者寡邊民流散多未附業控引所資取給根本虧損以
殉邊患宜動必萬尅無虞往歲挫傷續以內釁侮亡取亂
誠爲沛然淮泗數州實亦彫耗流傭未歸創痍未起且

攻守不等客主形異薄之則勢艱圍之則曠日進退之間
姦虞互起竊謂當今之弊易衄方來之寇不深宜含垢藏
疾以齊天道遷始興王濬征北長史南東海太守元凶弒
立以偃爲侍中掌詔誥時尚之爲司空尙書令偃居門下
父子並處權要時爲寒心而尙之及偃善攝機宜曲得時
譽會孝武卽位任遇無改除大司馬長史遷侍中領太子
中庶子時責百官讜言偃以爲宜重農卹本并官省事考
課以知能否增俸以除吏姦責成良守久於其職都督刺
史宜別其任改領驍騎將軍親遇隆密有加舊臣轉吏部
尙書尙之去選未五載偃復襲其迹世以爲榮侍中頗竣
至是始貴與偃俱在門下以文義賞會相得甚歡竣自謂
任遇隆密宜居重大而位次與偃等未殊意稍不悅及偃
代竣領選竣愈憤懣與偃遂有隙竣時勢傾朝野偃不自

氏姓譜

卷六十九

五歌

何氏

元

安遂發心悖病慮乖僻上表解職告醫不仕孝武遇偃
旣深備加治療名醫上藥隨所宜須乃瘥時上長女山陰
公主愛傾一時配偃子戡素好談元注莊子逍遙篇傳世
大明二年卒官年四十六孝武與顏竣詔曰何偃遂成異
世美志長往與之周旋重以姻媾臨哭傷怨良不能已往
矣如何宜贈散騎常侍金紫光祿大夫本官如故諡靖子
何戡字慧景父偃金紫光祿大夫被遇於宋孝武選戡尙
山陰公主婢駙馬都尉累遷中書郎景和世山陰主就帝
求吏部郎褚彥回入內侍已彥回見拘逼終不肯從與戡
同居止月餘日由是特申情好元徽初彥回參朝政引戡
爲侍中時年二十九戡以年未三十苦辭內侍改授司徒
左長史齊高帝爲領軍與戡來往數申讜讜上好水引餅
戡每設上焉久之復爲侍中累遷高帝相國左長史建元

元年遷散騎常侍太子詹事尋改侍中詹事如故上欲轉
戢領選問尚書令褚彥回以戢資重欲加散騎常侍彥回
曰宋世王球從侍中中書令單作吏部尚書資與戢相似
領選職方昔小輕不容頓加常侍聖旨每以蟬冕不宜過
多臣與王儉旣已左珥若復加戢則八座便有三蟬若帖
以驍游亦爲不少乃以戢爲吏部尚書加驍騎將軍戢美
容儀動止與褚彥回相慕時人呼爲小褚公家業富盛性
又華侈衣被服飾極爲奢麗出爲吳興太守上頗好畫扇
宋孝武賜戢蟬雀扇善畫者顧景秀所畫時吳郡陸探微
顧彥先皆能畫嘆其巧絕戢因王晏獻之上令晏厚酬其
意四年卒時年三十六諡懿子女爲鬱林王后又贈侍中
光祿大夫

何求字子有偃弟子也父鏗宜都太守求元嘉末爲宋文

氏姓譜

卷六十九

五歌

何氏

三

帝挽卽陞位太子洗馬丹陽郡丞清退無嗜欲又除征北
參軍事司徒主簿太子中舍人秦始中妻亡還吳塋舊墓
除中書郎不拜仍往吳居波若寺足不踰戶人莫見其面
宋明帝崩出奔國哀除爲司空從事中郎不就乃除永嘉
太守求時寄往南澗寺不肯詣臺乞於寺拜受見許一夜
忽乘小船逃歸吳隱虎邱山復除黃門郎不就永明四年
拜太中大夫又不就七年卒年五十六

何昌寓字儻望廬江灑人也祖叔度吳郡太守父悠之太
常昌寓少而清靜獨立不羣所交者必當世清名是以風
流籍甚仕宋爲尚書儀曹郎建平王景素爲征北南徐州
昌寓又爲府主簿以夙素見重母老求祿出爲湘東太守
還爲齊高帝驃騎功曹昌寓在那景素被誅昌寓痛之至
是啟高帝理其寃又與司空褚彥回書極言之高帝嘉其

義歷位中書郎王儉衛軍長史儉謂昌寓曰後任朝事者
非卿而誰臨海王昭秀爲荊州以昌寓爲西中郎長史南
郡太守行荊州事明帝將踐阼先使裴叔業賚旨詔昌寓
令以便宜從事昌寓拒之曰國家委身以上流之重付身
以萬里之事臨海王未有失寧得從君單詔邪卽時自有
啟聞須反更議叔業曰若爾便是拒詔拒詔軍法行事耳
答曰能見殺者君也能拒詔者僕也君不能見殺政有公
施之計耳昌寓素有名德叔業不敢逼而退上聞而嘉之
昭秀由此得還都昌寓後爲吏部尙書嘗有一客姓閔求
官昌寓謂曰君是誰後答曰子騫後昌寓團扇掩口而笑
謂坐客曰遙遙華胄昌寓不雜交游通和沈愛歷郡以清
白稱後卒于侍中領驍騎將軍年五十一贈太常諡簡子
何伯璵廬江人與弟幼璵俱厲節操養孤兄子及長爲婚

氏姓譜

卷六十九

五歌

何氏

三

推家業盡與之安貧枯槁海人不倦兄弟鄉里號爲何展
禽竝爲高士沈顛所重嘗云聞何伯璵之風僞夫正薄夫
厚云郡守下車莫不修謁齊永明十一年伯璵卒幼璵末
好佛法翦落長齋持行精苦梁初卒兄弟年八十餘

何圃字彥夷東海郟人遜從叔也以才著聞宦游不達作
拍張賦以喻意末云東方曼倩發憤於侏儒遂與火頭食
子稟賜不殊位至臺郎

何遜字仲言東海郟人也曾祖承天宋御史中丞祖翼員
外郎父詢齊太尉中兵參軍遜八歲能賦詩弱冠州舉秀
才南鄉范雲見其對策大相稱賞因結忘年交好自是一
文一詠雲輒嗟賞謂所親曰頃觀文人質則過儒麗則傷
俗其能含清濁中古今見之何生矣沈約亦愛其文嘗謂
遜曰吾每讀卿詩一日三復猶不能已其爲各流所稱如

此天監中起家奉朝請遷中衛建安王水曹行參軍兼記
室王愛文學之士日與游宴及遷江州遜猶掌書記還爲
安西安成王參軍事兼尚書水部郎母憂去職服闋除仁
威廬陵王記室復隨府江川未幾卒初遜爲南平王所知
深被恩禮及聞卒命迎其柩而殯塋焉并懷其妻子東海
王僧孺集其文爲八卷初遜文章與劉孝綽並見重于世
世謂之何劉梁元帝著論論之云詩多而能者沈約少而
能者謝朓何遜遜博學有思理更注論語孝經

何遠字義方東海鄉人也父慧炬齊尚書郎遠仕齊爲奉

朝請豫崔慧景敗亡事抵尚書令蕭懿懿深保匿焉會赦
出頃之懿遭難子弟皆潛伏遠求得懿弟融藏之旣而發
覺遠踰垣以免融遇禍遠家屬繫尚方遠遂亡渡江因降
魏人壽陽見刺史玉肅求迎梁武帝肅遣兵援送武帝見

氏姓譜

卷六十九

五歌

何氏

三

遠謂張宏策曰何遠美丈夫而能破家報舊德未易人也
武帝踐阼以奉迎勲封廣興男爲後軍鄱陽王恢錄事參
軍遠與恢素善在府盡其志力知無不爲恢亦推心仗之
恩寄甚密遷武昌太守遠本儻尙輕俠至是乃折節爲
吏杜絕交游饋遺秋毫無所受武昌俗皆汲江水盛夏遠
患水溫每以錢買民井寒水不取錢者則撻水還之其他
事率多如此迹雖似僞而能委曲用意車服尤敝素器物
無銅漆江左多水族甚賤遠每食不過乾魚數片而已然
性剛嚴吏民多以細事受鞭罰遂爲人所訟徵下廷尉被
勘數十條當時士大夫坐法皆不受立遠度已無贓就立
三七日不款猶以私藏禁仗除名後起爲武康令愈厲廉
節除淫祀正身率職民甚稱之太守王彬巡屬縣諸縣盛
供帳以待焉至武康遠獨設糗水而已彬去遠送至境進

斗酒隻鷺爲別彬戲曰卿禮有過陸納將不爲古人所笑乎武帝聞其能擢爲宣城太守自縣爲近畿大郡近代未之有也郡經剋抄遠盡心綏理復著名迹期年遷樹功將軍始興內史時泉陵侯染朗爲桂州緣道剽掠入始興界草木無所犯遠在官好開途巷修葺墻屋民居市里城隍廩庫所過若營家焉田秩俸錢並無所取歲暮擇民尤窮者充其租調以此爲常然其聽訟猶人不能過絕而性果斷人畏而惜之所至皆生爲立祠表言治狀帝每優詔答焉後歷給事黃門侍郎信武將軍監吳郡在吳頗有酒失遷東陽太守遠處職疾強富如仇讎視貧細如子弟特爲豪右所畏憚在東陽歲餘復爲受罰者所謗坐免歸遠性耿介無私曲居人間絕請謁不造詣與貴賤書疏抗禮如一其所會遇未嘗以顏色下人以此多爲俗士所惡其清

氏姓譜

卷六十九

五歌

何氏

三

公實爲天下第一居數郡見可欲終不變其心妻子飢寒如下貧者及去東陽歸家經年歲口不言榮辱士類益以此多之其輕財好義周人之急言不虛妄蓋天性也每戲語人云卿能得我一妄語則謝卿以一縑衆共伺之不能記也後復起爲諮議參軍中撫軍司馬普通二年卒時年五十二武帝厚贈賜之

何佟之字士威廬江灊人晉豫州刺史憚六世孫也祖劬之宋員外散騎常侍父歆齊奉朝請佟之少好三禮師心獨學強力專精手不輟卷讀禮論二百篇畧皆上口時太尉王儉爲時儒宗雅相推重起家揚州從事仍爲總明館學士頗遷司徒車騎參軍事尙書祠部郎齊建武中爲鎮北記室參軍侍皇太子講領丹陽邑中正時步兵校尉劉瓛徵士吳苞皆已卒京邑碩儒惟佟之而已佟之明習事

數當時國家吉凶禮則皆取決焉名重于世歷步兵校尉
國子博士尋遷驃騎諮議參軍轉司馬永元末京師兵亂
佟之常集諸生講論孜孜不忘中興初拜驍騎將軍梁武
帝踐阼尊重儒術以佟之爲尚書左丞是時百度草創佟
之依禮定議多所裨益天監二年卒官年五十五帝甚悼
惜將贈之官故事左丞無贈官者特贈黃門侍郎儒者榮
之所著文章禮義百許篇子朝隱朝暉

何炯字士光廬江灑人也父搏太中大夫炯年十五從兄
胤受業一暮並通五經章句白晳美容貌從兄求黜每曰
叔寶神清宏治膚清今觀此子復見衛杜在目從兄戡謂
人曰此子非止吾門之寶亦爲一代偉人炯常慕恬退不
樂進仕從叔昌禹謂曰求黜皆已高蹈汝無宜復爾且君
子出處亦各一途年十九解褐揚州主簿舉秀才累遷梁

氏姓譜

卷六十九

五歌

何氏

三

仁威南康王限內記室遷治書侍御史以父疾陳解炯侍
疾經旬衣不解帶頭不櫛沐信宿之間形貌頓改及父卒
號慟不絕聲枕由藉地腰虛脚腫醫云須服猪蹄湯炯以
有肉味不肯服親友請譬終於不回遂以毀卒

何敬容字國禮廬江人也祖攸之宋太常卿父昌禹齊吏
部尚書並有名前代敬容以名家子弱冠選尚齊武帝女
長城公主拜驎馬都尉梁天監初爲秘書郎歷太子舍人
尚書殿中郎太子洗馬中書舍人秘書丞遷揚州治中出
爲建安內史清公有美績民吏稱之還除黃門郎累遷太
子中庶子散騎常侍侍中司徒左長史普通二年復爲侍
中領羽林監俄又領本州大中正頃之守吏部尚書銓序
明審號爲稱職四年出爲招遠將軍吳郡太守爲政勤卹
民隱辨訟如神視事四年治爲天下第一吏民詣闕請樹

碑詒許之大通二年徵爲中書令未拜復爲吏部尚書領
右軍將軍加侍中中大通元年改太子中庶子敬容身長
八尺白皙美鬚眉性矜莊衣冠尤事鮮麗每公庭就列容
止出人三年遷尚書右僕射參掌選事侍中如故時僕射
徐勉參掌機密以疾陳解因舉敬容自代故有此授焉五
年遷左僕射加宣惠將軍置佐史侍中參掌如故大同三
年正月朱雀門災武帝謂羣臣曰此門制卑狹我始欲構
遂遭天火並相顧未有答敬容獨曰此所謂陛下先天而
天不違時以爲名對俄遷中權將軍丹陽尹侍中參掌佐
史如故五年入爲尚書令侍中將軍參掌佐史如故敬容
久處臺閣詳悉舊事且聰明識治勤于簿領詰朝理事日
旰不休自晉宋以來宰相皆文義自逸敬容獨勤庶務爲
世所嗤鄙時蕭琛子巡者頗有輕薄才因制卦名離合等

氏姓譜

卷六十九

五歌

何氏

三

詩以嘲之敬容處之如初亦不屑也十一年坐妾弟費慧
明爲導倉丞夜盜官米爲禁司所執送領軍府時河東王
譽爲領軍將軍敬容以書解慧明譽卽封書以奏武帝大
怒付南司推劾御史中丞張綰奏敬容挾私罔上合棄市
刑詒特免職初天監中有沙門釋寶誌者嘗遇敬容謂曰
君後必貴然終是何敗何耳及敬容爲宰相兩何姓當爲
其禍故抑沒宗族無仕進者至是竟爲河東所敗中大同
元年三月武帝幸同泰寺講金字三惠經敬容請預聽敕
許之又有敕聽朔望問訊尋起爲金紫光祿大夫未拜又
加侍中敬容舊時賓客門生詣譁如昔冀其復用會稽謝
郁致書戒之曰草萊之人聞諸道路君侯已得瞻望朝夕
出入禁門醉尉將不敢呵灰然不無其漸甚休甚休敢賀
於前又將弔也昔流言裁作公旦東奔燕書始來子孟不

入夫聖賢被虛過以自斥未有嬰時釁而求親者也且曝
鯁之鱗不念杯杓之水雲霄之翼豈顧籠樊之糧何者所
託已盛也昔君侯納言加首鳴玉在要回豐貂以步文昌
聳高蟬而趣武帳可謂盛矣不以此時薦才拔士少報聖
主之恩今卒如爰絲之說受責見過方復欲更窺朝廷缺
望萬分竊不爲左右取也昔竇嬰楊惲亦得罪明時不能
謝絕賓客猶交黨援卒無後福終益前禍僕之所弔實在
於斯人人所以頗猶有踵君侯之門者未必皆感惠懷仁
有灌夫任安之義乃戒翟公之大署冀君侯之復用也夫
在思過之日而挾復用之意未可爲智者說矣君侯宜杜
門念失無有所通築茅茨于鍾阜聊優游以卒歲見可憐
之意著待終之情復仲尼能改之言惟子貢更也之譬少
戢言于衆口微自救于竹帛所謂失之東隅收之桑榆如

氏姓譜

卷六十九

五歌

何氏

三

此令明主聞知尚有冀也僕東臯鄙人人穴幸無銜寢恥
天下之士不爲執事道之故披肝膽示情素君侯豈能鑒
焉太清元年遷太子詹事侍中如故二年侯景襲京師敬
容自府移家臺內初景于渦陽退敗未得審實傳者乃云
其將暴顯反景身與衆並沒朝廷以爲憂敬容尋見東宮
簡文謂曰淮北始更有信侯景定得身免不如所傳敬容
對曰得景遂死深是朝廷之福簡文失色問其故敬容曰
景翻覆叛臣終當亂國是年簡文頻于元圃自講老莊二
書學士吳孜時寄詹事府每日入聽敬容謂孜曰昔晋代
喪亂頗由祖尙元虛胡賊殄覆中夏今東宮復襲此殆非
人事其將爲戒乎俄而侯景難作其言有徵也三年正月
敬容卒于圍內詔贈仁威將軍本官並如故何氏自晋司
空充宋司空尙之世奉佛法竝建立塔寺至敬容又捨宅

東爲加藍趨勢者因助財造構敬容並不拒故此寺堂宇
校飾頗爲宏麗時輕薄者因呼爲衆造寺焉及敬容免職
出宅止有常用器物及囊衣而已竟無餘財貨時亦以此
稱之子穀秘書丞早卒

何敬叔東海郟人也仕齊爲長城令有能名在縣清廉不
受禮遺夏節至忽榜門受餉數日中得米二千餘斛他物
稱是悉以貸貧人輸租

何思澄字元靜敬叔子也少勤學工文辭起家爲南康王
侍郎累遷安成王左常侍兼太學博士平南安成王行參
軍兼記室隨府江州爲許廬山詩沈約見之大相稱賞自
以爲弗逮約郊居宅新構閣齋因命工書人題此詩于壁
傅昭常請思澄製釋奠詩辭文典麗除廷尉正天監十五
年敕太子詹事徐勉舉學士入華林撰徧畧勉舉思澄等

氏姓譜

卷六十九

五歌 何氏

七

五人以應選遷治書侍御史宋齊以來此職稍輕天監初
始重其選車前依尙書二丞給三騶執盛印青囊舊事糾
彈官印綬在前故也久之遷秣陵令入兼東宮通事舍人
除安西湘東王錄事參軍兼舍人如故時徐勉周捨以才
具當朝竝好思澄學常遞日招致之昭明太子薨出爲黔
縣令遷除宣惠武陵王中錄事參軍卒官時年五十四文
集十五卷初思澄與宗人遜及子朗俱擅文各時人語曰
東海三何子朗最多思澄聞之曰此言誤耳如其不然故
當歸遜思澄意謂宜在已也

何子朗字世明早有才思工清言周捨每與共談服其精
爽何子朗歷官員外散騎侍郎出爲國山令卒時年二十
理文集行于世

何黠字子哲廬江潯人也祖尙之宋司空父鑠宜都太守
鑠素有風疾無故害妻坐法死黠年十一幾至滅性及長
厥家禍欲絕婚宦尙之強爲娶琅邪王氏禮畢將親黠
累涕泣求執本志遂得罷容貌方雅博通羣書善談論家
本甲族親姻多貴仕黠雖不入城府而遨遊人世不簪不
帶或駕柴車躡草履恣心所適致醉而歸士大夫多慕從
之時人號爲通隱兄求亦隱居吳郡武邱山求卒黠菜食
不飲酒訖于三年要帶減半宋泰始末徵太子洗馬齊初
累徵中書郎太子中庶子竝不應與陳郡謝淪吳國張融
會稽孔稚珪爲莫逆友從弟遁以東籬門園居之稚珪爲
築室焉園內有卞忠貞冢黠植花草於冢側每飲必舉酒
酌之初褚淵王儉爲宰相黠謂人曰我作齊書贊云淵旣
世族儉亦國華不賴舅氏違恤國家王儉聞之欲候黠知

氏姓譜

卷六十九

五歌

何氏

三六

不可見乃止豫章王嶷命駕造黠黠從後門遁去司徒竟
陵王子良欲就見之黠時在法輪寺子良乃往請黠角巾
登席子良欣悅無已遣黠稽叔夜酒杯徐景山酒鎗黠少
時嘗患渴痢積歲不愈後在吳中石佛寺建講於講所嘗
寢夢一道人形貌非常授丸一掬夢中服之自此而差時
人以爲淳德所感性通脫好施與遠近致遺一無所逆隨
復散焉嘗行經朱雀門街有自車後盜黠衣者見而不言
傍有人擒盜與之黠乃以衣施盜盜不敢受黠命告有司
盜懼乃受之催令急去黠雅有人倫識見多所甄拔知吳
興邱遲於幼童稱濟陽江淹於寒素悉如其言黠旣老又
娶魯國孔嗣女嗣亦隱者也黠雖婚亦不與妻相見築別
室以處之人莫諭其意也吳國張融少時免官而爲詩有
高尙之言黠答詩曰昔聞東都日不在簡書前雖戲也而

融久病之及黜後婚融始爲詩贈點曰惜哉何居士薄暮
邁荒淫點亦病之而無以釋也梁武帝與點有舊及踐阼
手詔曰昔因多暇得訪逸軌坐修竹臨清池忘今語古何
其樂也黜別邱園十有四載人事艱阻亦何可言自應運
在天每思相見密邇物色勞甚山阿嚴光排九重踐九等
談天人叙故舊有所不臣何傷於高文先以皮弁謁子桓
伯况以穀綃見文叔求之往策不無前例今賜卿鹿皮巾
等後數日望能入也點以巾謁引入華林園武帝甚悅賦
詩置酒思禮禮舊仍下詔曰前徵士何點高尚其道志安
容膝脫落形骸栖志窅冥朕日昃思治尙想前哲况親得
同時而不與爲政喉唇任切必俟邦良誠望惠然屈居獻
替可徵爲侍中辭疾不赴乃復詔曰徵士何點居貞物表
縱心塵外夷坦之風率由自遠往因素志頗申讜言眷彼

氏姓譜

卷六十九

五歌

何氏

三

子陵情兼惟舊昔仲虞邁俗受俸漢朝安道勉志不辭晉
祿此蓋前代盛軌往賢所同可議加資給竝出在所日契
資須太官別給天監三年卒時年六十八詔曰新除侍中
何點栖遲衡泌白首不渝奄志頌喪倍懷傷惻可給第一
品材一具賻錢二萬布五十匹喪事所須內監經理又敕
點弟胤曰賢兄徵君弱冠拂衣華首一操心遊物表不滯
近跡脫落形骸寄之遠理性情勝致遇興彌高文會酒德
撫際逾遠朕膺籙受圖思長聲教朝多君子旣貴成雅俗
野有外臣宜宏此難進方賴清徽式隆大業昔在布衣情
期早著資以仲虞之秩待以子陵之禮聽覽暇日巾角引
見官然汾射茲焉有託一旦萬古良懷震悼卿友于純至
親從凋亡偕老之願致使反奪纏綿永恨伊何可任永矣
奈何點無子宗人以其從弟耿子遲任爲嗣

何亂字子季黠之弟也年入歲居憂哀毀若成人既長好
學師事沛國劉瓛受易及禮記毛詩又入鍾山定林寺聽
內典其業皆通而縱情誕節時人未之知也惟瓛與汝南
周暹深器異之仕齊爲建安太守爲政有恩信民不忍欺
每伏臘放囚還家依期而返歷黃門侍郎太子中庶子尙
書令王儉受詔撰新禮未就而卒又使特進張緒續成之
緒又卒屬在司徒竟陵王子良子良以讓亂乃置學士二
十八人佐亂撰錄永明十年遷侍中領步兵校尉轉爲國子
祭酒鬱林嗣位亂爲后族甚見親禮爲中書令領臨海巴
陵王師亂雖貴顯常懷止足建武初已築室郊外號曰小
山恒與學徒遊處其內至是遂賣宅欲入東山未及發聞
謝朓罷吳興郡不還亂恐後之乃拜表辭職不待報輒去
明帝大怒使御史中丞袁昂奏收亂尋有詔許之亂以會

氏姓譜

卷六十九

五歌

何氏

單

稽山多靈異往游焉居若邪山雲門寺初亂二兄求黠並
栖遁求先卒至是亂又隱世號黠爲大山亂爲小山亦曰
東山兄弟發迹雖異克終皆隱世謂何氏三高永元中徵
太常太子詹事並不就梁武帝霸府建引亂爲軍謀祭酒
并與書詔亂不至及帝踐阼詔爲特進右光祿大夫遣領
軍司馬王杲之以手敕諭意并徵謝朓杲之先至亂所亂
恐朓不出先示以可起乃單衣鹿巾執經卷下牀跪受詔
書出就席伏讀亂因謂杲之曰吾昔于齊朝欲陳兩三條
事一者欲正郊邱二者欲更鑄九鼎三者欲樹雙闕世傳
晉室欲立闕王丞相指牛頭山云此天闕也是則未明立
闕之意闕者謂之象魏懸象法于其上浹日而收之象者
法也魏者當塗而高大貌也鼎者神器有國所先圓邱國
郊舊典不同南郊祠五帝靈威仰之類圓邱祠天皇帝

北極大星是也往代合之郊邱先儒之巨失今梁德告始
不宜遂因前諺卿宜詣闕陳之杲之曰僕之鄙劣豈敢輕
議國典當敬俟叔孫生耳亂曰卿何不遣傳詔還朝拜表
留與我同遊邪杲之愕然曰古今不聞此例亂曰檀弓兩
卷皆言物始自卿而始何必有例杲之曰今君遂當邈然
絕世猶有致身理不亂曰卿但以事見推吾年已五十七
月食四斗米不盡何容得有宦情昔荷聖王聃識今又蒙
旌賁甚願詣闕謝恩但比腰脚大惡此心不遂耳杲之還
以亂意奏聞有敕給白衣尙書祿亂固辭又敕山陰庫錢
月給五萬亂又不受乃敕何子朗孔壽等六人於東山受
學太守衡陽王元簡深加禮敬月中常命駕式問談論終
日亂以若邪處勢迫隘不容生徒乃遷秦望山山有飛泉
西起學舍卽林成援因巖爲堵別爲小閣室寢處其中躬

氏姓譜

卷六十九

五歌

何氏

四

自啟閉僮僕無得至者山側營田二頃講隙從生徒遊之
亂初遷將築室忽見二人著元冠容貌甚偉問亂曰君欲
居此邪乃指一處云此中殊吉忽不復見亂依其言而止
焉尋而山發洪水樹石皆倒拔惟亂所居室巋然獨存元
簡乃命記室參軍鍾爍作瑞室頌刻石以旌之及元簡去
郡入山與亂別亂送至都賜球去郡三里因曰僕自棄人
事交遊路斷自非降貴山藪豈容復望城邑此球之遊於
今絕矣執手涕零何氏過江自晉司空充並葬吳西山亂
家世年皆不永惟祖尙之至七十二亂年登祖壽乃移還
吳作別山詩一首言甚悽愴至吳居武邱山西寺講經論
學徒復隨之東境守宰經途者莫不畢至亂常禁殺有虞
人逐鹿鹿徑趨亂伏而不動又有異鳥如鶴紅色集講堂
馴狎如家禽焉初開善寺藏法師與亂遇于秦望山後遷

都卒于鍾山其死日亂在般若寺見一僧授亂香奩并函書云貧道發自揚都呈何居士言訖失所在亂開函乃是
大莊嚴論世中未有又于寺內立明珠柱柱乃七日七夜
放光太守何遠以狀啟昭明太子太子欽其德遣舍人何
思澄致手令以褒美之中大通三年卒年八十六先是亂
疾妻姜氏夢神人告之曰汝夫壽盡既有至德應獲延期
爾當代之妻覺說焉俄得患而卒亂疾乃瘳至是亂夢一
神女并八十許人並衣衾行列至前俱拜狀下覺又見之
便命營凶具既而疾動因不自治亂注百法論十二門論
各一卷注周易十卷毛詩總集六卷毛詩隱義十卷禮記
隱義二十卷禮答問五十五卷子撰亦不仕廬陵王辟爲
主簿不就

何之元廬江儻人也祖僧達齊南臺治書侍御史父法勝

氏姓譜

卷六十九

五歌

何氏

四三

以行業聞之元幼好學有才思居喪過禮爲梁司空袁昂
所重天監末昂表薦之因得召見解褐梁太尉臨川王揚
州議曹從事史尋轉主簿及昂爲丹陽尹辟爲丹陽五官
掾總戶曹事尋除信義令之元宗人敬容者勢位隆重頗
相顧訪之元終不造焉或問其故之元曰昔楚人得寵於
觀起有馬者皆亡夫德薄任隆必近覆敗吾恐不獲其利
而招其禍識者以是稱之會安西武陵王爲益州刺史以
之元爲安西刑獄參軍侯景之亂武陵王以太尉承制授
南梁州長史北巴西太守武陵王自成都舉兵東下之元
與蜀中民庶抗表請無行王以爲沮衆囚之元于艦中及
武陵兵敗之元從邵陵太守劉恭之郡俄而江陵陷劉恭
卒王琳召爲記室參軍梁敬帝冊琳爲司空之元除司空
府諮議參軍領記室王琳之立蕭莊也署爲中書侍郎會

齊文宣帝薨令之元赴弔還至壽春而王琳敗齊主以爲揚州別駕所治卽壽春也及衆軍北伐得淮南地湖州刺史始興王叔陵遣功曹史柳威賫書召之元之元始與朝廷有隙及書至大惶恐讀書至孔璋無罪左車見用之元仰而歎曰辭旨若此豈欺我哉遂隨威至湘州太建八年除中衛府功曹參軍事尋遷諮議參軍及叔陵誅之元乃屏絕人事銳精著述以爲梁氏肇自武王終於敬帝其興亡之運盛衰之跡足以垂鑒戒定褒貶究其始終起齊永元元年迄于王琳遇獲七十五年行事草創爲三十卷號曰梁典禎明三年京城陷乃移居常州之晉陵縣隋開皇十三年卒于家

何憲字子思廬江灑人博涉該通羣籍畢覽天閣寶秘人間散逸無遺漏焉任昉劉渢共執秘閣四部書試問其所

氏姓譜

卷六十九

五歌

何氏

三

知自甲至丁書說一事并敘述作之體連日累夜莫見所遺宗人何遁退讓士也見而美之願與爲友憲位本州別駕國子博士永明十年使于魏時又有孔邊字世遠會稽山陰人也好典故學與王儉至交時人呼孔邊何憲爲王儉三公及卒儉惜之爲撰祭文

何宏衡陽人疎從四世同居竝共衣食齊建元間詔表門閭蠲租稅

何平叔美姿儀面絕白魏明帝疑其傳粉夏日與熱湯餅既啖大汗隨出以朱衣自拭色轉皎然

附

何妥字栖鳳西城人也父細脚胡通商入蜀遂家郫縣事梁武陵王紀主知金帛因致巨富號爲西州大賈妥少機警八歲游國子學助教顧良戲之曰汝姓何是荷葉之荷

爲河水之河安應聲答曰先生姓顧是眷顧之顧爲新故之故眾咸異之十七以伎巧事湘東王後知其聰明召爲誦書左右時蘭陵蕭脊亦有儁才住青楊巷安住白楊頭時人爲之語曰世有兩儁白楊何安青楊蕭脊其見美如此江陵陷周武帝尤重之授太學博士宣帝初立五后以問儒者辛彥之對曰后與天子匹體齊尊不宜有五安駭曰帝譬四妃舜又二妃亦何常數由是封襄城縣伯隋文帝受禪除國子博士加通直散騎常侍進爵爲公安性勁急有口才好是非人物時納言蘇威嘗言于上曰臣先人每誠臣云惟讀孝經一卷足可立身經國何用多爲上亦然之安進曰蘇威所學非止孝經厥父若信有此言威不從訓是其不孝若無此言面欺陛下是其不誠不誠不孝何以事君且夫子有云不讀詩無以言不讀禮無以立豈

氏姓譜

卷六十九

五歌

何氏

四

容蘇綽教子獨反聖人之訓乎威時兼領五職上甚親重之安因奏威不可信任又以掌天文律度皆不稱職安上入事以諫其一事曰臣聞知人則哲惟帝難之孔子曰舉直錯枉則民服舉枉錯直則民不服由此言之政之安危必慎所舉故進賢受上賞蔽賢蒙顯戮察今之舉人良異於此無論諂直莫擇賢愚心欲崇高則起家喉舌之任意須抑屈必白首卽署之官人之不服實由於此臣聞爵人於朝與士共之刑人於市與眾棄之伏見留心獄訟愛人如子每應決獄無不詢訪羣公刑之不濫君之明也刑既如此爵亦宜然若有懋功簡在帝心者便可擢用自斯以降若選重官必參以衆議勿信一人之舉則上不偏私下無怨望其二事曰孔子云是察阿黨則罪無掩蔽又曰君子周而不比小人比而不周所謂比者卽阿黨也謂心之

所愛旣以光華榮顯猶如提挈心之所惡旣以沈滯屈辱
薄言必怒提挈旣成必相掩蔽則欺上之心生矣屈辱旣
加則有怨恨謗讟之言出矣伏願廣加訪察勿使朋黨路
開威恩自任有國之患莫大於此其三事曰臣聞舜舉十
六族所謂八元八凱也計其賢明理優今日猶復擇才授
任不相侵濫故得四門雍穆庶績咸熙今官員極多人
甚少一人身上乃兼數職爲是國無人也爲是人不善也
今萬乘大國髦彥不少縱有明哲無由自達東方朔言曰
尊之則爲將卑之則爲虜斯言信矣今當官之人不度德
量力旣無呂望傅說之能自負傅巖涓水之氣不慮憂深
責重惟畏總領不多安斯寵任輕彼權軸顛沛致蹶實此
之由易曰鼎折足覆公餗其形渥凶言不勝其任也臣聞
窮力舉重不能爲用伏願更任賢良分才參掌使各行其
力則庶事康哉其四事曰臣聞禮云析言破律亂名改作
執左道以亂政者殺孔子曰仍舊貫何必改作伏見比年
以來改作者多矣如范威刻漏十載不成趙翊尺秤七年
方決公孫濟迂誕醫方費逾巨萬徐道慶迴互子午糜耗
飲食常明破律多歷歲時王渥亂名曾無紀極張山居未
知星位前已踈藉太常曹魏祖不識北辰今復輔轡太史
莫不用其短見便自夸毗邀射名譽厚相誣罔請今日已
後有如此者其言不驗必加重罰庶令有所畏忌不敢輕
奏任簡時蘇威權兼數職嘗先隱武功故妥言自負傅巖
涓水之氣以此激上書奏威大銜之二年威定考文學妥
更相訶詆威勃然曰無何妥不慮無博士妥應聲曰無蘇
威亦何憂無執事於是與威有隙其後上令妥考定鐘律
妥又上表曰臣聞明則有禮樂幽則有鬼神然則動天地

氏姓譜

卷六十九

五歌

何氏

五

感鬼神莫近于禮樂又云樂至則無怨禮至則不爭揖讓而臨天下者禮樂之謂也臣聞樂有二一曰姦聲二曰正聲夫姦聲感人而逆氣應之正聲感人而順氣應之順氣成象故樂行而倫清耳目聰明血氣和平移風易俗天下皆寧孔子曰放鄭聲遠佞人故鄭衛宋趙之聲出內則發疾外則傷人是以宮亂則荒其君驕商亂則跛其官壞角亂則憂其人怨徵亂則哀其事勤羽亂則危其財匱五者皆亂則國亡無日矣魏文侯問子夏曰吾端冕而聽古樂則欲寐聽鄭衛之音而不知倦何也子夏對曰夫古樂者始奏以文復亂以武修身及家平均天下鄭衛之音者姦聲以亂溺而不止優雜子女不知父子今君所問者樂也所愛者音也夫樂之與音相近而不同爲人君者謹審其好惡案聖人之作樂也非止苟悅耳目而已矣欲使在宗

氏姓譜

卷六十九

五歌

何氏

四

廟之內君臣同聽之則莫不和敬在鄉里之內長幼同聽之則莫不和順在閭門之內父子同聽之則莫不和親此先王立樂之方也故知聲而不知音者禽獸是也知音而不知樂者衆庶是也故黃鐘大呂弦歌干戚童子皆能舞之能知樂者其惟君子不知聲者不可與言音不知音者不可與言樂知樂則幾于道矣紂爲無道太師抱樂器以奔周晉君德薄師曠固惜清徵上古之時未有音樂鼓腹擊壤樂在其中易曰先王作樂崇德殷薦之上帝以配祖考至于黃帝作咸池顓頊作六莖帝嚳作五莢堯作大章舜作大韶禹作大夏湯作大濩武王作大武從夏以來年代久遠惟有名字其聲不可得聞自殷至周備于詩頌故自聖賢以下多習樂者至如伏羲滅瑟文王足琴仲尼擊磬子路鼓瑟漢高擊筑元帝吹簫漢高祖之初叔孫通因

秦樂人制宗廟之樂迎神于廟門奏嘉至之樂猶古降神之樂也皇帝入廟門奏永至之樂以爲行步之節猶古采齊肆夏也乾豆上薦奏登歌之樂猶古清廟之歌也登歌再終奏休成之樂美神饗也皇帝就東廂坐定奏永安之樂美禮成也其休成永至二曲叔孫通所制也漢高祖廟奏武德文始五行之舞當春秋時陳公子完奔齊陳是舜後故齊有韶樂孔子在齊聞韶三月不知肉味是也秦始皇滅齊得齊韶樂漢高祖滅秦韶傳于漢高祖改各文始以示不相襲也五行舞者本周大武樂也始皇改曰五行及于孝文復作四時之舞以示天下安和四時順也孝景采武德舞以爲昭德孝宣又采昭德以爲盛德雖變其名大抵皆因秦舊事至于魏晉皆用古樂魏之三祖竝制樂辭自永嘉播越五都傾蕩樂聲南度是以大備江東宋齊

氏姓譜

卷六十九

五歌

何氏

四

已來至于梁代所行樂事猶皆傳古三雍四始實稱大盛及侯景篡逆樂師分散其四舞三調悉度僞齊齊氏雖知傳受得曲而不用之于宗廟朝廷也臣少好音律留意管絃年雖耆老頗皆記憶及東土克定樂人悉反問其逗留果云是梁人所教今三調四舞並皆有手雖不能精熟亦頗具雅聲若令教習傳授庶得流傳古樂然後取其會歸撮其指要因循損益更制嘉名歌盛德于當今傳雅正于來葉豈不美歟謹具錄三調四舞曲名又製歌辭如別其有聲曲流宕不可以陳於殿庭者亦悉附之於後書奏別殿太常取妥節度於是作清平瑟三調聲又作八佾鞀鐸巾拂四舞先是太常所傳宗廟雅樂歷數十年惟作大呂廢黃鐘妥又以深乖古意乃奏請用黃鐘詔下公卿議從之俄而妥子蔚爲秘書郎有罪當刑上哀之減死論是後

恩禮漸薄六年出爲龍州刺史時有負笈游學者妥皆爲
講說教授之又爲刺史箴勒於州門外在職三年以疾請
還詔許之復知學事時上方使蘇夔在太常參議鐘律夔
有所建議朝士多從之妥獨不同每言夔之短帝下其議
羣臣多排妥妥復上封事指陳得失大抵論時政損益并
斥當世朋黨於是蘇威及吏部尚書盧愷侍郎薛道衡等
皆坐得罪除伊州刺史不行尋爲國子祭酒卒官諡曰肅
撰周易講疏三卷孝經義疏二卷莊子義疏四卷與沈重
等撰三十六科鬼神感應等大義九卷封禪書一卷樂要
一卷文集十卷並行于世

何稠字桂林國子祭酒妥之兄子也父通善琢玉稠年十
餘遇江陵平隨妥入長安仕周御飾下士及隋文帝爲丞
相召補參軍兼掌細作署開皇中累遷太府丞稠博覽古

氏姓譜

卷六十九

五歌

何氏

四

圖多識舊物波斯嘗獻金線錦袍粗織殊麗上命稠爲之
稠錦成踰所獻者上甚悅時中國久絕琉璃作匠人無敢
措意稠以緣竄爲之與真不異尋加員外散騎侍郎開皇
末桂州俚李光仕爲亂詔稠募兵討之師次衡嶺遣使招
其渠帥洞主莫崇解兵降欵桂州長史王文同鎖崇詣稠
所稠詐宣言曰州縣不能綏養非崇之罪命釋之引共坐
與從者四人爲設酒食遣之大悅歸洞不設備稠至五更
掩及其洞悉發俚兵以臨餘賊象州逆帥杜條遼羅州逆
帥龐靖等相繼降欵分遣建州開府梁昵討叛夷羅壽羅
州刺史馮暄討賊帥李大檀並平之傳首軍門承制署首
領爲州縣官而還衆皆悅服有欽州刺史甯猛力帥衆迎
軍初猛力欲圖爲逆至是惶懼請身入朝稠以其疾篤示
無猜貳放還州與約八九月詣京師相見稠還奏狀上意

不擇其年十月猛力卒上謂稠曰汝前不將猛力來今竟死矣稠曰猛力共臣約假令身死當遣子入侍越人性直其子必來初猛力臨終誠子長真曰我與大使期不可失信于國士汝葬我訖卽宜上路長真如言入朝上大悅曰何稠著信蠻夷乃至于此以勲授開府仁壽初文獻皇后崩稠與宇文愷參典山陵制度稠性少言善候上旨由是漸見親昵上疾篤謂稠曰汝旣曾葬皇后今我方死亦宜好安置囑此何益但不能忘懷耳魂而有知當相見于地下上因攬太子頸曰何稠用心我後事動靜當共平章大業初煬帝將幸揚州敕稠討閱圖籍營造輿服羽儀送至江都其日拜太府少卿稠於是營黃麾三萬六千人仗及車輿輦輅皇后鹵簿百官儀服依期而就送于江都所役工十餘萬人用金銀錢物巨億計帝使兵部侍郎胡雅選

氏姓譜

卷六十九

五歌

何氏

兕

部郎薛邁等勾覆數年方竟毫釐無舛稠參會今古多所改創魏晉已來皮弁有纓而無笄導稠曰此古田獵服也今服以入朝宜變其制故弁施象牙簪導自稠始也又從省之服初無佩綬稠曰此乃嚆朔小朝之服安有人臣謁帝而除去印綬兼無佩玉之節乎乃加獸頭小綬及佩一隻舊制五輅於轅上起箱天子與參乘同在箱內稠曰君臣同所過爲相逼乃廣爲盤輿別構欄楯侍臣立于其中於內復起須彌平坐天子獨居其上自餘麾幢文物增損極多帝復令稠造戎車萬乘鈎陳入百連帝善之以稠守太府卿後兼領少府監遼東之役攝右屯衛將軍領御營弩手三萬人時工部尙書宇文愷造遼水橋不成師未得濟左屯衛大將軍麥鐵杖因而遇害帝遣稠造橋二日而就初稠制行殿及六合城至是帝於遼左與賊相對夜中

施之其城周迴入里城及女垣合高十仞上布甲士立仗
建旗四隅置闕面列一觀觀下三門比明而畢高麗望見
謂若神功稍加至右光祿大夫從幸江都遇宇文化及亂
以爲工部尚書及敗陷於竇建德復爲工部尚書舒國公
建德敗歸於大唐授少府監卒

唐

何易于不詳何所人及所以進爲益昌令縣距州四十里
刺史崔朴常乘春與賓屬汎舟出益昌傍索民挽繹易于
身引舟朴驚問狀易于曰方春百姓耕且蠶惟令不事可
在其勞朴愧與賓客疾驅去鹽鐵官權取茶利詔下所在
毋敢隱易于視詔書曰益昌人不征茶且不可活矧厚賦
毒之于命吏閣詔吏曰天子詔何敢拒吏坐死公得免竄
邪對曰吾敢愛一身移暴于民乎亦不使罪爾曹卽自焚

氏姓譜

卷六十九

五歌

何氏

五

之觀察使素賢之不劾也民有死喪不能具塋者以俸救
吏爲辦名高年坐以問政得失凡鬪民在庭易于丁寧指
曉枉直杖楚遣之不以付吏獄三年無囚督賦役不忍迫
下戶或以俸代輸饋給往來傳符外一無所進故無異稱
以中上考遷羅江令刺史裴休嘗至其邑導侍不過三人
廉約蓋資性云

何蕃和州人事父母孝入太學歲一歸省父母不許間二
歲乃歸復不許凡五歲慨然以親老不自安揖諸生去乃
共閉蕃空舍中衆共狀蕃義行白國子司業陽城請留會
城罷亦止初朱泚反諸生將從亂蕃正色叱之故六館之
士無受汙者蕃居太學二十年有死喪無歸者皆爲治喪
何煥閬州西水人爲御史大夫風節凜然賜其里曰伯臺
何昌期陽山人天寶間與安祿山將高秀巖戰有功拜千

牛衛將軍封寧國伯

何武壽州人嘗被誣至州投石自明守釋之未幾盜起卽請於守曰此真畢命之秋也命領偏裨入椽陽不意盜發叢翳間兵盡駭潰武獨鬪死

何澄粹青陽人性至孝母沒哭墓哀毀而卒時稱孝子

何邕爲少傅杜甫有贈邕詩云生死論交地何由見一人何君隨燕省薄暮走紅塵

何起門建德人父死廬於墓大歷中刺史蕭定以狀聞天子表其門新唐書孝友列傳稱其事親居喪之行云

五代

何瓚閩人唐末及第莊宗鎮太原辟爲判官代張承業知留守事爲人明敏通于吏事外若疎簡內頗周密建號時昨諫議大夫慮事不成求留守北京與明宗有舊卽位召

氏姓譜

卷六十九

五歌

何氏

五

還見于內殿勞問久之無何拜西川節度副使時孟知祥畜貳志以副使趙季良爲心腹聞瓚代之亟奏留季良改瓚行軍司馬瓚不得已而往明宗厚賜遣之知祥先在北京爲馬步軍都虞候以軍禮事瓚常繩之以法及是猶勉待之知祥反罷還私第飲恨而卒

何敬洙南唐楚州刺史嘗親出閭巷察人疾苦有白事者隨其所言親加剖析無不厭服

何承裕嗜酒狂逸歷蓋屋咸陽二縣令往往召豪吏接坐引滿因醉挾私白事承裕笑曰此見罔也當受杖杖訖復召與飲

何仲舉營道人母嘗夢挾仲舉入月與范質同登後唐長興間進士因賜所居鄉曰進賢里曰化龍仕天策府學士

氏姓譜卷六十九終

歷代名賢列女氏姓譜卷之七十

湘鄉

蕭智漢雲澤氏纂輯

男秉信明甫氏校

下平聲

五歌

何氏

歷代名賢

宋

何令通南唐時爲國師言牛頭山不利謫休寧來芙蓉峰更名慕真一坐四十年豁然大悟天禧中一旦正席跌坐忽心火自灼頃刻而化其徒收舍利爲塔葬之

何延世字楸之豐城人慶歷進士爲都官郎中有清直聲與過昱李秉齊名繼知連潮二郡與周茂叔爲僚友雅相愛重爲詩清灑有韻族子莫字亨通鄂州功曹參軍既仕

氏姓譜

卷七十

五歌

何氏

一

益刻苦讀書臨政明決如老吏從子時升亦工古文詞有名太學號半隱山人

何執中字伯通處州龍泉人進士高等調亳州判官值會鞏爲守欲振起諸事一見合意事無纖鉅悉委以勅決有妖獄株連頗多執中訊諸囚聽其語稱牛羊之角皆曰股詰之不肯言執中曰是必爲師張角諱耳咸叩頭引伏蔣之奇使州稱曰一州六邑賴有君爾移知海鹽爲政識後先邑人紀其十異入爲太學博士母憂寓蘇州比隣夜半火執中拊柩號哭堅不去有頃火卻縮聖中端王就傅選爲記室轉侍講卽位起拜實文閣侍制遷中書舍人兵部侍郎工吏二部尚書兼侍讀崇寧四年由尚書右丞累拜中書門下侍郎積階金紫光祿大夫三年遂代蔡京位政和二年大長公主喪罷上元觀燈建言不宜以遠親故闕

衆情帝特爲徒日以昭與民同樂之意提舉修哲宗史以
恩加少保入宴太清樓賜白玉帶會轉太宰遷少師封榮
國公執中輔政一紀年益高臥疾賜寬告命止赴六參起
居退治省事寵眷不衰初賜第信陵坊以爲淺隘更徙金
順坊建嘉會成功閣帝親書鉅扁賜之久之乃以太傅就
第朝朔望儀物廩稍一如居位時卒年七十執中居官寬
省民力嘗置義莊以贍宗族子志同嗣

何棗字文績仙井人進士制科皆第一擢校書郎提舉京
畿學事擢累主客員外郎起居中書二舍人兼侍講徽宗
數咨訪欲任以言責因與蘇軾鄉黨恐宗其曲學出知遂
寧已而留爲御史中丞論王黼姦邪專橫十五罪黼請去
上猶未決棗繼上章及其黨胡松年胡益皆罷棗亦以徽
猷閣待制出知秦州欽宗立名還闕月拜翰林學士進尙

氏姓譜

卷七十

五歌 何氏

二

書右丞中書侍郎建言不可徇百官議以使臣王雲言愚
弄朝廷請建四道總管使統兵入援領以胡直孺王襄趙
野張叔夜無何兵起響應而唐恪耿南仲聶昌堅倡和議
亟檄止之棗復解政事以資政殿大學士領開封尹金兵
長驅傅城仍令代恪拜門下侍郎尙書右僕射兼中書侍
郎朝廷從其請康王在河北信使不通令密草詔藁以上
充天下兵馬天元帥京城失守從幸金營遂留不返已而
議立異姓棗陷朔廷仰天大慟不食而死年三十九建炎
初贈大學士開府儀同三司官其家七人

何繼筠字化龍河南人幼時與羣兒戲能爲行伍戰陣之
象父福進歷事後唐至周累官忠武成德天平三節度繼
筠屢署衙內都校與并人戰有功領欽州刺史契丹將高
模翰擾深冀與虎捷都指揮劉誠誨率兵拒之至武強獲

老稚千餘模翰遁去隨父入朝補內殿直父卒起復濮州
刺史改棣州令戍靜安軍世宗征瓦橋關以所部兵出百
井道破并人數千恭帝轉西北面行營都監宋初陞棣州
爲團練卽以充使俄加本州防禦監關南兵馬從征太原
於城下獲馬五百疋擒其將張環石贊以獻太祖親征晉
陽時繼筠屯兵陽曲驛名至行在授以方畧令赴石嶺關
拒契丹援兵期翼日亭午奏捷至期帝御北臺果見一騎
北來乃其子承睿來獻捷生擒遼刺史二人斬首千餘級
獲生口百餘及馬匹器甲甚衆以功拜建武軍節度判棣
州開寶三年來朝賜鞍馬戎仗等以疽卒年五十一贈侍
中爲人深沉有智畧前後備邊二十年與士卒同甘苦得
其死力邊人多畫像祠之

氏姓譜

卷七十

五歌

何氏

三

何承矩字正則幼爲棣州衙內指揮使從討劉崇擒獻其
將胡澄授閑廐副使陳洪進納主太宗詔乘傳監泉州兵
與喬維岳王文寶討平仙遊莆田寇盜有功就遷閑廐使
改崇儀使疏爲政害民者數十事遷知河南罷調丁男轉
送上供徙知潭州凡六年因圖屢空詔獎之厚待僚佐王
巨李沆入爲六宅使端拱初領潘州刺史護河陽屯兵副
米信知滄州疏言臣幼侍先臣征行知北邊道路川源形
勢甚悉若于順安砦西開易河蒲口導水東注于海東西
三百餘里南北五七十里資其陂澤築堤貯水爲屯田可
遏敵騎奔軼俟期歲間悉壅闕關南諸泊播爲稻田其畿
邊州軍臨塘水者止留城守軍士不煩發兵廣成收地利
以實邊設險固以防塞春夏課農秋冬習武休息民力以
助國經如此數年彼弱而勞我疆而逸此禦邊之要策也

上嘉納之卽拜制置河北緣邊屯田使興築修舉民賴其利淳化四年擢西上閤門使知滄州踰年徙雄州御書錄其功最仍賜弓劍益推誠御衆同其甘苦令邊民告機事動息輒知至道元年春府州殺獲契丹承矩條其數揭於市契丹怒夜襲城下承矩整兵出拒遲明列陣酣戰久之斬馘甚衆擒其酋鐵林相公上恐其輕率致寇命與滄州安守忠兩換其任及魏廷式表上功狀遣內侍劉勅覈寔麾下皆被擢賚真宗卽位復知雄州詔諭凡有事機務在得中乃遣書契丹諭以懷來之旨咸平二年詔聽邊民越拒馬河通市承矩上言緣邊戰懼司自洵河至泥姑海口屈曲九百餘里天設險阻太宗置砦一十六舖百二十五戍卒三千餘舟百艘往來巡警以備奸詐大爲要害若聽公私貿易人馬交度深非便宜砦舖皆爲虛設上卽停前

氏姓譜

卷七十

五歌

何氏

四

詔手札褒之三年名還拜引進使州民詣闕貢馬借留復遣之上言兵有三陣天陣日月風雲地陣山陵水泉人陣兵車士卒今用地陣而設險以水泉而作固建設陂塘綿亘滄海縱有敵騎安能折衝昨者犯高陽一路士庶安居卽屯田之利也但緣邊守將多非其才制御無方動誤國事伏望慎擇疆吏出牧邊民厚之以俸祿使悅其心借之以威權使嚴其令又欲料民爲三等凡有膽勇者效力顯忠樂進戰者能踰高赴遠輕足善鬪者各聚爲一俟契丹有警令智勇將統而用之必能奏功乃中國之長算也其權塲之設先朝從權立制以惠契丹今因其犯塞奪卽停罷似失大體去歲于雄州置塲賣茶雖貲貨並行未有所濟乞延訪大臣議其可否又建議選銳兵於乾寧軍挽刀魚船自界河直趨平州境以牽西面之勢五年復兼制置

屯田使始建榷場未幾因契丹窺伺殺斥埃卒復罷之時
邊城大浚渠契丹頗撓其役詔承矩握兵深入以分其勢
遣卒出混泥城襲之而還景德元年入朝進英州團練使
上語宰臣曰承矩讀書好名以材能自許宜擇善地處之
冬出知澶州金使韓杞至承矩奉命郊勞明年春復知雄
州會契丹遣使奉幣承矩悉以朝廷待邊人之禮悠久可
行者上聞手詔嘉納三年真拜雄州團練使兼緣邊安撫
使有詔誘邊民復業承矩恐契丹致疑易詔文爲水早流
民王欽若劾承矩擅改詔書請加罪帝優假之詔自今朝
旨有未便者奏稟進止生平頗有識整復善推步自知冥
數以老疾求僻郡詔擇代者得李允則改授齊州團練使
至郡纔七日卒年六十一贈相州觀察使賻錢絹護葬緣
邊涿易州民相率詣雄州發哀飯僧子龜齡侍禁九齡殿

氏姓譜

卷七十

五歌 何氏

五

直退齡齋郎昌齡娶齊王女大和縣主至內殿崇班孫象
中閣門祗候

何鑄字伯壽餘杭人登政和進士歷官州縣入爲諸王宮
大小學教授兼祕書郎以廖剛薦召對陳動天之德莫大
於孝感物之道莫過於誠誠孝旣至方可望歸梓官復境
土帝嘉納之拜監察御史遷殿中侍御史疏論士夫心術
不正狗虛名規厚利言不由中而首尾向背行險自售而
設意相侵乞大明好惡申飭中外各務正其心術毋或欺
誕意皆有所指時詔有司遷迎温州諸宮殿神像鑄奏陛
下之意惟欲寧妥神靈得四海之歡心今浙東早荒所遇
騷然道路怨咨事宜停止詔從之擢右諫議大夫尋拜御
史中丞命鞫岳飛反狀引至庭飛袒背示鑄以所涅盡忠
報國四大字深入膚理旣而閱實無左驗鑄察其寃白于

秦檜不悅曰此出上意對曰鑄豈區區爲一飛計但強敵未滅無故戮一大將失士卒心非社稷長策檜語塞深銜之乃改命乃俟高擢鑄端明殿學士簽書樞密院事充金國報謝使所還梓宮太后鑄不敢辭使還諷高論其阿庇岳飛欲竄嶺表上不從謫居徽州時金已厭兵欲和會後使者至問鑄安在檜遽起知温州未幾召赴行在提舉萬壽觀兼侍讀力辭金知岳飛已死檜議速成再遣鑄使金復端明殿學士歸報許以大用力請祠除資政殿學士知徽州數月卒年六十五爲人孝友廉儉不營居趾寄寓佛寺人以能辨岳飛之寃稱爲甚難後四十餘年諡通惠其家辭嘉定初改諡恭敏

何蒙字叔昭洪州人少精春秋左氏傳李煜時獻書言事署錄事參軍入宋授洺州推官太平興國五年調遂寧令

氏姓譜

卷七十

五歌

何氏

六

太宗征契丹還作詩以獻名見授右贊善大夫三遷水部員外郎通判廬州郡中火燔解舍權務俱盡蒙假民器貸鄰郡麴米爲酒旣而課增倍部使上其狀詔賚緡錢獎之稍遷司門巡撫使喬慎修薦其材敏驛召至京訪以江淮茶法蒙條奏利害稱旨賜緡魚及錢十萬後二日復對又上淮南酒榷便宜特改庫部郎中因命至淮右提總其事歲有羨利使還留提舉在京諸司庫務求外知温州坐舉人不當削一官真宗召復前資請開淮南鹽禁時卞充楊允恭以禁鹽爲便共排抑之出知梧州改水部郎中上所著兵機要類十卷歷官至光祿少卿致仕卒年七十七何常字德固京兆人登進士爲開封兵曹參軍紹聖初通判原州歷遷熙河運副嘗言轉輸病民然粟猶自官出民得無害近議欲貸民金帛使自入粟塞下誠非貧弱之利

熙帥効之貶秩徙成都路御札令中使織戲龍羅二千繡
旗五百常奏軍器之節敢不奉詔戲龍羅惟供御服日衣
一匹歲不過三百有奇今徒多無益詔獎其言爲減四之
三除直龍圖閣加集賢殿修撰陝西轉運使尋以顯謨閣
待制知秦州謀告夏人多築堡柵朝議出兵牽制常言羌
人生長射獵今困於版築遠其所長用其所短可以拱手
待斃無煩有爲從之鎮秦六歲轉通議大夫坐察訪方節
劾其越法責貶化軍節度副使終右文殿修撰卒年七十

三

何灌字仲源祥符人登武選從事河東經畧韓縝數試其
材許以奇士遷府州大山軍巡檢盜蘇延福狡悍爲二邊
患灌親梟其首逾人以爭賈胡曠泉水舉兵來犯灌迎高
射之輒中或著崖石皆沒羽逾蕭太師驚以爲神又爲河

氏姓譜

卷七十

五歌

何氏

七

東將與夏人戰射皆破甲洞智出背疊貫後騎賊懼而引
卻知寧化軍豐州徙熙河都監張康國薦于徽宗名問西
北邊事灌以笏畫御榻指坐衣花紋爲形勢帝曰敵在吾
目中矣擢提點河東刑獄遷西上閤門使領威州刺史知
滄州以治城障功轉引進使奏並塞三州水淺陸運費鉅
沿邊麥方熟請以運費就糴詔報可安撫使忌之劾灌冒
賞奪所遷官罷去未幾知岷州引邈川水溉田千頃湟人
號廣利渠徙河州提舉熙河蘭湟弓箭手上言漢金城湟
中卽今西寧湟廂地歷唐故渠可考若先葺渠引水使田
不病早則人樂應募而射士之額以足甫半歲得善田二
萬六千頃募士七千四百人爲他路最童貫用兵西邊灌
取古骨龍馬進軍加吉州防禦使改知蘭州攻仁多泉城
砲傷足不顧斬首五千級真拜廓州防禦使宣和初以救

大將劉法熙帥劉仲武奏其逗遛罷爲淮西鈐轄從平方
臘獲賊帥呂師襄遷同州觀察使改兩浙都鈐轄貫北征
檄統制兵馬涿易平以知易州遷寧武軍承宣使燕山路
副都總管加龍神衛都指揮使復幹離不所取景州解薊
州圍召遷管幹步軍司帝延僚使射灌一發破的上親酌
酒勞之遷步軍都虞候梁方平率禁旅守黎陽灌語白時
中宜思善後遂命灌行拜武泰軍節度使河東北制置副
使內禪之日領兵入衛靖康元年正月二日次滑州時方
平已南奔灌所領兵多募民充數望風而潰黃河南岸無
一人禦敵金師遂直叩京城灌至令控守西隅背城拒戰
凡三日被創沒于陣年六十二欽宗哀悼有司坐以不守
河津道削官秩紹興四年詔復履正大夫忠正軍承宣使
何去字子恭金華人師事黃榦確守師訓精義造約復守

氏姓譜

卷七十

五歌

何氏

八

其謙抑不敢自尊與門弟子王栢序正諸經其淳固篤實
絕類漢儒雖一本於熹然就其言發明則精神新意愈出
不窮有文集三十卷所與栢問辨者十八趙汝騰守婺延
聘不就薦之于朝從官鄭士懿楊棟相繼以請皆固辭景
定五年特與建寧布衣徐幾同被召各補迪功郎添差婺
州學教授仍兼麗澤建安二書院山長咸淳初授史館校
勘兼崇政殿說書屢辭改承務郎主管西嶽廟亦不受卒
年八十一德祐元年祭酒楊文仲請諡文定所著有易啟
蒙學庸大傳通書近思錄發揮

何羣字通夫西充人性嗜古學喜激揚論議聞石介在太
學自遠而至介方會諸生講問曰生等有知何羣者乎日
思爲仁義不知飢寒之切已也出是皆向仰之因館介家
其子弟推爲學長羣愈自克厲著書數十萬與人言未嘗

下意曲從同舍目爲白衣御史嘗請復古衣冠言今之士
語言率易舉止惰肆其衣冠亦不如古之嚴三代取士皆
先行義後世專以文辭就其中害道者莫甚於賦請罷去
之介贊美其說後多不行乃慟哭取平生所爲賦八百餘
篇盡焚之徑歸不復舉進士嘉祐中何鄉表其行義至趙
抃守益州羣已死奏其遺藁有益時政願詒果州錄上之
何涉字濟川南充人家世業農至涉始讀書晝夜刻苦汎
覽博古上自六經諸子百家旁及陰陽醫卜之術無所不
學過目不再讀而終不忘人問書傳中事悉應之至指卷
第無訛也登進士調洛交主簿遷中部令范仲淹奇之辟
彭武軍節度推官龐籍奏遷著作佐郎管勾郵延等路經
畧安撫招討司機宜文字軍中經畫頗預有力元昊納款
名籍爲樞使欲涉同入朝辭以親老非人子自便之時願

氏姓譜

卷七十

五歌

何氏

九

得歸養特改祕書丞通判眉嘉二州文彥博復薦名爲集
賢殿校理既又求歸蜀知漢興合州累官司封員外郎父
喪歸卒詔恤其家官一子涉長厚有操行事親至孝平居
未嘗談人過惡所至多建學館勸誨諸生從遊者甚衆軍
事匆冗中嘗爲諸將講左氏春秋狄青亦橫經以聽有治
道中術春秋本旨廬江集七十卷

何時字了翁撫州樂安人與文天祥同登進士歷廬陵尉
臨江司理參軍改知興國縣辟署帥府機宜帶行監文思
院尋轉江西運副督吉州餽運元兵下吉州脫身歸鄉天
祥開府南劍時起兵趨興國復崇仁元軍奄至削髮爲僧
竄迹嶺南賣卜自給變姓名號堅白道人

何兌昭武人受學於馬伸紹興中爲辰州通判適秦檜自
陳存趙之功謂他人莫預兌徑取所輯事狀達尙書省檜

大怒下之詔獄削官遠竄真陽槍死始復其官放擻尋卒
何充漢州德陽人秘書耕之孫爲黎州通判攝州事預爲
備禦及宋能之至建議急於邛崃創大小兩關倉及砦屋
百間命親往督程役俄闕破自刺不死元軍帥呼之許以
不殺且指其幕曰汝降卽坐此充不應踞坐於地元將令
充髡頂受降充呼曰可殺不可髡使署招民榜堅不肯遣
以酒茗羊牛皆却之自是絕不食敵知其不可強嘆曰
好漢也遂斬之妻陳氏將死親戚或勸其自免陳正色曰
我與兒婦義不苟活汝等自求生可也衆感泣願同死者
四十餘人因罵不絕口衆以石擊殺之勇士麟孫駒行從
子仲桂皆先死惟長子士龍得免

何晝少讀書廬山白鹿洞舉進士南唐時屢黜乃渡江入
汴謁宋祖陳所爲書二十卷後登第官至鳳翔觀察推官

氏姓譜

卷七十

五歌

何氏

十

何麗天南充人宦游中都久未得歸賦懷親十三篇如毛
詩體隨表上進以求補外朝廷嘉其志詔嶺南遠官皆許
迎養

何造之子絳侯孫修輔會孫格非三世登第家有三桂堂
何去非字正通浦城人學問該博有識度元豐中對策論
用兵之要擢優等除武岡學教諭檢校兵法七書奏復見
褒賞未幾擢博士蘇軾見其文驚曰此今班馬也力薦于
朝詔加承奉郎歲餘出爲徐州教授

何旦龍水人以邊賞補三班借職官至武經郎嘗爲海南
四川都巡檢使時蘇軾謫海外且常往來其門得軾緒論
甚富

何琬字子温龍泉人舉進士神宗疏其姓名於御屏云政
事何琬文章葉濤濤亦邑人也

何大正 大庾人博通諸經元祐間入國學雖老師宿儒莫不推遜時稱上庠三傑大正其一也官至南雄州司理何求 閩中人以宋涉隆苑記踈畧乃哀次三十卷號閩苑記其後同縣曹無忌又增二十六卷

何述 字明道調當塗縣邑瀕江述築堤以捍水患崇寧初除開封推官從尹以職事對上顧尹曰何述詳雅可喜必能助勦決累遷開封少尹司農光祿卿出知相州後除徽猷閣待制知永興軍有禮記解事類領要廬江集等書何奩 營道人後更名棄登政和進士第性剛介議論不屈倅隨守廉俱擅聲稱後守雅州以最聞累官朝請大夫何烈 湘鄉人金人入寇烈叩闕乞賜對陳禦戎之策即日名對至東閣烈曰誓把愚衷畢此生

何頡 之字斯舉黃岡人自號樗叟篤學善屬文東坡謫居

氏姓譜

卷七十

五歌

何氏

十一

齋安斯舉因侍教誨

何大節 知黃州金人犯黃大節義不屈投江而死

何昌世 字正卿任台州司理時虜勢猖獗官吏望風遁去昌世獨守職迎駕入城上問曰卿見爲何官對曰台州司理何昌世也慰勞再三剪御衣尺許書云賒南渡以來事力未辦獨汝能盡忠爲國可執此爲照特改宣教郎除大理寺丞終司農少卿

何彥猷 高唐人紹興中爲大理丞時秦檜誣岳飛下獄彥猷言飛無罪万俟卨劾其撓法罷黜寓德清餘不溪檜死高宗欲召用而彥猷已卒

何熙志 龍遊人有文名紹興初進士晁公武薦爲臺屬除御史臺檢法誥詞有蜀士秀之語

何異 金溪人紹興中進士累官左正言奏疏多峻切又累

遷權禮部侍郎太廟有芝草生韓侂胄以爲祥瑞異獨以爲兵妖後遷工部尚書丐祠致仕

紹興間知雷州循水利築隄以溉東洋之田凡數千

何大奎廣德人年十八試禮部第一時以文章著名

何中立字公南許州長社人幼警邁頗以文辭自喜進士

及第累官樞密直學士知許陳州徙杭州卒既沒家無餘

一登紹興第歷臨安府教授剛定官通判婺州忤秦檜罷

檜死以薦除監察御史遷左正言右司諫彈劾不避除諫

議大夫首論將帥不治兵而治財戰鬪之士變爲商賈在

言路六年知無不言除翰林學士兵部尚書屬時軍事旁

午羽檄交馳而因事兵文各盡其妙以疾請補外授龍圖

閣學士致仕居歲餘卒于家

何坦廣昌人家貧好學淳熙中進士歷官提刑廣東杜絕

請托以廉平爲嶺南首稱

何湛通判瀘州權郡事蠻西乞弟率衆迫城湛單騎至賊

營開說利害乞弟亦單騎送湛入城歡飲畢引賊遠遁民

賴以安

何源字清卿大庾人通諸經授長子衢亨春秋登寶祐癸

丑進士授次子光龍禮記登咸淳戊辰進士授門人莫如

德易登淳祐甲辰進士父子師友淵源可述

何洪慶元間知新淦縣崇尙禮教不施鞭朴而民自畏服

氏姓譜

卷七十

五歌

何氏

十一

循邑大疫癘置惠民局敦延良醫以治之又置養濟院以收無依者民甚德焉

何師心知叙州因夷叛修戰守之具置鎖崖岸以保居民鄉人德之其崖石上鐫鎖江二字尚存

何淡字自然東陽人嘉泰間以上舍釋褐歷官國子丞祕書郎恬靜好學著有通鑑手抄賢闕謾錄

何新之西安人仕至樞密院編修官嘗採唐宋詩爲詩林萬選行世後知忠安軍死節

何夢桂字岩叟淳安人咸淳中舉進士第三爲太常博士歷監察御史宋亡不仕所著有易衍中庸致用等書于易尤精有先儒所未發者

何亮二十四賢中人

何大士營道人弱冠悟佛學慶歷間呂仙訪之相與指明

氏姓譜

卷七十

五歌

何氏

三

宿植謂其爲定光佛后身惟朝夕持念釋迦觀音名號有自來參者率爲偈以答之練提刑遇之言有所契大士云在家能出家火裏生蓮花後無疾而逝

何逢原知嘉州與孫松壽宋誨何耕皆守是州有循良之政州人繪其像名曰四循吏

何季於潛人淳熙中知武岡軍敦尙教化增葺郡縣建修書院時稱良吏

何

何榮祖字繼先其先太原人金亡徙家廣平狀貌魁偉額有赤文如雙樹家世業吏榮祖尤所通習遂由吏累遷中書省掾已擢御史臺都事始折節讀書阿合馬方用事置總庫於其家以收四方之利號曰和市御史范方斥其非論甚力阿合馬知榮祖主其謀奏爲左右司都事以隸已

未幾御史臺除爲治書侍御史尋出爲山東按察使時宣
慰使樂實姚演開膠州海道有制禁諸人勿得沮撓而糧
船遇暴風多漂覆樂實不之信督諸漕卒代償榜掠慘毒
自殺者相繼按察官懼遠制莫敢言榮祖曰第言之若朝
廷見譴吾自當也卽上奏詔免其徵名入爲尙書省參知
政事會桑哥專政亟於理算錢穀人受其害榮祖數請罷
之帝不從屢懇不已命姑緩之而幾內民苦尤甚榮祖每
以爲辭同僚曰上旣已免諸路惟未及在京耳可稍止勿
言也榮祖執愈堅至忤旨不少屈竟不署其牘未踰月而
弊皆上聞帝乃思其言名問所宜榮祖請於歲終立局考
校人以爲便定爲常式桑哥敗中書右丞國初未有法
守百司斷理獄訟循用金律頗嚴苛榮祖乃以公規治民
禦盜理財等十事輯爲一書名至元新格上之帝命鋟版

氏姓譜

卷七十

五歌

何氏

古

頽行又言國家用度不可不足天下百姓不可不安今理
財者弗顧民力之困言治者弗圖國計之大且當用之人
恒多而得用之人恒少要之省部實爲根本必擇才後任
庶有神益帝然其言屢以老疾乞解機務詔免署事惟預
議中書而食其祿適子祕書少監惠深遂歸廬卒年七
十九追封趙國公謚文憲榮祖身至大官恒餽第以居飲
器用青窰杯中官聞之賜以上尊及金銀鈔俾置器買宅
以旌其廉所著有六畜十集并學易記載道集觀物外篇
等書

何實字誠卿北京人父道忠仕金爲北京留守實少孤依
叔父以居氣節不凡家人常入卧內見一青蛇蜿蜒衣被
中駭視之乃實也當中原盜起錦州張鯨自稱臨海王旣
納款復以叛謀於實實厲聲曰天之歷數在朔方汝等恣

爲不軌徒自斃耳乃籍戶口一萬募兵三千歸太祖獻軍
民之數太祖悅命從木華黎充前鋒時鯨弟致復據錦州
寶與賊遇於神水縣挺身陷陣獲戰馬兵械甚衆以功授
帳前軍馬都彈壓詔取燕南齊西地首擊邢州徇趙郡取
魏鄴下博關襲曹濮恩德泰安濟寧勢如破竹從取大同
鴈門石隰等州引兵掠大原平陽河中京兆諸城戰無不
克授元帥左監軍會武仙復叛據邢州實帥師圍之立雲
梯先登橫稍突馳城破仙走逐北四十里遂成邢州居一
歲多著善政及分兵攻汴所至有功已復命駐兵邢州分
織匠五百戶置局課織邢因武仙之亂歲屢飢請移匠局
于博州博值兵火後物貨不通實以絲數印置會子權行
一方民獲實遷之利太宗數召見與論軍事曰思卿効力
有年朕欲授以征行元帥實謝曰小臣披堅執銳從事鋒

氏姓譜

卷七十

五歌

何氏

去

鏞二十年身被十餘創右臂負痛久已爲廢人敢辭監軍
之職幸得督工匠歲獻織幣優游終身於願足矣帝不悅
令人宿衛密使人覘之管果不能舉始命充御用局人匠
達魯花赤

何失昌平人負才氣能詩文至正間各公文薦以親老不
就揭傒斯雅重其人贈以句曰心事巢由上文章陶阮問
蘧集見其所作嘆曰當序而傳之使後之作者亦知世有
斯人

何璋易州易縣人父伯祥從張柔來歸授易州軍民總管
從主帥察罕伐宋諸軍入宋境察罕自他道遽還諸軍倉
皇失措伯祥曰此必爲敵所遏我兵宜出不意深入其地
彼不我測乃可出也遂率兵突戰直抵司空寨陵高伐木
爲攻取勢旣夜命分五營營火十炬伏精銳於營側天將

曉令士卒速行而鳴鼓其後宋兵果來追伏發驚潰奮擊百餘里他軍不能歸者皆賴以出世祖南伐伯祥以參贊軍事卒于軍瑋襲父職從圍襄樊屢敗宋舟師歷官湖南宣慰使成宗卽位拜中書參知政事時省臣凡十一人瑋曰古者一相專任賢也今宰執員冗政出多門轉相疑忌請損之京兆孔廟成瑋言唐虞三代國都間巷莫不有學今孔廟旣成宜建國學於側時方建南郊議尊祖配天之禮省臣曰宗廟已有時享郊止祭天爲宜瑋曰嚴父配天不易之制也不從成宗崩丞相阿忽台奉皇后旨集廷臣議耐廟及攝位事瑋難之丞相變色曰汝獨不畏死邪瑋從容曰死畏不義耳苟死於義夫復何畏武宗至自上都瑋出迓帝曰朕知卿忠直朕有不逮卿當勉輔拜中書平章政事未幾出鎮河南帝召至榻前諭曰汴京屯田久廢卿當爲國竭力瑋至先建諸葛祠立書院以地三千畝贖之卒封梁國公諡文正

氏姓譜

卷七十

五歌

何氏

十六

何從義洛川人祖父母偕亡從義廬墓側不脫衰經不食葷果事父母孝養尤至伯叔祖母及叔父母皆無子凡入喪成爲治葬築高墳祭掃以時且戒子孫世世弗替其子皆貴顯

何廷蘭鳳翔人仕元薦登省臺三十餘年納忠陳善秉節

不阿

何麗孫宜黃尹蒞事精敏處斷多出人意表明哲燭物吏不敢欺歲飢勸賑有法貧者賴活感懷其德

何中字太虛江西撫州人宋末舉進士少穎拔以古學自任家有藏書萬卷手自校讐日與門弟子講經義其學宏深該博江西行省全岳柱聘爲宗濂書院山長所著有易

類象書傳補遺通鑑綱目測海及知非堂稿支頤錄諸書
其自序稿尚有通書問叶韻補疑六書綱領各一卷

何緝至正末上海縣尹廉公有威典學校勸農彙毀淫祀
斥巫覲勸善懲惡民知所向風俗丕變

何彥清播州安撫使有政績以安西行省左丞李德輝有
德於播率其民立廟祀之

何

何眞字邦佐東莞人少英偉好書劍元至正初爲河源縣
務副使轉淡水場管勾棄官歸元末盜起眞聚衆保鄉里
十四年縣人王成陳仲玉作亂眞赴告元帥府帥受賂反
捕眞逃居坭岡舉兵攻城不克久之惠州人王仲剛與叛
將黃常據惠眞擊走常殺仲剛以功授惠陽路同知廣東
都元帥守惠州海寇趙宗愚陷廣州眞以兵破走之復其

氏姓譜

卷七十

五歌

何氏

七

城擢廣東分省參政尋擢右丞贛州熊天瑞引舟師數萬
欲圖眞眞迎之胥江天大雷雨折天瑞舟檣擊走之廣人
賴以完先是眞再攻成誅仲玉而成卒固守二十六年復
圍成募禽成者予鈔十千成奴縛成以出眞予之鈔命具
湯饌趨烹奴號於衆曰奴叛主者視此緣海叛者皆降時
中原大亂嶺表隔絕有勸眞校尉化故事者不聽屢遣使
由海道貢方物於朝累進資德大夫行省左丞洪武元年
太祖命廖永忠爲征南將軍帥舟師取廣東永忠至福州
以書諭眞遂航海趨潮州師旣至眞遣都事劉克佐詣軍
門上印草籍所部郡縣戶口兵糧奉表以降永忠聞於朝
賜詔褒眞曰朕惟古之豪傑保境安民以待有德若竇融
李勣之屬擁兵據險角立羣雄間非眞主不屈此唐漢名
臣於今未見爾眞連數郡之衆乃不煩一兵保境來歸雖

賈李奚讓馬永忠抵東莞眞帥官屬迎勞遂奉詔入朝擢江西行省參知政事且諭之曰天下分爭所謂豪傑有三易亂爲治者上也保民達變知所歸者次也負固偷安身死不悔斯其下矣卿輸誠納土不逆顏行可謂識時務者眞頓首謝在官頗著聲望尤喜儒術讀書綴文已轉山東參政四年命還廣東收集舊卒事竣仍蒞山東九年致仕大軍征雲南命眞偕其子兵馬指揮貫往規畫軍餉置郵驛遷山西右布政使再與貴勾軍廣東擢貴鎮南衛指揮僉事尋命眞爲浙江布政使改湖廣二十年復致仕封東莞伯祿一千五百石予世券卒子榮嗣

何文輝字德明滁人太祖下滁州得文輝年十四撫爲己子賜姓朱氏太祖初起多蓄義子及長命偕諸將分守諸路周舍守鎮江道舍守寧國馬兒守婺州柴舍眞童守處

氏姓譜

卷七十

五歌

何氏

六

州金剛奴守衢州皆義子也金剛奴後無考周舍卽沐英軍中又呼沐舍柴舍者朱文剛與耿再成死處州難又有朱文遜史不傳其小字亦以義子死太平自沐英外最著者唯道舍馬兒馬兒卽徐司馬而道舍卽文輝也文輝以天寧翼元帥守寧國進江西行省參政數攻江西未下州縣討新淦鄧仲廉斬之援安福走饒鼎臣平山尖寨從徐達取淮東復從下平江賜文綺進行省左丞復其姓以征南副將軍與平章胡美由江西取福建度杉關入光澤徇邵武建陽直趨建寧元同僉達里麻參政陳子琦閉門拒守文輝與美環攻之踰十日達里麻不能支夜潛至文輝營乞降詰旦總管程也先不花亦以衆降於文輝美怒兩人不詣已欲屠其城文輝馳告美曰與公同受命至此爲安百姓耳今旣降奈何以私忿殺人美乃止師入城秋毫

無所犯汀泉諸州縣聞之皆相次歸附會車駕幸汴梁召
文輝扈從因命爲河南衛指揮使定汝州餘寇從大將軍
取陝西留守潼關洪武三年授大都督府都督僉事子世
襲指揮使復以參將從傅友德等平蜀賜金幣留守成都
文輝號令明肅軍民皆德之帝嘗稱其謀畧威望遷大都
督府同知五年命帥山東兵從李文忠出應昌明年移鎮
北平文忠北征文輝督兵巡居庸關以疾名還九年六月
卒年三十六遣官營葬滁州東沙河上恤賚甚厚子環成
都護衛指揮使征迤北陣歿

何鑑字世光浙江新昌人成化五年進士授宜興知縣徵
拜御史巡宣府大同劾巡撫鄭寧以下數十人不職按裨
將孟璽等罪還巡太倉總督太監卒犯法逮治之爲所構
下錦衣獄得釋再按江北鳳陽皇陵所在近境取寸木法

氏姓譜

卷七十

五歌

何氏

九

皆死陵軍多倚禁虐民鑑請以山麓爲限他樵採勿禁遂
著爲令出爲河南知府振累歲飢條行荒政十事歷四川
左右布政使宏治六年以右副都御史巡撫江南兼理杭
嘉湖三府稅糧蘇松水災用便宜發漕米十五萬石振之
與侍郎徐貫疏吳淞白茆諸渠泄水入海水患以除復巡
撫山東遷刑部侍郎母憂去十八年還朝時承平久生齒
日繁孝宗覽天下戶籍數乃視國初反減咎所司溺職欲
釐正之敕鑑以故官兼左僉都御史往河南湖廣陝西閱
實戶口得戶二十三萬五千有奇口七十三萬九千有奇
因疏善後十事及軍民利病以聞會孝宗已崩武宗悉採
納之正德二年拜南京兵部尚書參贊機務鑑前撫江南
嘗按千戶張文冕罪文冕亡去至是構於劉瑾而瑾亦嫌
鑑不與通遂坐以事連罰米貧不能償奏懇獲免六年正

月名爲刑部尙書時大盜並起劉寵劉宸揚虎劉惠齊彥
名朱諒等亂畿輔方四曹甫藍廷瑞鄒本恕等躪四川汪
澄二羅光權王浩入王鈺五等擾江西皆稱王四方告急
無虛日兵部尙書王敞不能辦賊帝旣命洪鍾陳金馬中
錫督師分討其年五月罷敞以鑑代之鑑乃選將練兵錄
民間材武士令鄉聚悉樹柵浚溝團結相救河南山西兵
守黃河斷太行京操班軍留守所在城邑每漕艘運卒一
人屯河濱護運道通行旅文武大吏軟賊請赦峻責之而
褒縣令能擊賊者以中錫玩寇奏遣陸完代還調邊將從
完討賊賊連爲邊軍所破奔迸四出會中官谷大用伏羌
伯毛銳率師駐臨清賊遂謀以十二月朔伺帝省牲南郊
乘間犯駕先一日趨霸州鑑立奏聞夜設備厥明帝名問
鑑鑑請早出安人心遂成禮而還賊知有備西掠保定諸

氏姓譜

卷七十

五歌 何氏

三

州縣以去河南巡撫鄧璋請濟師鑑言山東賊不及萬官
軍奚啻十倍緣勢要私人營克頭目撓律讓功失將士心
請盡遣若屬還都指揮以下失事卽軍前行戮益調邊軍
助璋帝悉從之尋以捷書屢聞加鑑太子少保明年正月
賊突霸州京師戒嚴鑑令邊兵亟邀賊賊遁去賊渠揚虎
朱諒死其黨分擾山東河南鑑以山東賊劉寵劉宸齊彥
名等責邊將許泰郤永劉暉李鉉以河南賊劉惠趙鏗邢
老虎等責邊將馮禎時源神周金輔未幾毛銳敗績與大
用俱名還鑑乃請用彭澤與仇鉞同辦河南賊而以山東
賊專委陸完五月河南賊平七月山東餘賊亦平陳金洪
鍾亦以次平江西四川諸賊帝喜加鑑太子太保廕子錦
衣世百戶鑑乃上言羣盜蕩平民罹兵久乞量免田租多
方振贍黜貪殘長吏停不急工役還民故業貸以牛種復

其家三年有許舊事及祐惡者並寘於理帝悉報可先是
七月中鑑以羣盜未盡請留邊將劉暉戍山東時源成河
南郤永成繼輔李鋹戍淮陽各假總兵之職俟事寧始罷
仇鉞言邊軍久勞風土不習人馬俱病今賊已漸平請留
三之一討賊餘悉遣還廷議二人議俱是請四將各千人
鎮壓他將許泰神周金輔溫恭輦俱統所部還邊鎮帝許
之命延綬軍徑還遼東宣府大同軍過闕勞賜帝時好弄
兵羣小寵幸者言邊軍愁健過京軍遠甚宜留之京營帝
以爲然至十一月三鎮軍畢至遂命留之以京軍往代鑑
力陳不可廷臣集議復極言其害帝竟不從自是邊軍於
大內團操號爲外四家軍而江彬進用矣八年宣府送迺
北降人脫脫太等至京命充御馬監勇士鑑等上言漢魏
徙氏羌於關中郭欽江統皆勸晉武早絕亂階苻堅處鮮

氏姓譜

卷七十

五歌

何氏

二

卑於漢南苻融亦慮其窺測虛實今使降人出入禁中假
寵踰分且生慢侮萬一北寇聞之潛使黠賊僞降以爲間
謀寧不爲將來患哉帝不聽寧王宸濠謀復護衛鑑力遏
之都督白玉以失事罷厚賄豹房諸倖臣求復鑑執不從
諸倖臣嗾訛事者發鑑家僮取將校金錢言官遂交章劾
鑑致仕去閱九年卒年八十

何喬新字廷秀江西廣昌人父文淵永樂十六年進士授

御史歷按山東四川烏蒙奸民什伽私其知府祿昭妻懼

誅誣昭反詔發軍討文淵檄止所調軍而白其誣宣德五

年用顧佐薦賜敕知溫州府居六年治最增俸賜璽書以

胡濙薦擢刑部右侍郎督兩淮鹽課正統三年兩議獄不

當與尚書魏源下獄皆得釋朝議征麓川文淵疏諫曰麓

川徼外彈丸地不足煩大兵若遣雲南守將屯金齒令三

司官撫諭之遠人獲更生而朝廷免調兵轉餉策之善者也帝下其議廷臣多主用兵於是西南騷動僅乃克之而失亡多其冬以疾乞歸景帝卽位起吏部左侍郎尋進尙書佐王直理部事東宮建加太子太保災異見給事中林聰等劾文淵儉邪左庶子周旋疏言其枉聰并劾旋御史曹凱復廷爭之遂與旋俱下獄聰疏有囑內臣語太監興安請誅主名聰不敢堅對乃釋文淵命致仕英宗復位削其加官而景泰中易儲詔書父有天下傳之于語出文淵或傳朝命逮捕懼而自縊時喬新已登景泰五年進士官南京禮部主事奔喪歸里里人故侍郎揭稽嘗受業文淵而與喬新兄弟不協奏文淵充實諸子迫之自經又逼嫁父所愛妾喬新亦許稽爲巡撫時嘗薦黃玆且代草易儲疏皆被徵比對簿父妾斷指爲諸郎訟冤獄得少解帝亦

氏姓譜

卷七十

五歌

何氏

三

以事經赦釋不問已復丁母憂服除改刑部主事歷廣東司郎中錦衣衛卒犯法捕治不少貸都指揮袁彬有所囑執不從彬怒使人捽摠無所得由是名大起成化四年遷福建副使所屬壽寧銀礦盜採者聚衆千餘人所過剽掠募兵擊禽其魁福寧豪尤氏殺人出入隨兵甲拒捕者二十年福清薛氏時出諸番互市事覺謀作亂皆捕殺之福安寧德銀礦久絕有司責課民多破產喬新以爲言減三之二興化民自洪武初受牛於官至是猶歲課其租奏免之清流歸化里介沙縣將樂間恃險不供賦白都御史置歸化縣其民始奉要束遷河南按察使歲大飢故事振貸迄秋止喬新曰止於秋謂秋成可仰也今秋可但已乎振至明年麥熟乃止都御史原傑以招撫流民至南陽引喬新自助初項忠驅流民過當民間傑至益竄山谷喬新躬

往招之附籍者六萬餘戶遷湖廣右布政使荊州民苦徭
役驗丁口貧富列爲九等民便之十六年擢右副都御史
巡撫山西邊地軍民每出塞伐木捕獸喬新言此輩苟遇
敵必輸情求生皆賊導也宜毋聽闌出犯者罪守將諂可
敵犯塞借參將支玉伏兵灰溝營擊斬甚衆進左副都御
史歲飢奏免雜辦及戶口鹽鈔十之四劾僉事尙敬劉源
稽獄請救天下斷獄官淹半載以上者悉議罪帝稱善亟
從之召拜刑部右侍郎山西大飢人相食命往振活三十
餘萬人還流冗十四萬戶還朝會安寧宣撫使楊友欲奪
嫡弟播州宣慰使愛爵誣愛有異謀喬新往勘與巡撫劉
璋共白愛誣友奪官安置他府播人遂安孝宗嗣位萬安
劉吉等忌喬新剛正出爲南京刑部尙書沿江蘆洲率爲
中官占奪託言備進奉費喬新奏還之民初喬新之出中

氏姓譜

卷七十

五歌

何氏

三

官懷恩不平一日以事詣閣言新君踐阼當用正人胡爲
出何公安等默然旣而刑部尙書杜銘罷羣望屬喬新而
吉代安爲首輔終忌之久不補宏治改元用王恕薦始名
喬新代銘奏言舊制遣官勘事及逮捕必齋精微批文赴
所在官司驗視乃行近止用駕帖不合符宜復舊制以防
矯詐帝立報許時吉仇正人類興大獄喬新率據法直之
吉愈啣恨數據他事奪俸二年夏京城大水喬新請恤被
災者家又慮刑獄失平條上律文當更議者數事吉悉格
不行大理丞闕御史鄒魯覬遷而喬新薦郎中魏紳會喬
新外家詣獄喬新乃拜疏乞歸頃之窮治無驗魯坐停俸喬
新亦許致仕喬新性廉介觀政工部時嘗使淮西巢令闕
徽少學於文淵以金幣餽喬新却之闕曰以壽吾師耳喬

新曰子欲壽吾親因他人致之則可因吾致之則不可卒不受福建市舶中官死鎮守者分其貲遣三司喬新獨固辭不得輸之於庫既家居楊愛遣使厚致贈且獻良材可爲椽者喬新堅却之喬新年十一時侍父京邸修撰周旋過之喬新方讀通鑑續編旋問曰書法何如綱目對曰呂文煥降元不書叛張世傑溺海不書死節曹彬包拯之卒不書其官而紀義軒多採怪妄似未有當也旋大驚異比長博綜羣籍聞異書輒借鈔積三萬餘帙皆手較讐著述甚富與人寡合氣節友彭韶學問友邱濬而已罷歸後巡按江西御史陳誼奏喬新始終全節中間祇以受親故餽遺之嫌勒令致仕進退黜昧誠爲可惜乞行勸本官如無疾則行取任用有疾則加慰勞以存故舊之恩全進退之節不許後中外多論薦竟不復起十五年卒年七十六江

氏姓譜

卷七十

五歌

何氏

二四

西巡撫林俊爲彭韶及喬新請諡吏部覆從之有旨令上喬新致仕之由給事中吳世忠言喬新學行政事莫不優忠勤剛介老而彌篤御史鄒魯挾私誣劾一辭不辨恬然退歸杜門著書人事寡接士大夫莫不高其行若必考退身之由疑旌賢之典則如宋蔣之奇嘗誣奏歐陽修矣胡絃輩嘗誣奏朱熹矣未聞以一人私情廢萬世公論也事竟寢正德十一年廣昌知縣張傑復以爲言乃贈太子太保予廕明年賜諡文肅喬新五世孫源萬歷初爲刑部右侍郎亦有清節

何維栢字喬仲南海人嘉靖十四年進士選庶吉士授御史雷震謹身殿維栢言四海困竭所在流移而所司議加賦民不爲盜不止因請罷沙河行宮金山功德寺工作及安南問罪之師帝頗嘉納尋引疾歸久之起巡按福建二

十四年五月疏劾大學士嚴嵩奸貪罪比之李林甫盧杞
且言嵩進顧可學盛端明修合方藥邪媚要寵帝震怒遣
官逮治士民遮道號哭維栢意氣自如下詔獄廷杖除名
家居二十餘年隆慶改元召復官擢大理少卿遷左僉都
御史疏請曰御便殿名執政大臣謀政事並擇大臣有才
德者與講讀儒臣更番入直宮中燕居慎選謹厚內侍調
護聖躬俾游處有常幸御有節非隆冬盛寒毋輟朝講報
聞進左副都御史母憂歸萬歷初還朝歷吏部左右侍郎
極論鬻官之害御史劉臺劾大學士張居正居正乞罷維
栢倡九卿留之及居正遭父喪詔吏部諭留尙書張瀚叩
維栢維栢曰天經地義何可廢也瀚從之而止居正怒取
旨罷瀚停維栢俸三月旋出爲南京禮部尙書考察自陳
居正從中罷之卒諡端恪

氏姓譜

卷七十

五歌

何氏

二五

何宗彥字君美其父由金谿客隨州遂家焉宗彥舉萬歷
二十三年進士累官詹事四十二年遷禮部右侍郎署部
事福王之國河南請求無已宗彥上疏言可慮者有六帝
不聽又屢疏請東宮講學皇孫就傅及瑞惠桂三王婚禮
太子生母王貴妃薨不置守墳內官又不置墳戶贍地宗
彥力爭之挺擊事起宗彥因言天下疑陛下薄太子久太
子處積輕之勢致慈慶宮門止守以耄年二內侍中門則
寂無一人乞亟下張差廷訊凡青宮諸典禮悉允臣部施
行宗社幸甚不報尋轉左侍郎署部如故四十四年冬隆
德殿災宗彥請通下情修廢政補曠官明年皇長孫年十
三未就傅宗彥再疏力言自是頻歲懇請帝終不納四十
六年六月京師地震上修省三事時帝不視朝已三十載
朝政積弛庶官盡曠明年秋遼事益棘宗彥率僚屬上言

自三路喪師開原鐵嶺相繼沒瀋陽孤危請陛下臨朝與臣等面籌兵食大計帝亦不報宗彥清修有執攝尙書事六年遇事侃侃敷奏時望甚隆其年十二月會推閣臣廷臣多首宗彥獨克科給事中張延登不署名遂不獲與宗彥旋乞假去御史薛敷政蕭毅中左光斗李徵儀倪應春彭際遇張新詔等交章惜之而延登同官元詩教薛鳳翔又屢疏糾駁其時齊黨勢盛非同類率排去之宗彥無所附麗故終不安其位明年神宗崩光宗立卽家拜禮部尙書兼東閣大學士天啟元年夏還朝屢加少師兼太子太師吏部尙書建極殿大學士四年正月卒官贈太傅諡文毅

何洪全椒人嗣世職爲成都前衛指揮使正統中從征麓川景泰末從征天柱銅鼓皆有功屢遷都指揮使掌四川

氏姓譜

卷七十

五歌

何氏

六

都司事與平東苗憲宗卽位論功擢都督僉事巡撫汪浩乞留洪四川許之德陽人趙鐸反自稱趙王漢州諸賊皆歸之連番衆數陷城殺將吏遣其黨何文讓及僧悟昇掠安岳諸縣洪斬悟昇生禽文讓鐸將逼成都官軍分三路討洪偕都指揮寧用趨彰明賊引去追至梓潼朱家河力戰賊少却洪乘勝陷陣後軍不繼爲賊所圍左右跳盪殺賊甚衆力竭而死洪勇敢善撫士號令嚴蜀將無及之者詔贈洪都督同知予祭葬子節襲都指揮僉事

何璉字粹夫武陟人年七歲見家有佛像抗言請去之十九讀許衡薛瑄遺書輒欣然忘寢食宏治十五年成進士選庶吉士閣試克已復禮爲仁論有曰仁者人也禮則人之元氣而已則見侵於風寒暑濕者也有人能無爲邪氣所勝則元氣復元氣復而其人成矣宿學咸推服焉劉瑾竊

政一日贈翰林川扇有入而拜見者瑋時官修撰獨長揖
瑾怒不以贈受贈者復拜謝瑋正色曰何僕僕也瑾大怒
詰其姓名瑋直應曰修撰何瑋知必不爲瑾所容乃累疏
致仕後瑾誅復官以經筵觸忌諱謫開州同知修黃陵岡
隄成擢東昌府同知乞歸嘉靖初起山西提學副使以父
憂不赴服闋起提學浙江敦本尙實士氣丕變未幾晉南
京太常少卿與湛若水等修明古太學之法學者翁然宗
之歷工戶禮三部侍郎晉南京右都御史未幾致仕是時
王守仁以道學名於時瑋獨默如嘗言陸九淵楊簡之學
流入禪宗充塞仁義後學未得游夏十一而議論卽過顏
曾此吾道大害也里居十餘年教子姓以孝弟忠信一介
必嚴兩執親喪皆哀毀後謚文定所著陰陽律呂儒學管
見栢齊集十二卷皆行於世

氏姓譜

卷七十

五歌

何氏

七

何如龍字康侯桐城人父思鼈知棲霞縣有德於民如龍
登萬歷二十六年進士由庶吉士累遷國子監祭酒天啟
時官禮部右侍郎協理詹事府五年正月廷推左侍郎魏
廣徵言如龍與左光斗同里友善遂奪職閒住崇正元年
起爲吏部右侍郎未至拜禮部尙書宗藩婚嫁命名例請
於朝貧者爲部所稽自萬歷末至是積疏累千有白首不
能完家室骨朽而尙未名者用如龍請貧宗得嫁娶者六
百餘人大學士劉鴻訓以增敕事帝怒不測如龍力爲剖
析得免死戍邊明年冬京師戒嚴都人桀黠者請以私財
聚衆助官軍朝議壯之如龍力言其叵測不善用必啟內
釁帝名問對如初帝出片紙示之則得之偵事與如龍言
合由是受知十二月命與周延儒錢象坤俱以本官兼東
閣大學士入閣輔政帝欲族袁崇煥以如龍申救免死者

三百餘口累加少保戶部尚書武英殿大學士四年春副
延儒總裁會試事竣卽乞休疏九上乃允陛辭陳惇大明
作之道抵家復請時觀通鑑察古今理亂忠佞語甚切六
年延儒罷政體仁當爲首輔而延儒恨體仁排已謀起如
寵以抑之如寵畏體仁六疏辭體仁遂爲首輔如寵性孝
友母年九十色養不衰操行恬雅與物無競難進易退世
尤高之十四年卒福王時贈太保諡文端兄如申與如寵
同舉進士官戶部郎中督餉遼東有清操軍士請復留二
載終浙江右布政使

何廷魁字汝謙山西威遠衛人萬歷二十九年進士授涇
縣知縣調寧晉遷刑部主事歷歸德衛輝河南知府西寧
副使坐攷功法復爲黎平知府會遼事棘遷副使分巡遼
陽袁應泰納降廷魁爭不聽及瀋陽破同事者遣孥歸廷

氏姓譜

卷七十

五歌

何氏

三

魁曰吾不敢爲民望

大清兵渡濠廷魁請乘牛濟急擊之俄薄城圍未合又請
盡銳出禦應泰並不從遼陽破廷魁懷印率其妾高氏金
氏投井死婢僕從死者六人都司徐國全聞之亦自經公
署事聞贈光祿卿再贈大理卿賜祭葬諡忠愍世廕錦衣
百戶國全贈恤如制

何競字邦植蕭山人父舜賓爲御史謫戍廣西慶遠衛遇
赦還好持吏短長有鄒魯者當塗人亦以御史謫官稍遷
蕭山知縣貪暴後悍舜賓求魯陰事許之兩人互相猜縣
中湘湖爲富人私據舜賓發其事於官奏覈之富人因奏
舜賓以戍卒潛逃擅自冠帶章並下所司覈治魯隱其文
牒詭言舜賓遇赦無驗宜行原衛查核上官不可駁之會
舜賓門人訓導童顯章爲魯所陷論死下府覆驗道經舜

資家入與謀魯聞之大詰曰舜賓乃敢竄重囚發卒圍其門輒捕舜賓徑解慶遠又令爪牙吏屏其衣服至餘干宿昌國寺夜以濕衣閉其口壓殺之魯復捕舜賓妻子競與母逃常熟匿父友王鼎家已而魯遷山西僉事將行競乃潛歸與族人謀各親黨數十人飲之酒爲舜賓稱寃中坐競出叩首哭以請皆踴躍願效命乃各持器伏道旁伺魯過競袖鐵錐奮擊騶從駭散仆其輿裸之杖齊下矐兩目鬚髮盡拔競拔佩刀破其左股必欲殺之爲衆所止乃與魯連鎖赴按察司而預令族父澤走闕下訴寃僉事蕭翀故黨魯嚴刑訊競競大言曰必欲殺我我非畏死者顧人孰無父母且我已訟於朝非公輩所得擅殺噬臂肉擲案上含血噴翀面一堂皆驚會競疏已上遣刑部郎中李時給事中李舉會巡按御史鄧璋雜治諸人持兩端擬魯故

氏姓譜

卷七十

五歌

何氏

元

屏人衣食至死競部民毆本屬知縣篤疾律俱絞餘所逮數百人擬罪有差競母朱氏復搗登聞鼓訴寃魯亦使人馳訴乃命大理寺正曹廉會巡按御史陳銓覆治廉曰爾等何毆縣官競曰競知父讐不知縣官但恨未殺之耳廉以致死無據遣縣令揭棺驗之驗者報傷而解役任寃懷慨首實且出舜賓臨命所付血書於是衆皆辭服改擬魯斬競徒三年法司議競遭戍且曰魯已成篤疾競爲父報讐律意有在均俟上裁帝從其議戍競福寧衛時宏治十四年二月也後武宗登極肆赦魯免死競赦歸又九年卒競自父歿至死凡十六年服衰終其身

何麟沁水人爲布政司吏武宗微行由大同抵太原城門閉不得入怒而還京遣中官逮守臣不敢門者巡撫以下皆大懼麟曰朝廷未知主名請厚賄中官麟與俱往卽聖

怒不測麟一身獨當之及抵京上疏曰陛下巡幸晉陽司
城門者實臣麟一人他官無預也臣不能啟門迎駕罪當
萬死但陛下輕宗廟社稷而事巡游且易服微行無清道
警蹕之諱白龍魚服臣下何由辨焉昔漢光武夜獵至上
東門守臣郅憚拒弗納光武以憚能守法而賞之今小臣
欲守郅憚之節而陛下乃有不敬之誅臣恐天下後世以
爲臣不幸不若郅憚陛下寬仁之量亦遠遜光武也疏入
帝怒稍解廷杖六十釋還餘不問巡撫以下郊迎禮敬之
何遵字孟循江寧人家貧父命之賈不願也去爲儒舉正
德九年進士吏部尚書陸完聞其名使子弟從學及選臺
諫遵引疾曰不可因人進也授工部主事權木荆州下令
稅自百金以下減三之一風濤敗費者勿算入算者手實
其數自識之藏於郡帑數日一會所入比去不私一錢帝

氏姓譜

卷七十

五歌

何氏

三

將南巡以進香東嶽爲詞遵抗言淫祀無福萬一宗藩中
藉口奉迎潛懷不軌則福未降而禍已隨蓋指宸濠也諸
權幸見疏遏勿進時黃鞏等已得罪遵復與同官林大輅
蔣山卿上疏乞罷南巡極言江彬怙權倡亂鞏等無罪願
特寬宥毋使後世有殺諫臣名帝怒下詔獄廷杖四十劓
甚肢體俱裂越二日遂卒年三十四家貧僚友助而殮之
當遵草疏時家僮前抱持哭曰主縱不自計獨不念老親
幼子乎遵執筆從容曰爲我謝大人兒子勿令廢學足矣
死之日其父方與家人祭墓歸有烏悲鳴心異之或傳工
部有以言獲罪者父長號曰遵死矣已而果然世宗立贈
遵尚寶卿賜祭錄一子入國學

何紹正淳安人宏治十五年進士授行人正德三年擢吏
科給事中中官廖堂鎮河南奏保方面數人且擅擬遷調

吏部尚書許進等不能難紹正勃之瑾不得已責堂自陳而心甚銜紹正及冬坐頌歷導駕失儀杖之闕下謫海州判官屢遷池州知府築銅陵五十餘圩以備旱潦宸濠反攻安慶池人震恐紹正登陴固守事平增俸一級遷江西參政致仕池人爲立祠與宋包拯並祀

何剛成都衛人有志操習武事正德中嗣世職爲指揮僉事以能擢筠連守備從巡撫盛應期擊斬叛賊謝文禮文義世宗立論功進署都指揮僉事充左參將協守松潘嘉靖初芒部土舍隴政土婦支祿等叛剛討之斬首二百餘級降其衆數百人政奔烏撒剛檄土官安寧禽以獻寧佯諾而匿政不出巡撫湯沐言狀帝奪剛冠帶川貴兵合討賊始滅還冠帶如初五年春擢剛副總兵仍鎮松潘隴氏已絕改芒部爲鎮雄府設流官未幾政遺黨沙保復叛剛

氏姓譜

卷七十

五歌

何氏

三

偕參將魏武參議姚汝臯等並進斬保等賊首七人餘盡殄錄功武最卿次之賜賚有差黑虎五砦番反圍長安諸堡烏都鴟鴞諸番亦繼叛卿皆破平之就進都督僉事威茂番十餘砦連兵刦軍饗且攻茂州及長寧諸堡要撫賞卿與副使朱統築茂州外城以困之旋以計殘其衆戰屢捷遂攻深溝焚其礮砦諸番窘請贖罪卿責獻首惡番不應復分勦淺溝渾水二砦殲之諸番乃爭獻首惡插血階指耳誓不復叛卿乃與刻木爲約分處其曹畫疆守松潘路復通巡撫潘鑑等上二人功詔賚銀幣進署都督同知鎮守如故久之以疾致仕二十三年塞上多警召卿以疾辭帝怒奪其都督命以都指揮使詣部聽調未幾寇逼畿輔命營盧溝橋松潘副總兵李爵爲巡撫邱養浩劾罷詔以卿代給事中許天倫言卿賄養浩劾爵自爲地帝怒褫

卿及養浩官令巡按冉崇禮覈實時兵事棘翁萬達復薦卿還其都督僉事督東官廳軍馬已而崇禮具言爵貪汚卿鎖松潘十七年爲蜀保障軍民頌德且貧安所得賄帝意乃解四川白草番爲亂副總兵高岡鳳被劾兵部尙書路迎奏卿代之卿再蒞松潘將士咸喜乃會巡撫張時徹討禽渠惡數人俘斬九百七十有奇克營砦四十七毀碉房四千八百獲馬牛器械儲積各萬計進署都督同知卿素有威望爲番人所憚自威茂迄松潘龍安夾道築牆數百里行旌往來無剽賊患先後蒞鎮二十四年軍民戴之若慈母再以疾歸三十三年倭寇海上詔卿與沈希儀各率家眾赴蘇松軍門明年充副總兵總理浙江及蘇松海防卿蜀中名將不諳海道年已老兵與將不習竟不能有所爲爲巡按御史周如斗劾罷卒

氏姓譜

卷七十

五歌

何氏

三

何俊郴州人登成化己丑進士授南京戶部主事擢雲南按察使司僉事兼督雲貴學政隨俗導化濟之以嚴凡所陶鑄多中器使乞休無他嗜蓄古醫方所著有訥齋稿子說成化中鄉試第一舉進士官河南督學僉事

何孟春字子元郴州人祖俊雲南按察司僉事父說刑部郎中孟春少遊李東陽之門學問該博第宏治六年進士授兵部主事言官龐泮等下獄疏救之詔修萬歲山毓秀亭乾清宮西室役軍九千人計費百餘萬抗疏極諫清寧宮災陳八事疏萬餘言進員外郎郎中出理陝西馬政條目畢張還上釐弊五事並劾撫臣不職正德初請釐正孔廟祀典不果行出爲河南參政廉公有威擢太僕少卿進爲卿駕幸宣府馳疏諫尋以右副都御史巡撫雲南討平十八寨叛蠻阿勿阿寺等奏設永昌府增五長官司五守

禦所錄功曆一子辭不受世宗卽位遷南京兵部右侍郎
半道名爲吏部右侍郎會蘇松諸府旱僚相繼而江淮北
河水大溢漂沒田廬人畜無算孟春做漢魏相條奏八事
帝嘉納焉尋進左侍郎尙書喬宇罷代署部事先是大理
議起孟春在雲南聞之三上疏乞從初詔皆不省於是帝
益入張聰桂萼等言復欲去本生二字聰方盛氣列上禮
官欺妄十三事且斥爲朋黨孟春偕九卿秦金等具疏其
時詹事翰林給事御史及六部諸司大理行人諸臣各具
疏爭並留中不下羣情益洶洶會朝方罷孟春倡言於衆
曰憲宗朝百官哭文華門爭慈懿皇太后葬禮憲宗從之
此國朝故事也修撰楊慎曰國家養士百五十年仗節死
義正在今日編修王元正給事中張翀等遂遮留羣臣於
金水橋南謂今日有不力爭者必共擊之孟春金獻民徐

氏姓譜

卷七十

五歌

何氏

三

文華復相號名於是九卿及各員等二百一十有九人俱
跪伏左順門帝命司禮中官諭返衆皆曰必得俞旨乃敢
退自辰至午凡再傳諭猶跪伏不起帝大怒遣錦衣先執
爲首者於是豐熙張翀徐翹余寬黃待顯陶滋相世芳母
德純八人並繫詔獄楊慎王元正乃恨門大哭衆皆哭聲
震闕廷帝益怒命收擊四品以下官若干人而令孟春等
待罪翼日編修王相等十八人俱杖死熙等及憚元正俱
謫戍始下孟春等前疏責曰朕嗣承大統祇奉宗廟尊崇
大禮自由朕心孟春等毀君害政變亂是非且張聰等所
上十三條尙留中未發安得先知其以實對於是孟春等
具疏伏罪言聰等所條者於未進之日先以私橐示人且
有副本存通政司故臣等知之臣等忝從大臣後得與議
禮之末竊以聰等欺罔故昌言論辨以瀆天聽罪應萬死

惟望聖明加察辨其孰正孰邪則臣等雖死亦幸帝怒不
已責孟春倡眾逞忿非大臣事君之道法宜重治姑從輕
奪俸一月旋出爲南京工部左侍郎故事南部止侍郎一
人時已有右侍郎張琮復以孟春爲左蓋贖員也孟春屢
疏引疾至六年春始得請及明倫大典成削其籍久之卒
於家隆慶初贈禮部尚書諡文簡孟春所居有泉用燕去
來時盈涸得名遂稱燕泉先生云

何廷仁初名秦以字行改字性之黃宏綱字正之皆雩都
人廷仁和厚與人接誠意盜溢而宏綱難近未嘗假色笑
於人然兩人志行相準廷仁初慕陳獻章後聞王守仁之
學於宏綱守仁征桶岡詣軍門謁遂師事焉嘉靖元年舉
於鄉復從守仁浙東廷仁立論尚平實守仁沒後有爲過
高之論者輒曰此非吾師言也除新會知縣釋萊獻章祠

氏姓譜

卷七十

五歌

何氏

三

而後視事政尚簡易士民愛之遷南京工部主事分司儀
真權蕪湖稅不私一錢滿考卽致仕宏綱由鄉舉官刑部
主事守仁之門從遊者恒數百浙東江西尤衆善推演師
說者稱宏綱廷仁及錢德洪王畿時人語曰江有何黃浙
有錢王

何景明字仲默信陽人八歲能詩古文宏治十一年舉於
鄉年方十五宗藩貴人爭遣人負視所至聚觀若堵十五
年第進士授中書舍人與李夢陽輩倡詩古文夢陽最雄
駿景明稍後出相與頡頏正德改元劉瑾竊柄上書吏部
尚書許進勸其秉政毋撓語極激烈已遂謝病歸踰年瑾
盡免諸在告者官景明坐罷瑾誅用李東陽薦起故秩直
內閣制敕房李夢陽下獄衆莫敢爲直景明上書吏部尙
書楊一清救之九年乾清宮災疏言義子不當畜邊軍不

當留番僧不當寵宦官不當任留中久之進吏部員外郎
直制敕如故錢寧欲交驩以古畫索題景明曰此名筆毋
汚人手留經年終擲還之尋擢陝西提學副使廖鵬弟太
監鑾鎮關中橫甚諸參隨遇三司不下馬景明執撻之其
教諸生專以經術世務遴秀者於正學書院親爲說經不
用諸家訓誥士始知有經學嘉靖初引疾歸未幾卒年三
十有九景明志操耿介尚節義鄙榮利與夢陽並有國士
風兩人爲詩文相得甚歡名成之後互相詆譏夢陽主摹
倣景明則主規造各樹堅壘不相下兩人交游亦遂分左
右視說者謂景明之才本遜夢陽而其詩秀逸穩稱視夢
陽反爲過之然天下語詩文必並稱何李又與邊貢徐禎
卿並稱四傑其持論謂詩溺於陶謝力振之古詩之法亡
於謝文靡於隋韓力振之古文之法亡於韓錢謙益撰列

氏姓譜

卷七十

五歌

何氏

三

朝詩力詆之

何可繼遼東人天啟中以守備典袁崇煥寧遠中軍廉勇
善撫士卒六年寧遠被圍佐崇煥捍禦有功進都司僉書
明年再被兵復堅守遷參將署寧遠副將事崇正元年巡
撫畢自肅合典中軍及崇煥再出鎮復以副將領中軍事
靖十三營之變崇煥欲更置大將上言臣昔爲巡撫定議
關外止設一總兵其時魏忠賢竊柄崔呈秀欲用其私黨
增設三四人以致權勢相衡臂指不運乃止留寧遠及前
鋒二人而臂指之不運猶故也臣以爲寧遠一路斷宜併
歸前鋒總兵駐關內者掛平遼將軍印轄山石二路而以
前屯隸之駐關外者掛征遼前鋒將軍印轄寧遠一衛而
以錦州隸之薊遼總兵趙率教久習遼事宜與山海麻登
雲相易掛平遼將軍印關外總兵舊有朱梅祖大壽楡已

解任宜併歸大壽駐錦州而以臣中軍何可綱專防寧遠可綱仁而有勇廉而能勤事至善謀其才不在臣下臣向所建暨實可綱力請加都督僉事仍典臣中軍則一鎮之費雖裁一鎮之用仍在臣妄謂五年奏凱者仗此三人之力用而不效請治臣罪帝悉從之可綱佐崇煥更定軍制歲省餉百二十萬有奇以春秋二防功進職右都督二年冬京師被兵與大壽從崇煥入衛數有功崇煥下吏乃隨大壽東潰復與歸朝明年正月永平灤州失守可綱戰古沿鄉及雙望頗有斬獲四月樞輔孫承宗令可綱督諸將營雙望諸山以綴永平之師令大壽諸軍直趨灤州灤州既復

大清兵棄永平去可綱遂入其城論功加太子太保左都督已而錦州被圍可綱督諸將赴救立功郵馬山復進秩

氏姓譜

卷七十

五歌

何氏

三

四年築城大凌河命可綱借大壽護版築八月甫竣工大清以十萬衆來攻可綱等堅守不下久之糧盡援絕大壽及諸將皆欲降獨可綱不從令二人掖出城外殺之可綱顏色不變亦不發一言含笑而死

何復字見元平度人崇正七年進士知高縣有却賊功忤上官被劾謫戍後廷臣多論薦起英山知縣累遷工部主事進員外郎十七年二月擢保定知府李自成反復登城拒守城破被執怒詈奪賊刀殺二賊賊虜至劍目割鼻支解死

何剛字懋人上海人崇正三年舉於鄉見海內大亂慨然有濟世之志交天下豪俊與東陽許都善語之曰子所居天下精兵處盡練一旅以待用都諾而去十七年正月入都上書言國家設制科立資格以約束天下豪傑此所以

弭亂非所以戡亂也今日救生民匡國莫急於治兵陛下誠簡強壯英敏之士命知兵大臣教習之講韜鈴練筋骨拓膽智時名而試之學成優其秩寄以兵柄必能建奇功臣讀威繼光書繼光數言義烏東陽兵可用誠得召募數千加之訓練準繼光遺法分布河南郡縣大寇可平因薦都及錢塘進士姚奇允桐城諸生周岐陝西諸生劉湘客絳州舉人韓霖帝壯其言卽擢剛職方主事募兵金華而都作亂已前死霖亦爲賊用剛不知故並薦之剛出都都城陷馳還南京先是賊逼京師剛友陳子龍夏允彝將聯海舟達天津備緩急募卒二千人至是令剛統之子龍入爲兵科言防江莫如水師更乞廣行召募委剛訓練從之剛乃上疏言臣請陛下三年之內宮室不必修百官禮樂不必備惟日求天下才智者決策廉者理財勇者禦敵

氏姓譜

卷七十

五歌

何氏

三

爵賞無出此三者則國富民強大敵可服若以驕悍之將馭無制之兵空言恢復是却行而求前也優游歲月潤色偏安銅豪傑於草間迫梟雄爲盜賊是株守以待盡也惟廟堂不以浮文取士而以實績課人則真才皆爲國用而議論亦省矣分遣使者羅草澤英豪得才多者受上賞則梟傑畢命封疆而盜魁亦少矣東南人滿徙之江北或賜爵或贖罪則豪右皆盡力南畝而軍餉亦充矣時不能用尋進本司員外卽以其兵隸史可法可法大喜得剛剛亦自喜遇可法知已士英惡之出剛逾義知府可法垂涕曰子去吾誰仗剛亦泣願死生無相背踰月揚州被圍佐可法拒守城破投井死

何楷字元子漳州鎮海衛人博綜羣書寒暑不輟尤邃於

經學天啟五年進士值魏忠賢亂政不謁選而歸崇正時

授戶部主事進員外郎改刑科給事中流賊陷鳳陽熈皇
陵借劾巡撫楊一鵬巡按吳振纓罪而刺輔臣溫體仁王
應熊言振纓體仁私人一鵬應熊座主也逆賊犯皇陵神
人共憤陛下輟講避殿感動臣民二輔臣獨漫視之欲令
一鵬振纓戴罪自贖情面重祖宗陵寢爲輕朋比深天下
譏刺不恤忤旨鐫一秩視事又言應熊體仁奏辯明自引
門生姻婭刑官瞻徇實由於此乞宣諭輔臣毋分別恩仇
以國事爲戲應熊復奏辯楷言臣疏未奉旨應熊先一日
掖引臣疏詞必有漏禁中語者帝意動令應熊自陳應熊
竟由是去吏部尙書謝陞言登萊要地巡撫陳應元引疾
宜允其去及推勞永嘉代應元則言登萊巡撫本贊員楷
亦疏駁之楷又請給贈都御史高攀龍官誥賜左光斗諸
臣諡名還惠世揚疏多見聽屢遷工科都給事中十一年

氏姓譜

卷七十

五歌

何氏

三

五月帝以火星逆行減膳修省兵部尙書楊嗣昌方主款
議歷引前史以進楷與南京御史林蘭友先後言其非楷
言嗣昌引建武款塞事欲借以申市賞之說引元和田興
事欲借以申招撫之說引太平興國連年兵敗事欲借以
申不可用兵之說徒巧附會耳至永平二年馬皇后事更
不知指斥安在帝方護嗣昌不聽踰月嗣昌奪情入閣楷
又劾之忤旨貶二秩爲南京國子監丞母憂歸服闋廷臣
交薦名入京都城已陷福王擢楷戶部右侍郎督理錢法
命兼工部右侍郎連疏請告不許

順治二年南都被楷走杭州從唐王入閩擢戶部尙書鄭
芝龍鴻逵兄弟橫甚郊天時稱疾不出楷言芝龍無人臣
禮王獎其風節命掌都察院事鴻逵扇殿上楷阿止之兩
人益怒楷知不爲所容連請告去途遇賊截其一耳乃芝

龍所使部將楊耿也漳州破楷遂抑鬱而卒

何選字靖卿宛平人萬歷十一年進士除南昌知縣徵授御史廷臣爭國本多獲譴選語鄭貴妃弟國泰令以朝野公論鄭氏禍福懇言於貴妃俾妃自請國泰猶豫選厲色責之曰若不及今爲身家計吾儕羣擊之悔無及矣國泰懼乃入告於妃且疏請早定以釋危疑帝意不釋已知出選指深銜之未幾吏部擬調驗封員外郎鄒元標於文選疏六日不下選以爲言帝憶前事謫湖廣布政司照磨稍遷南京通政司經歷刑部缺員外郎吏部擬用選帝恨未釋謂特降官不當推舉切讓尙書孫丕揚等斥選爲民天啟中贈選光祿少卿

何喬遠字穉孝晉江人萬歷十四年進士除刑部主事歷禮部儀制郎中神宗欲封皇長子爲王喬遠力爭不可同氏姓譜 卷七十 伍歌 何氏 三

官陳泰來等言事被謫抗疏救之石星主封倭而朝鮮使臣金晬泣言李如松沈惟敬之誤致國人束手受刃者六萬餘人喬遠卽以聞因進累朝馭倭故事帝頗心動而星堅持已說疏竟不行坐累謫廣西布政使經歷以事歸里居二十餘年中外交薦不起光宗立名爲光祿少卿移太僕王化貞駐兵廣寧主戰喬遠畫守禦策力言不宜輕舉無何廣寧竟棄天啟二年進左通政鄒元標建首善書院朱童蒙等劾之喬遠言書院上梁文實出臣手義當并罷語侵童蒙進光祿卿通政使五疏引疾以戶部右侍郎致仕崇正二年起南京工部右侍郎給事中盧兆龍劾其衰庸自引去喬遠博覽好著書嘗輯明十三朝遺事爲各山藏又纂閩書百五十卷頗行於世

何燮字中理晉江人舉於鄉崇正中知亳州州自八年後

寇賊交橫益以飢饉民死徙過半燮盡心拊循營戰守具甚備未幾山東河南土寇迭至燮戰盧家廟生禽賊魁二人刳其腸示衆撫降者數千人十五年二月李自成陷河南居民望風逃竄空城不能守賊至執燮欲降之罵不屈斷足剖胸而死懸首市上三日耳鼻猶動

何承光貴州鎮遠人萬歷四十年舉於鄉崇正中歷夔州同知七年二月賊由荊州入夔門犯夔州副使周士登在涪州城中倉卒無備通判推官知縣悉遁承光攝府事率吏民固守力竭城陷承光整冠帶危坐賊入殺之投屍於江事聞贈承光夔州知府

何相劉爲華亭訓導平涼旣陷屬城悉降華亭教諭鄒姓者援會子居武城義欲避去相劉止之曰吾輩委質爲臣安可以賓師自待乃率諸生共守及城陷與教諭皆殉難

氏姓譜

卷七十

五歌 何氏

早

何天衢字升宇阿迷州人有勇畧士酋普名聲招爲頭目使駐三潯崇正三年各聲反謀出三路兵至昆明會戰令天衢自維摩羅平入以礮手三百人助之天衢慨然曰此大丈夫報國秋也吾豈爲逆賊用哉坑殺礮手數十人率衆歸附署維摩州同知李嗣泌開城納之名聲已陷彌勒聞大懼急撤兩路兵歸巡撫王伉上其事授爲守備後數與嗣泌進勦有功及各聲死妻萬氏代領其衆屢攻天衢天衢屢挫之錄功進參將十三年擢副總兵萬氏贅沙定洲爲壻益以南安兵且厚賂黔國公用事者令毀天衢天衢請兵餉皆不應賊悉力攻之食盡舉家自焚死

何棟如無錫人居官守正旣爲陳奉所陷襄陽人赴闕訴冤不聽及出獄削籍歸家居十七年天啟初始起南京兵部主事會遼陽陷時議募兵棟如自請行遂齎帑金赴浙

江得六千七百人甫至而廣寧復陷又自請出關視形勢
乃進太僕少卿充軍前贊畫棟如志銳而才疎初在浙不
能無浮費所募兵畏出關多逃亡及兩疏論熊廷弼王化
貞功罪給事中蔡思充朱童蒙御史陳保泰遂交章劾之
棟如疏辨因請非時考察京官用清朋黨朝貴大恨遂下
詔獄榜掠備至五年秋坐賊成滁陽崇正初復官致仕卒
何天球以永平推官理遵化軍餉殉於難贈光祿少卿
何士晉字武莪宜興人父其孝得士晉晚族子利其資結
黨致之死繼母吳氏匿士晉外家讀書稍懈母輒示以父
血衣士晉感厲與人言未嘗有笑容萬歷二十六年舉進
士持血衣懇之官罪人皆抵法初授寧波推官擢工科給
事中首疏請通章奏緩聚歛俄言衮職有關廷臣言雖逆
耳每荷優容獨論及輔臣必欲借主威以洩憤是陛下負

氏姓譜

卷七十

五歌

何氏

四

拒諫之名輔臣收固寵之實天下所以積憤輔臣而不能
平也如孫鑛郭子章戴耀沈子木宜舍不舍公論乖違輔
臣朱賡安得不任其咎無何劾左都督王之禎久掌錦衣
爲內閣爪牙中樞心腹又劾大學士王錫爵逢君賊善名
命宜停戶部尚書趙世卿誤國無大臣體已復言朝端大
政宜及早行者在放輔臣以清政地罷大臣被論者以
伸公議斥王之禎以絕禍源釋卞孔時王邦才等以蘇寃
獄初皇長孫生有詔起廢列上二百餘人閱三年止用顧
憲成等四人土晉請大起廢籍瑞王將婚詔典禮視福王
費當十九萬初帝弟潞王婚費不及其半土晉請視潞王
帝將崇奉太后詔建靈應宮土晉以非禮力爭且曰聖母
所注念者東宮出講諸王早婚與遺賢之登進也乃諸臣
屢請不應而不時內降者非中貴之營求卽鬼神之香火

何也帝皆不省未幾有張差梃擊之事王之寀鉤得差供
帝遷延不決士晉三上疏趣之當是時變起非常中外咸
疑謀出鄭國泰然無敢直犯其鋒者郎中陸大受稍及之
國泰大懼急出揭自明人言益籍籍士晉乃抗疏曰陛下
與東宮情親父子勢共安危豈有禍逼蕭牆不少動念者
候命踰期旁疑轉棘竊詳大受之疏未嘗實指國泰主謀
何張皇自疑乃爾因其自疑人益不能無疑然人之宜國
泰不自今日始也陛下試問國泰三王之議何由起閨範
之序何由進妖書之毒何由構此基禍之疑也孟養浩等
何由杖戴士衡等何由成王德完等何由錮此挑激之疑
也南宗順刑餘也而陰募死士千人謂何順義王外寇也
而各官門守以重兵謂何王曰乾逆徒也而疏中先有龐
保劉成名姓謂何此不軌之疑也三者積疑至今日忽有

氏姓譜

卷七十

五歌 何氏

四

張差一事正與往者舉措相符安得令人不疑且今日之
疑國泰又非張差一事已也恐騎虎難下駭鹿走險一擊
不效別有陰謀陛下不急護東宮則東宮爲孤注萬一東
宮失護而陛下又轉惟孤注矣國泰欲釋人疑而明告貴
妃力求陛下速執保成下吏如果國泰主謀是乾坤之大
逆九廟之罪人非但貴妃之不能庇卽陛下亦不能庇也
借劍尙方請自臣始或別有主謀無與國泰事請令國泰
自任凡皇太子皇長孫起居悉屬國泰保護稍有疎虞罪
卽坐之則臣與在廷諸臣亦願陛下保全國泰身無替恩
禮若國泰畏有連引預熒惑聖聰久稽廷訊或潛散黨與
俾之遠逃或陰斃張差以冀滅口則罪愈不容誅矣惟聖
明裁察疏入帝大怒欲罪之念事已有跡恐益致人言而
吏部先以士晉爲東林黨擬出爲浙江僉事候命三年未

下至是帝急簡部疏命如前擬吏部言闕官已補請改命
帝不許命調前補者吏部又以士晉積資已深秩當參議
帝怒切責尙書奪郎中以下俸士晉之官四年移廣西參
議光宗立擢尙寶少卿遷太僕天啟二年以右僉都御史
巡撫廣西安南入犯督將吏屢擊却之四年擢兵部右侍
郎總督兩廣軍務兼巡撫廣東明年四月魏忠賢大熾爭
擬擊者率獲罪御史田景新希旨誣叛臣安邦彥賄士晉
十萬金阻援兵遂除士晉名徵賄助餉士晉憤鬱而卒有
司徵賊急家人但輸數百金產已罄會莊烈帝立獲免復
官賜恤

何以尙廣西興業人起家鄉舉時世宗享國日久不視朝
海瑞獨上疏諫帝不納遂逮瑞下詔獄以尙上疏請釋之
帝怒命錦衣衛杖之百錮詔獄晝夜榜訊越二月帝崩穆
氏姓譜 卷七十 五歌 何氏 四三

宗立獲釋擢光祿丞又以劾高拱坐謫拱罷起雷州推官
終南京鴻臚卿

何騰蛟字雲從貴州黎平衛人天啟元年舉於鄉崇正中
授南陽知縣地四達賊出沒其間數被挫去已從巡撫陳
必謙破賊安臯山斬首四百餘級又討平土寇益知名遷
兵部主事進員外郎出爲懷來兵備僉事調口北道才諳
精敏所在見稱遭母憂巡撫劉永祥薦其賢乞奪情任事
騰蛟不可固辭歸服除起淮徐兵備僉事討平土寇部內
晏然十六年冬拜右僉都御史代王聚奎巡撫湖廣時湖
北地盡失止存武昌屯左良玉大軍軍橫甚騰蛟與良玉
交歡得相安明年春遣將惠登相毛憲文復德安隨州五
月福王立詔至良玉駐漢陽其部下有異議不欲開讀騰
蛟曰社稷安危繫此一舉倘不奉詔吾以死殉之抵良玉

所而良玉已聽正紀盧鼎言開讀如禮正紀者良玉所置
官名也八月福王命加騰蛟兵部右侍郎兼撫湖南代李
乾德尋以故官總督湖廣四川雲南貴州廣西軍務名總
督楊鶚還明年三月南京有北來太子事中外以爲眞朝
臣皆曰僞騰蛟力言不可殺與當國者大忤無何良玉舉
兵反邀騰蛟偕行不可則盡殺城中人以劫士民爭匿其
署中騰蛟坐大門縱之入良玉破垣舉火避難者悉焚死
騰蛟急解印付家人令速走將自劉爲良玉部將擁去良
玉欲與同舟不從乃置之別舟以副將四人守之舟次漢
陽門乘間躍入江水四人懼誅亦赴水騰蛟漂十餘里漁
舟救之起則漢前將軍闕壯修侯廟前也家人懷印者亦
至相視大驚覓漁舟忽不見遠近謂騰蛟忠誠得神佑益
歸心焉騰蛟乃從寧州轉瀏陽抵長沙集諸屬吏堵允錫

氏姓譜

卷七十

五歌

何氏

四

傅上瑞嚴起恒章曠周大啟吳晉錫等痛哭盟誓分土馬
舟艦糗糧各任其一令允錫攝湖北巡撫上瑞攝湖南巡
撫曠爲總督監軍大啟提督學政起恒故衡水道卽督二
郡軍食晉錫以長沙推官攝鄒桂道事卽遣曠調副將黃
朝宣張先璧劉承允兵朝宣自燕子窩先璧自溆浦承允
自武岡先後至兵勢稍振而是時良玉已死

順治二年五月

大兵下南都唐王聿鍵自立於福州王居南陽時素知騰
蛟賢委任益至李自成斃於九宮山其將劉體仁郝搖旂
等以衆無主議歸騰蛟率四五萬人驟入湘陰距長沙百
餘里城中人不知其來歸也懼甚朝宣卽引兵還燕子窩
上瑞請騰蛟出避騰蛟曰死於左死於賊一也何避焉長
沙知府周二南請往偵之以千人護行賊謂其迎敵也射

殺之從行者盡死城中益懼士女悉竄騰蛟與曠謀遣部將萬大鵬等二人往撫賊見止二騎迎入演武場飲之酒二人不交一言與痛飲飲畢賊問來意答言督師以湘陰福小不足容大軍請即移長沙因致騰蛟手書召之曰公等歸朝誓永保富貴搖旂等大喜與大鵬至長沙騰蛟開誠撫慰宴飲盡歡犒從官牛酒命先壁以卒三萬馳射旌旗蔽天搖旂等大悅招其黨袁宗第蘭養成王進才牛有勇皆來歸驟增兵十餘萬聲威大振未幾自成將李錦高必正擁衆數十萬逼常德騰蛟令允錫撫降之置之荊州錦自成從子後賜名赤心必正則自成妻高氏弟也高氏語錦曰汝願爲無賴賊抑願爲大將邪錦曰何謂也曰爲賊無論旣以身許國當愛民安主將節制有死無二吾所願也錦曰諾騰蛟慮錦跋扈他日過其營請見高氏再拜

氏姓譜

卷七十

五

何氏

四

執禮恭高氏悅戒其子毋忘何公錦自是無異志自成亂天下二十年陷帝都覆廟社其衆數十萬悉歸騰蛟而騰蛟上疏但言元兇已除稍洩神人憤宜告謝郊廟卒不言已功唐王大喜立拜東閣大學士兼兵部尚書封定興伯仍督師而疑自成死未實騰蛟言自成定死身首已糜爛不敢居功因固辭封爵不允令規取江西及南都當是時降卒旣衆騰蛟欲以舊軍參之乃提授朝宣先壁爲總兵官與承允赤心郝永忠宗第進才及董英馬進忠馬士秀曹志建王允成盧鼎竝開鎮湖南北時所謂十三鎮者也承忠卽搖旂英騰蛟中軍志建則故巡按劉熙祚中軍餘皆良玉舊將也騰蛟銳意東下拜表出師明年正月與監軍御史李膺品先赴湘陰期大會岳州先壁逗遛諸營亦觀望獨赤心自湖北至爲

大兵所敗而還諸鎮兵遂罷騰蛟威望由此損時諸將皆驕且貪殘朝宣尤甚劫人而剝其皮承忠效之殺民無虛日騰蛟不能制故總督楊鶻者尅餉失軍心至是復黃緣爲偏沅總督騰蛟以爲言乃名鶻還王數議出關爲鄭氏所阻騰蛟屢請幸籛協力取江西王遣使徵兵騰蛟發承忠精騎五千往承忠不肯前五月初抵郴州會

大兵破汀州聿鍵被執死贛州亦失騰蛟聞王死大慟厲兵保境如平時已聞承明王立乃稍自安王尋以騰蛟爲武英殿大學士加太子太保王進才故守益陽聞

大兵漸逼還長沙四年春進才揚言之餉大掠并及湘陰適

大兵至長沙進才走湖北騰蛟不能守單騎走衡州長沙湘陰並失盧鼎時守衡州而先壁兵突至大掠鼎不能抗

氏姓譜

卷七十

五歌

何氏

吳

走三州先壁遂挾騰蛟走祁陽又間道走辰州騰蛟脫還走永州甫至鼎部將復大掠鼎走道州騰蛟與侍郎嚴起恒走白牙市

大兵遂下衡承初騰蛟建十三鎮以衛長沙至是皆自爲盜賊

大兵入衡州守將黃朝宣降數其罪支解之遠近大快

大清以一知府守永州副將周金湯瀾城虛夜鼓譟而登知府出走金湯遂入承六月騰蛟在白牙王密遣中使告以劉承允罪令入武岡除之騰蛟乃走謁王王及太后皆名見承允由小校以騰蛟薦至大將已漸倨騰蛟在長沙徵其兵承允大怒言先調朝宣先壁軍皆章曠親行今乃折筆使我遂馳至黎平執騰蛟子索餉數萬子走訴騰蛟騰蛟遣曠行承允乃以衆至騰蛟爲請於王得封定蠻伯

且與爲姻承允益驕至是爵安國公勛上柱國賜尙方劍
益坐大忌騰蛟出已上欲奪其權請用爲戶部尙書專領
餉務王不許王名騰蛟圖承允騰蛟無兵命以雲南援將
趙印選胡一青兵隸之及辭朝賜銀幣命廷臣郊餞承允
伏于騎襲騰蛟印選卒力戰盡殲之騰蛟乃還駐白牙八
月

大兵破武岡承允降王走靖州又走柳州時常德寶慶已
失承亦再失王將返桂林而城中止焦璉軍騰蛟率印選
一青入爲助而南安侯郝永忠忽擁衆萬餘至與璉兵欲
鬪會宜章伯盧鼎兵亦至騰蛟爲調劑桂林以安乃遣璉
承忠鼎印選一青分扼興安靈川永寧義寧諸州縣十一
月

大兵逼全州騰蛟督五將合禦五年正月王居桂林加騰

氏姓譜

卷七十

五歌

何氏

七

蛟太師進爵爲侯子孫世襲二月

大兵破全州至興安承忠兵大潰奔桂林逼王西縱兵大
掠騰蛟自永福至

大兵知桂林有變直抵北門騰蛟督璉一青等分三門拒
守

大兵乃還全州會金聲恒李成棟叛

大清以兵附

大兵在湖南者姑退騰蛟遂取全州復遣保昌侯曹志建
宜章侯盧鼎新興侯焦璉新寧侯趙印選攻永州圍城三
月大小三十六戰十一月朔克之未幾監軍御史余覲起
職方主事李甲春取寶慶諸將亦取衡州馬進忠取常德
所失地多復騰蛟議進兵長沙曾督師堵允錫惡進忠指
忠貞營李赤心軍自夔州至令進忠讓常德與之進忠大

怒盡驅居民出城焚廬舍走武岡寶慶守將王進才亦棄城走他守將皆潰赤心等所至皆空城旋棄走東趨長沙騰蛟時駐衡州大駭六年正月檄進忠由益陽出長沙期諸將畢會而親詣忠貞營邀赤心入衡部下卒六千人懼忠貞營掩襲不護行止攜吏卒三千人往將至聞其軍已東卽尾之至湘潭湘潭空城也赤心不守而去騰蛟乃入居之

大兵知騰蛟入空城遣將徐勇引軍入勇騰蛟舊部將也率其卒羅拜勸騰蛟降騰蛟太叱勇遂擁之去絕食七日乃殺之永明王聞之哀悼賜祭者九贈中湘王謚文烈官其子文瑞僉都御史

何廣上海人洪武中舉明經任知縣陞江西僉事再陞湖廣參議在邑則有惠政稱循吏在官憲有激揚名在藩垣

氏姓譜

卷七十

五歌

何氏

吳

得方岳體嘗著律解辨疑

何顯固內黃人洪武初爲四輔官賜坐講論治法命工圖其像賜待漏院記及誥命以旌之

何敏中洪武中以才行卓異任祁門知縣上書言時政得失朝廷嘉之遣行人賜以樽酒改徽州府知府後轉嘉興府所至有政聲

何穎武陵人洪武庚辰進士擢西川峩峩縣有善政邑人失牛吏捕得之穎疑其冤默禱於神果得真盜累官陝西按察司僉事

何懷輝桂陽人以刑律精通保任大理評事遷都督府經歷勤能益著陞通政司參議時論偉之

何世隆沈勇而決當元季羣雄割據世隆糾義兵守潞城以信義爲衆嚮慕歲甲午秋七月太祖駐兵潞陽世隆率

所部歸附授以萬戶俾守滁城歲丙申陞右副都元帥時州境當兵革之後民物凋弊世隆盡心撫綏衆賴以安歲壬寅五月以疾終於官

何道旻字伯清泰寧人洪武末爲大理評事獄訟多平反時有疑獄大脚扳坐強盜久不決高廟臨問責理官以受賄道旻犯顏力爭竟寢其事遷監察御史陞江西按察司副使贛州陳平爲亂討平之而罪其首惡移湖廣建議時事得失皆蒙采納後坐事免官永樂初起爲廣東按察司僉事首奏憲使貪墨黜之修雷陽壞閘溉田七十萬頃宣德初擢永州知府事必親畝畫吏不能欺民不以病再期致仕卒

何應龍南陵人幼涉獵經史膂力絕人元末起義兵後立奇功民兵萬戶歸附明初乃襲其官從徐達北定中原還氏姓譜

卷七十

五歌

何氏

兒

留宿衛後征西卒於途子執中廕襲次子時中聚族同居九世不分

何楚英攸縣人登永樂己丑進士第拜監察御史克效勤勞特陞陝西副使歷遷雲南左布政使累賜敕褒之至今黔人尤稱其善政

何忠江陵人永樂進士拜監察御史諫言正色陞交趾政平知州專尚德禮夷民懷服交趾叛忠在圍中藩臬大臣謂忠有才智膽畧薦用於朝乞師忠槌城出遇伏被執忠罵賊不屈死事聞詔旌其門謚忠節

何自學字思學金谿人宣德元年進士授刑部主事陞廣

西僉事移山西薦崇仁處士吳與弼丁內艱英廟幸大同朝臣以自學才器爲言詔起復力辭而止服闋陞陝西按察使到官見繫囚衆審閱不旬日囹圄爲之一空後死於

土木之難

何淳字尙質淳安人成化丙戌進士授監察御史累遷湖廣按副時旱潦相仍民艱於食區畫賑救咸得其所山陝河南流聚荆襄淳命有司隨地施給民皆感泣轉按察使司

何衷字惟孝舉進士授刑部主事進員外郎會四川巡撫與鎮守官訐奏朝議推衷往訊比至有賂千金者拒不納卒正其辜中都留守笞人死按治久不決至是始伏誅遷南京大理丞卒於官貧無以殮士民惜之咸嘆曰架有餘書囊無餘錢可不愧於官也所著有靜齋稿行於世

何宜字行義福清人登正統戊辰進士第拜戶部主事累遷兵部職方司郎中成化初疆圉頗多事邊報沓至皆職方司主之宜從容區畫上聞裁處多稱意旨及其施行人

氏姓譜

卷七十

五歌

何氏

序

皆以爲得宜一時卿佐極加器重凡有大議皆倚以諮決遷浙江布政司參政終江西左布政使所至以廉謹見稱何宇新字子元惠州博羅人居喪廬墓盡禮有司以狀聞詔旌表之宏治己酉舉於鄉仕至宗人府經歷世稱爲孝子

何遷字懋益德安人嘉靖辛丑進士歷官刑部右侍郎記問淵博多所超詣喜談性命之學主於圓融應世人不能窺其際爲文章耻剽賊奧邃可傳詩有中唐風所著吉陽集三十卷友問四卷

何良俊字元朗華亭人以選貢入胄監累舉不第授南翰林孔目三年遂引疾自免寓居吳城與諸文士遨遊唱和其胷次蓋傲睨千古者也

何棟長安人正德進士歷官右都御史兵部右侍郎總督

勸遼軍務棟才能幹局深達經濟有時名

何良傳字叔皮華亭人嘉靖辛丑進士授行人歷南京禮部祠祭司郎中學蚤成體素羸弱立身守官甚嚴事或於法有不當者持察之朝貴勢臨之不動與人坦易與兄良俊俱有文名人稱二何惜享年不永

何光裕字思問四川梓潼人嘉靖甲辰進士授行人歷兵科都給事中爲人侃直不屑依阿以言事忤旨斃於廷杖隆慶初贈光祿少卿

何永芳宣德初知邵陽縣持身廉謹勤於撫字尤作興學校修整一新值歲荒名富民懇請勸借穀米數萬石以濟飢民全活甚多邑人感慕不忘

何祉進賢人由進士授行人陞戶科給事以諫諍著聲時江北大飢疏請發內帑蠲租稅民賴全活告養復起呈南

氏姓譜

卷七十

五歌

何氏

五

兵科條商書一德三義軍政四事馬政五事足國裕民六事陞嘉定知府民爲立祠未竟厥施而卒祀鄉賢所著有常濱文集

何澣成化癸巳松江府推官明允清慎門無私謁知府王衡贈詩有關門共惜寒儒苦斷獄爭誇老吏明之句拜監察御史

何淵洪武初知安吉縣清慎孚於民同官疾其能以事誣繫御史臺邑民詣闕陳狀願以身代朝廷卽日釋之使復其官

何淡天順間知濱州廉明仁恕政務畢舉民安其業憂去泣送者萬餘人

何繼周宏治間知萊蕪縣發奸摘伏事無滯留歲旱蝗所禱天乃雨蝗盡死遷知膠州民爲立石

何經成化末巡撫河南兼撫荆襄撫循有道南陽流徙之民賴以生活者甚衆

何濬靈寶人正統間中鄉舉除知象州時洞蠻黃甫榮叛諭以朝廷威德卒致其服改知道州宦官侵屬邑民田二千餘頃以狀聞歸田於民而坐宦官以罪陞南康知府修白鹿洞書院延胡居仁等六人以教遠近子弟且置田以給食所著有行事錄又何氏家訓十三卷子鈞由進士除太常寺博士轉山東道御史

何誠正統間由國子生知虹縣廉正愷悌不尙威嚴民蒙其利卒於官因葬焉仍立廟祀之

何文質永樂中肇慶府通判處心廉介蒞事公勤嚴而不苛吏民悅之

何純新淦人成化丙戌進士授庶吉士拜監察御史時大

氏姓譜

卷七十

五歌

何氏

五

臣不厭輿論純歷數其過疏至三上按廣東四川端平大協人望陞雲南兵備副使發倉賑飢民免相食擒阿彌州賊首奏設守禦千戶所邊患以息奏減銀課民生以至卒於官兄善以成化乙未進士終新城令民立遺愛亭

何亮正德中知漢陽府清謹廉介人不敢犯凡有興作錙銖無費於民至於獄訟則折聽如流無不悅服卒於官立

祠祀之

何綸知蘄州廉介剛毅一介不苟取加意倉儲一時侵漁諸弊殲除殆盡善政在人至今傳頌

何盤天順中知遠安縣忠信明決見義必爲凡一一營建咸出自贖鍰民不知勞財不告匱

何晏洪武中高安典史持身廉謹案牘精通撫字有方民多德之後擢監察御史

何正永樂初知萍鄉縣值鄰境寇李法良作亂湘潭醴陵
間正導官兵討平之又築陂灌田數十頃民爲歌曰寇至
侯禦之民飢侯食之

何士英永樂初知平涼府有廉能幹濟之譽郡人感其德
久而不忘

何敦善洪武末慶陽府同知廉平公謹政績有聲永樂間
秩滿以績最賜衣一襲陞知撫州府

何宗聖宗彥之弟由鄉舉歷官工部主事

何吾騶香山人萬歷四十七年進士由庶吉士歷官少詹
事尋正間擢禮部右侍郎尋加尙書時溫體仁柄政欲斥
給事中許譽卿已擬旨吾騶力爭忤旨奪官久之唐王自
立於福州召爲首輔與鄭芝龍議事輒相牴牾閩疆旣失
跟踉回廣州永明王以原官召之復爲給事中金堡大理

氏姓譜

卷七十

五歌

何氏

五

寺少卿趙昱等所政引疾辭去卒於家

何紹箕字岳南興寧人幼喪父隨祖任石城陸川祖教之
勤學無間寒暑奉祖父母孝養備至母李氏年二十二孀
居事母怡色柔聲友愛兩弟治易經折衷諸說集成一書
卦辭象傳各不相蒙手授門人最多歷任孝感訓導通城
教諭攝新化學篆所在勒碑致思

何鉞宜章舉人授懷柔知縣政行教舉都憲劉公獎之服
闋補灌陽調縉雲治俱有聲

何鳴鳳字如岐懷集人正德庚午歲貢初丞潮州捕盜有
功民德而祀之尋遷零都令歸隱里人無不敬信

何際泰通道人母李氏病篤際泰割股救之縣令旌其門

何世綸字伯起興業人舉嘉靖鄉書嘗從吳清惠湛文簡
遊自號心齋知英德縣有惠政改知古田調度銀礦民甚

德之尋以病引去

何敦復字學閔興業八領嘉靖鄉書司駕部務轉員外郎剛直不爲同官所容謫判姑熟移丞潮州清介自矢時延諸生譚藝潮人以配祀昌黎

何垵崇善縣人嘉靖時爲郡諸生好登覽山水所至輒有題詠事父母至孝赴貢試比至聞父病癱卽趨歸及家見父癱痛劇吮之痛稍定盥漱焚香祝天願以身代如是者數月父卒垵哀號徹晝夜路人爲之泣下有司以聞詔加旌獎

何繼嗣臨武人洪武間由歲貢任山西道監察御史有風裁時治尙嚴急繼嗣獨謹敏雖有所觸忤而能善其身以退

何天祿字良所桂陽人七歲能詩十二補弟子員以貢入

氏姓譜

卷七十

五歌

何氏

五

太學嘉靖甲午中應天鄉試除增城令居官廉直不苛日與甘泉遊得其所謂體認語遂解綬歸築室曰良所書院以潛修終

何銳字恒之桂陽人少穎異剛直敦行以貢任鹽亭簿多惠政蜀人立石誦之年八十嗜學不倦膺賓席一十九次何世錦興業人性純篤居父艱不踰禮仕南雄府照磨以母老乞歸孝養備至有司以聞立孝行坊旌之

何佃字起莘桂陽人自幼以奇童名登辛酉鄉薦丙寅秋山寇剽掠佃爲州守畫策防禦寇退倡議立營遏賊州人恃以安堵

何文燾字瞻常桂陽廩生獻賊據湖南遣都司胡尙月攻桂城置僞官羅致諸生考試燾憤然哭於文廟卽日杖策西粵請粵撫沈猶龍發兵捕寇文燾歸先率勇敢數百人

擒僞知州等官獻俘并復興寧擒僞都司劉舜生等猶龍
上其績授龍陽令尋轉兵部職方司

何宗賢桂林貢生嘉靖間桃源縣丞性平易切於爲民運
餉黔中舟破損糧自以俸補不足士民皆輸助之陞四川
鹽運提舉貧不能行遂寓桃源

何樵四川泥溪長官司人知桂陽州廉節自勵愛民如子
時歲歉當道發銀糴谷備賑棋恐收糴太急不便於民乃
預報完數同知焦芳發之棋曰本欲便民乃自貽害遂自
刎州人德之爲肖像以祀

何瓚汾水監生孝宗時醴陵縣丞剛正不避權貴抑豪強
懲奸宄士民稱之祀名宦

何思問棗強人嘉靖中授長沙府推官耿介清廉人不敢
干以私與太守張西銘有兩青天之謠

氏姓譜

卷七十

五歌

何氏

五

何秀武陵人以賢良授天台知縣興學校課農桑撫恤幼
孤士民賢之

何起升富順人萬歷中知湘潭縣體不勝衣語訥訥不能
了而蒞事精勤實心辦理催科不擾解署城池整飭一新
何士紳華陽人以鄉舉授長沙司李清操自勵攝湘潭篆
酌南兌均郵傳豁虛糧雪滯冤卓有治績

何士冢字純弼廣東人知衡山縣治尙寬仁嘗書王龜齡
暗室銘泛觀萬物心則惟一何如須臾有欺暗室君子敬
義不忘慄慄六語於臥內以自觀省

何鎬字叔京河南武陽人博文約守因父通判辰州遂占
籍焉聞其父所受程氏中庸之說於東平馬氏以淑諸人
至是士子始知有馬氏之學

何三傑定州人以通判署邵陽縣獻賊陷城執至衡陽不

屈死

何壽朋字德齡金華人窮經守志不妄千人洪武初舉孝廉以二親俱老辭父歿舍所居宅易地以葬學者因其自號稱曰歸全先生

何其賢南直休寧舉人嘉靖中知寧遠縣蒞事五載清介自持議減差銀留心水利士民戴之擢御史

燕居常著布衣司理劉澹銘恤其苦節遣以一縑却不受凡四署州縣篆所有贖錢盡以修葺學宮或貧不能完者

卽蠲之時有犯某負憲司贖銀一日嚴索之立應其任訝曰何前難而今易訊之乃嚮一子其任憐之代償其贖仍以原銀歸其子尋陞荆門州守未幾謝事歸

何太謙字子益邵陽人萬歷戊戌成進士授臨江府推官

氏姓譜

卷七十

五歌

何氏

吳

擢兵部職方司主事改監察御史尋卒祀鄉賢

何倬字淵泉杞縣人萬歷甲戌進士擢御史歷官大理少卿內無衣帛之妾廩無食粟之馬稱廉吏焉

何說字商臣世爲郴州人少遊學京師御史樊英奇之後數年成化庚子果得解元連擢辛丑進士第久之授刑部主事侍郎建昌何某嘗監試湖廣雅器之見所屬獄案曰

吾謂子文士耳乃能吏也及遷郎中嘗奉敕錄囚南畿凡錄六千入上讞三千餘疏多平反揚州有毒藥殺人獄析其疑數端果邏人有隙者所構奏釋之廣德有飢民貸穀

不得而羣奪之者連四十餘人皆坐死說矜其情許自省使償穀巨杖遣之皆泣拜而去歡動州境還朝名愈彰孝宗癸丑刑部災說坐本司下都察院獄詔降一等補外說

在獄已沾疾得命出一日未周而卒清謹重厚不道人過

遇事有力母喪廬墓有芝生於旁人以為孝感云

何繼材信陽州人在漢中府推官在職平允居鄉和易祀
鄉賢

何山光字兆文扶溝人萬歷癸未進士任監察御史時巨
璫權傾中外連結外戚互為黨援出光抗疏劾之抵羣姦
於法再按山東發京考預洩之弊為忌者奪職尋補完廩
卒於官

何清許州人由貢授陝西環縣學訓導聞母喪亟徒步奔
歸營葬事廬守墓側朝夕悲泣有黃貓隨隨應紫燕二巢累
年成化初旌為孝子

何英鄱陽人性警敏絕人不事詞章往學於王松塢得饒
雙峯黃勉齋之傳造詣益深松塢寄以詩有羅梅谷裡先
春意句遂號梅谷累薦不起建王溪書院以納天下來學

氏姓譜

卷七十

五歌

何氏

五

所著有四書釋要詩經詳釋易經發明諸書崇祀邑學鄉
賢祠

歷代列女

何氏字婉姁西王母也一字大虛又云龜臺金母居崑崙
之圃閬風之苑玉喜樓十二元臺九層左帶瑤池右環翠
水漢武帝時以七夕降承華殿進蟠桃七顆李欣王母記
云武皇齋戒承華殿端拱須臾王母見霓裳照曜麒麟車
羽蓋淋瀝孔雀扇云云顧謂侍女董雙成酒闌可奏雲和
笙紅霜白日催不動七龍五鳳紛相迎第三女華林字客
君為南極元君紫微夫人治太丹宮十三女媚蘭為雲林
右英夫人嬪上清左卿訐真人三十女青蛾為紫微左曹
夫人二十三女瑤姬為云華上官夫鳳河小女玉卮
何氏婦無忌母也劉氏征虜將軍建之女也少有志節弟

牢之爲桓元所害劉氏每銜之常思報復及無忌與劉裕謀而劉氏察其舉厝有異喜而不言會無忌夜於屏風裏制檄文劉氏潛以器覆燭徐登梯於屏風上窺之旣知泣而撫之曰我不如東海呂母明矣旣孤其誠常恐壽促汝能如此吾讐耻雪矣因問其同謀知事在裕彌喜乃說桓元必敗義師必成之理以勸勉之後果如其言

何氏昭宗后梓州人帝爲壽王后得侍婉麗多智恩答厚甚卽位進號淑妃從幸華州冊立爲皇后時事危迫后消息撫御暫獲保全光化三年帝獵夜歸后遣德王還邸遇劉季述留王紫廷院明日季述等挾王陳兵召百官脅帝丙禪后恐加害天子卽取璽綬付季述遂與帝同幽東宮賊平反正天復中從帝駐鳳翔李茂眞請帝勞軍不得已后從御南樓朱全忠逼帝東遷威柄盡喪前後左右皆悍

氏姓譜

卷七十

五歌

何氏

五

逆賊徒賴后侍膳服無須臾去側至洛與帝忽忽相視恨無死所已而遇弒宮中不敢哭哀帝卽位尊爲皇太后徙居積善宮號積善太后帝將禪天下后亦遇害

何氏江陰人五代末爲江賊所掠欲汚之何曰當修容以見須臾盛飭以出立於船首罵賊赴水而死後人爲之立祠

何氏韓憑妻也憑時爲宋康王舍人何氏美王欲奪之捕舍人築青陵臺何氏作鳥鵲歌以見志其詞曰南山有鳥北山張羅鳥自高飛羅當奈何又曰鳥散雙飛不樂鳳凰妾是庶人不樂宋王俄而憑遇害王與何氏登樓何氏投臺下而死遣書於帶曰王利其生不利其死願以屍與憑合葬王怒弗聽使里人埋之塚相望也越宿有梓木生於二塚旬日而大枝連於上根交於下又有鳥如鴛鴦雌雄

各一恒棲樹交頸悲鳴米人哀之號其木曰相思樹

何氏吳人吳永年妻也宋建炎四年春金兵陷三吳城中死者五十餘萬永年與其姊及其妻何奉母而逃卒爲賊所得將繫其姊及何何給謂賊曰諸君何不釋我婦人東西惟命耳賊信之行次水濱謂其夫曰我不負君遂投於河其姊繼之

何氏衢州龍游縣儒家婦至正間爲亂兵所掠裂帛題詩云妾長宋門十九春豈期今逐虜囚奔殺身無補君王事死節難酬夫婿恩江靜從教沉溺體月明誰與弔歸魂只愁父母難相見願與來生作子孫遂投江而死

何婦賀氏永新州人斬兵陷吉安殺其夫將汚之賀曰妾聞師令嚴淫虐者斬以徇汝獨不懼殉乎兵以言諸帥帥議聘焉屆期帥且至賀閉戶不納齧指血題詩曰涇渭難

氏姓譜

卷七十

五歌

何氏

五

分清與濁妾身不幸死紅巾孤兒尙忍更他姓烈女何曾事二人白刃自揮心似鐵黃泉欲到骨如銀荒村日落猿啼處過客聞之亦愴神遂引刃自斷其喉猶端坐不仆帥排入見之驚去

何氏龍泉人李銳妻也至正間因避兵於邑之繩巖賊至何氏被執欲汚之乃與子榮兒女回娘投崖而死

其門
何氏景陵人夫亡守節隆慶二年知縣萬梁以聞於朝旌

何氏進賢胡煌妻也正德六年寇至姑老且疾艱於行何負之踰牆避焉姑尋以驚卒暨冬寇復至家人逃匿何泣守姑柩不去遂被執以行至苦塲陂曰此死所也何不速殺我遂罵不絕口投入陂內死次日夫往收其屍儼然若生人咸哀之

何氏青陽人年十八適陳景景登永樂中進士差湖廣公務卒於道何守節終身事聞旌表其門

何氏廣昌人魏寵妻年二十有五夫亡孀居守節正德五年流賊猝至家人各奔竄何不知所從乃携幼孩走伊母家途遇賊掠之行何義不受污大慟賊奪子而刃之何氏遂投水死明旦見其屍若生

何氏庠生周文泗妻文泗死氏年二十二矢志撫孤值世亂年荒族人迫之改適幾死得免乃避之依舅氏居址遂家錫溪撫孤成立卒昌後嗣

何氏懷縣人莫停宗妻年十七適宗甫一載而宗歿遺腹子煜霍訂上奉孀始下撫弱子家貧惟一婢種芋代餐姑年八十餘歲卒子煜霍學成游庠序氏卒年七十有四知縣李盤旌其門曰節炳懷陽

氏姓譜

卷七十

五歌

何氏

卒

何氏平樂庠生何遵女許配劉姓者未嫁而夫亡時氏年十六竟詣夫家朝夕奠食成禮葬事畢歸家誓不改適年五十鄉間公舉奏聞旌表給與米帛年至七十巡按田用坤匾其門曰流芳不字又每年加米二石布二疋壽八十有四而終

何氏桂陽人朱孔陽妻也年二十一生子甫週歲孔陽卒何誓不再適其叔翁永淑妻何氏年二十七而寡止育二女撫姪爲嗣何與之同志守節撫幼男成立生孫四歲子復早卒備歷憂勞不改其節

何氏長沙人廖國選妻也事舅姑以孝聞二親俱登九旬承懽養志如一日南陽彭禹峯同郡郭天門爲之祀

何氏新化人李自融繼妻也年少矢志撫前妻二子如已出茶苦孀潔諂旌表之

何氏新化人許紉妻年十八夫亡甘貧苦節詒旌其門
何氏婦何起龍繼妻蔣氏妾劉氏新化人夫亡無子二氏
勵志堅守夫弟起蛟尙未離襁褓撫育成立崇正間巡道
表其廬

何氏武岡人鄧文祖妻也夫歿撫二幼子避亂懷刃自隨
寓洪田聞兵逼遂自到時同縣蕭漢友妻夏氏同避難亦
赴水死

何氏武陵人熊某妻舉家陷賊中何謂其夫曰君當脫歸
以存嗣妾請死無爲俱屠次日伺賊他出見夫負子行且
遠投水死

何氏衡陽人胡遇奇妻遇奇早世遺孤未及甌家饒貲產
爲族人蠶食幾盡何苦節益堅子國珠領歲薦

何氏道州人蔣義卿妻年二十夫歿遺腹一女孀居養姑

氏姓譜

卷七十

五歌 何氏

六

潔清無玷

何氏道州人何文銘女許字某氏子殤父欲別受聘女泣
拒曰女旣許字某則某妻也竟守節以終

何氏鄺抱義妻抱義臨武諸生崇正末爲賊所執乃垢面
蓬髮紒以病疫賊懼釋之及賊退家人咸喜何泣曰平昔
謁拜伯叔猶豬顏汗髮今匿身不固以面目對賊牽臂引
裾雖免汚辱何以爲人竟忿恚不食死

何氏坦谿人適承差周仕壯年艱子何隨之在省每勸夫
置妾爲嗣計無何夫亡年二十二歲與妾皆無出扶襯歸
久之窺妾志移尋嫁之獨處一室會翁逝姑存夫弟曰信
曰偉尙幼何鞠之如母次第婚娶挈家事而還之無少私
焉姑歿自襲又抱信女育之蓋節而賢者年七十餘終
何氏二女宏治中流寓盱眙年飢其父賣之但云作妾二

女覺其非良人遂投淮交臂死肝胎人上其事立雙貞祠
至今祀之

何氏王啟乾妻值亂兵卒所在輒焚掠何每患之一日爲
夫緝履涕泣不禁夫詰之何曰亂方熾常慮無死所恐爲
君司縫緝不久矣後果爲潰卒所迫碎磁蓋截喉而死旬
餘啟乾亦以憤悼卒

何氏永嘉人王木叔妻初歸王氏家事落落乃甘澹泊佐
夫起家資用遂饒一日語夫曰子可出仕奈子之弟妹貧
寒何橐中餘貲久蓄奚益請以分之夫嘆曰此吾素志且
日盡散簪珥不遺木叔旣出仕又曰子之弟妹尙困有田
若干曷不畀之夫曰此尤吾志也遂以田與弟妹一郡稱
爲賢婦

何氏與業人譚賁妻年十八賁喪氏號泣幾絕及殯憑棺

氏姓譜

卷七十

五歌 何氏

六

大慟欲死殉之衆救獲免誓不再適念夫無後請於舅姑
立幼姪譚汝試爲嗣以奉夫祀撫養教訓汝試後領鄉薦
何氏金妹晉孝子琦之裔幼許郭某未嫁郭以疾卒父母
闕其事郭翁具孝服遺之女號泣曰夫死矣立起如郭氏
哀毀成禮躬操井臼事翁姑三年服闋走就夫墓曰吾今
從君地下矣觸墓磚而死遂葬夫塋事聞賜銀建坊旌其
門曰貞烈

何氏二女何得勝女勝夫婦輪喪一子康保孤幼無可託
者兩女乃相約不嫁撫弟長成以終老閨門數十年如一
日稱雙貞云

何氏張韞妻能佐韞孝年登百歲家有百歲堂海內士多
頌之大學士李春芳爲之序

何氏胡允恭妻年二十時恭疾篤何刲股救之竟不起

志教子成立享年六十八

何氏名淑寧崑山人鄭忠妻年二十四夫亡家貧舅姑八旬遺孤二曰庚曰壬煢煢子立惟朝夕紡織以給之舅姑沒喪葬以禮課二子成立年八十三而終

何氏宿遷人受管達聘初娶卞氏生子昂僅二歲繼聘何未嫁而達卒何聞之哭而慟母曰汝未識夫面慟何耶曰旣受聘卽夫也况其母老子幼無人撫養胡爲不慟遂焚毀平日親製粧奩誓不他適意及達喪出何卽衰麻送喪遂歸管氏家姑劉氏以壽終養遺子昂旣長又卒年八十無疾終士紳挽詩有一世未親夫子面九泉還是女兒身之句

何氏上猶人胡玉妻年十九玉死家無擔石何辛勤織紉事舅姑撫遺腹孤祥澤時有富民蔡大穩強欲求娶何聞

氏姓譜

卷七十

五歌

何氏

六三

之斷指以誓卒年八十九始終一節

何氏任泮妻年二十七而泮亡號慟幾絕鬻簪珥爲喪具服衰三年人莫見其面或諷之再醮輒拊膺大慟截髮自誓躬績紆以撫諸孤鄭令恭嘗書冰檠二字表其堂蔡參政餘慶爲之傳

何氏名妙玉劉雄妻自幼端謹年十八歸雄甫三月雄詣京襲父延平衛指揮秩卒於旅訃聞以守節自誓閉戶事女紅以養姑卒殯葬以禮煢煢子立持身益嚴人未一見其出戶劉璋詩云良人早亡歿茹苦世間無家窘將誰託始衰只自扶乾坤雙髮短風雨一燈孤萬古綱常係人憐節孝俱

何二娘素不修仙術忽一日飛去上羅浮山寺爲寺衆採山菜充齋而返循州去廣州四百里後循州寺僧至說某

月日有仙女來採楊梅充齋驗之果是所採之日也由是遠近知其仙去

何氏泗州人年十五父歿母病媚家誘買爲子婦後徙居淮逼使爲媚何遂自刎是年旱甚或言何冤郡佐求其屍封塚設祭天果大雨具奏建祠墓側賜額貞烈

何氏二婦秦州人何永明妻沈氏二十三而寡弟婦楊氏亦二十三而寡沈子謙楊子誠皆在襁褓相以死誓終養其姑二子各得成立郡守扁其堂曰雙節

何氏池仲廣妻黃巖人年二十三而寡姻戚以艾年勸之再適輒泣涕自誓曰願紆織以養姑育子終身

何氏懷孟人夫沒守志養舅姑舅姑以壽終親負土築其墳高三尺

何未姑郴州人何海女也年及笄未許嫁而父卒母曹氏

氏姓譜

卷七十

五歌

何氏

齊

兄昱繼喪遣弟冕姪懷德俱幼未姑茹苦畢三年喪終身撫弟姪至死守貞不字人稱爲女師

何氏山陰人周英妻年十歲受英聘未幾英邁癩疾父母欲背盟女曰兒之不幸也曷敢二志卒歸英後英竟以前疾卒何堅操不改卒年七十一

何氏周虎之母也傾家貲以犒軍士封感義郡夫人諾畧云有子而才畫州以守慈親白髮共誓丹心爰超大郡之封庸正小君之號使天下之爲人母者皆知以是教其子使天下之爲人子者皆知以是顯其親

